



ОЙВЫВ КОДЗУВ

Ф Е В Р А Л Ь

2

1968



ДУМ ВЫЛЪ УСИ ГОРТЫС.

Фото В. Демехинлӧн.





В ОЙВЫВ КОДЗУВ



ЛИТЕРАТУРНО-
ХУДОЖЕСТВЕННОЙ
ДА ОБЩЕСТВЕННО-
ПОЛИТИЧЕСКОЙ
ЖУРНАЛ

КОМИ АССР-са ПИСАТЕЛЬЯС СОЮЗЛОН ОРГАН

ТАЙО НОМЕРЫН

П. ЗАВАРЗИН. Ветымын во Рөдинаос дор- йигөн	3
М. ШУРГАНОВ. Курскöй дугаса герой	9
Б. ТЕНТЮКОВ. Слава орденьяса кавалер	11
Гижысьяс-салдатъяс	14
Ф. ЩЕРБАКОВ. Фронтöвöй тетрадьысь	16
В. ШИРЯЕВ. Он вун тэ, Озью	17
В. ПОПОВ. А кыз нö? Велöд, вокö, да эн ылав (кывбурьяс)	34
Г. ВЕТОШКИН. Олöм пасьяс (казьтылöмьяс)	35

Челядьлы

А. ТУРКИН. Куим ичöтик висьт	44
А. ТАРАБУКИН. Мишалон шкатулка, эз ву- нöдны (висьтьяс)	47

Критика да библиография

С. ЗОТОВ. Бур козин	49
В. МАРТЫНОВ. Медым восьлавны водзö	53

Редакцияö воом письмöяс

Е. КОРОЛЕВА. Шондi югөр кодь ань	54
А. РАЗМЫСЛОВ. Вөр-ва йылысь кыв	55

Серамбана гижöдьяс

В. БЕЗНОСИКОВ. Поэтöм көк (висьт)	57
---	----

Миян кыв

Мыйла тадзи шуöны	63
-----------------------------	----



ФЕВРАЛЬ
1968

СЫКТЫВКАР

СЕВЕРНАЯ ЗВЕЗДА

★

ЕЖЕМЕСЯЧНЫЙ
ЛИТЕРАТУРНО-ХУДОЖЕСТВЕННЫЙ
И
ОБЩЕСТВЕННО-ПОЛИТИЧЕСКИЙ
ЖУРНАЛ

●

ОРГАН
СОЮЗА ПИСАТЕЛЕЙ
КОМИ АССР


Редактор Я. РОЧЕВ

РЕДАКЦИОННАЯ КОЛЛЕГИЯ:

*А. Ванев, И. Изжуров, С. Попов (зам. редактора),
С. Раевский, А. Сажин, Г. Юшков (отв. секретарь).*

ТАНКТО И ВАЫД ОЗ КУТ.

Фото В. Демёхинлөн.



Ветымын во Рөдинаос дорйигөн

Миян Рөдинаным пасйө народлысь ыджыд праздник — Сöветскöй Вооружённöй Вынъяслы ветымын во тырöм.

Сöвет странаса Вооружённöй Вынъяс чужисны да сöвмисны-быд-мисны иностраннöй интервентьяскöд да белогвардеецьяскöд миян мездлун вöсна справедливöй тышын. Найöс котыртис Коммунистическöй партия великöй Ленин веськöдлöм улын, мед дорйыны быд пöлöс врагьясысь Октябрьскöй революциялысь вермöмьяссö. В. И. Ленинлөн нимкöд йитчöмаось Краснöй Армиялөн да Флотлөн гражданскöй вой-надырся став вермöмьясыс, сылөн жö индöдьяс серти и котыртис Армияыс, велöдсис да сöвмöдсис сылөн личнöй составыс.

1918 вося январь 15 (28) лунö В. И. Ленин кырымалис Народнöй Комиссарьяс Сöветлысь «Рабоче-Крестьянскöй Краснöй Армия йылысь» декрет. Декретын тöдчöдсис, мый öнi, кор странаын власть вуджис нартитысьяслөн кийыс уджалысь йöзлөн киясö, быть колö котыртны выль армия, код вылö эськö вермис мыджсыны Сöвет власть. «Краснöй Армияö воö быдөн,— висьтавсис декретын,— кодi дась сетны ассьыс вынъяссö, ассьыс олöмсö Октябрьскöй революциялысь вермöмьяссö, Сöвет власть да социализм дорйöм вылö».

Медводзынсö Краснöй Армия котыртсылис сöмын доброволецьясысь.

1918 вося январь 29 (февраль 11) лунö Совнаркомлөн заседание вылын, кодөн юрнуöдiс В. И. Ленин, вöли вынсьöдöма «Рабоче-Крестьянскöй Краснöй Флот котыртöм йылысь» декрет.

Миян страна олöмын тайö вöлины сьöкыдысь-сьöкыд луньяс. 1918 вося февраль 18 лунö русско-германскöй фронт вылын, дыркодь кыссысь чöв-лөнъ бöрын, бара пондiсны gryмакывны немецьяслөн пушкаяс, налөн войска мöдöдчисны наступайтны. Сийöс тöд вылын кутöмөн, мый фронт вöли киссьöма, немецьяс заводитiсны нетшкысьны революциялөн карö — Петроградö, мед пöдтыны Сöветьяслысь том республикаöс.

Февраль 21 лунö Сöветскöй правительство шыöдчис народ дiнö «Социалистическöй Отечество опасностиын» чуксалана декретөн, кодöс гижис В. И. Ленин. Страна пасьтала пондiс мунны ыджым удж Сöветьяслөн республикалысь Вооружённöй Вынъяс котыртöм кузя. Армияö дугдывтöг воалисны доброволецьяс, наысь öдийö котыртсялисны отрядьяс, батальоньяс да полкьяс, кодьясöс пыр жö мöдöдалисны фронт вылö. Тайö сьöкыд луньясас Псков да Нарва дорса боясын красноармеецьяслөн, красногвардеецьяслөн, революционнöй салдатьяслөн да морякьяслөн отрядьясыс чорыда кучкисны наысь ыджыдджык вына германскöй войскаяс кузя да джöмдöдiсны найöс. Тайö медводдза боевöй вермöмья-

ясыс збыльвылассо и чужтисны Красной Армияс. Февраль 23 лун лои советской воиняслон да и став мян народлон празникон — Советской Армиялон да Военно-Морской Флотлон лунон.

Совет власть вoсна повтог тышкасисны и уна коми салдатыс да матросяс. Сийо каднас найос позьо воли адзвыны Россиялон быд пельосыс, Петроградьс и Москваыс. Большевикяслон партияс членясон гортаныс воом борын демобилизуйтчом салдатыс да матросяс паскoдiсны чорыд тыш ас муын совет власть лoсьoдoм да ёнмoдoм вoсна, революциялыс врагясос вoтлoм вoсна. Комиын зiля нуoдiсны организаторской да политической удж большевикяс А. И. Бызов, М. А. Власов, А. П. Гичев, И. П. Коинов, А. Г. Куликов, А. Е. Лихачев, А. И. Михайлов, П. Д. Надуткин, Ф. М. Русь (Муравьев), В. И. Сорвачев, В. Е. Удоратин да мукoд.

Октябрьской революция борын регыд мысти Антантао пырыс страшнаяс правительствояс да на дiно сюртчoм США да Япония заводитисны Советской Россиялы паныд военной интервенция. Кыпoдiс юрсo и пытшкoсса контрреволюция, страна пасытала ыпнитисны мятежяс. 1918 вося гожомo Советской республика лои фронтяслон биа кытшын.

Став тайo лeк вынъясыскoд тышкасьoм выло быть коло воли лoсьoдны регулярной, бур дисциплинаа ыджыд армия. Красной Армияс куш сомын добровольчeсьясыс котыртoм эз нин кут лoсьявны.

Та вoсна 1918 вося май 29 лунo ВЦИК вынсьoдiс «Рабоче-Крестьянской Красной Армияo йoзoс бoсьтoм йылыс» декрет. Сийон воли пыртoма всеобщей воинской обязанность, кодi эм на и oнi.

Тайo сетiс позянлун 1919 вося тулыс кежло нин вайoдны Красной Армиялыс лыдсo oти да джын миллион мортoдз, а 1920 вося ар кежло — вит да джын миллионoдз. Татшoм ногон, гражданской война восяo воли лoсьoдoма Советской государстволыс регулярной армия, кодoс быдтiс да ёнмoдiс Коммунистической партия. Красной Армия вир кистана чорыд тышъясын пасьвартiс адмирал Колчаклыс, Деникинлыс, Юденичлыс, Врангельлыс да мукoд генеральяслыс бура борйoм белогвардейской полкьяссo, шыбитiс советской му вылыс мукoд страшнаяс воом став кортoм гoстьсo.

Рочьяскoд да мян странаса мукoд народьяскoд тшoтш коми йoз пуктисны ыджыд пай Россиялыс Войвылoс интервентьясыс да белогвардеечьясыс мездoмo. Красной Армияo тышкасьны Совет власть вoсна комияс мoдoдiсны асьыныс медбур пьянсo. Куш сомын oти Усть-Сысольской уездыс 1918—1919 восяo призываютчисны 7458 морт. Яренской уездыс тайo жо кадo Армияo мунiс куим тысяча сайo морт.

Медводдзаон фронт выло мунисны коммунистьяс. 1918 вося сентябрын Усть-Сысольск уездса коммунистьясыс воли котыртoма Куликов зима первой зырянской добровольческой коммунистической рота, конi зoлi 223 боец. Тайo ротавыс бура петкoдлiс асьo Северо-Двинской фронтывса тышъясын.

Коми муын боевой тышъяс дырйи бурмисны да вынсялисны Красной Армиялон татчoс частьясыс. Торья неыджыд отрядьясыс воли котыртoма куим регулярной полк: Ижмо-Печорской, Кай-Чердынской да Вашко-Мезенской, конi кызвыннас волины коми зоньяс. Тайo полкьясыс не сомын весалисны врагыс асьыныс чужан мунысo, но и повтог тышкасисны Северо-Двинской фронт вылын, Украинаын, Сибырын, тшoтш дорйисны Петроград.

Коми йoз пoвстыс гражданской войналон быын быдмисны ыджыд мывкыда да сюс командиряс да политработникьяс: дивизияса командир В. Л. Панюков, бригадаса комиссар А. С. Лодыгин, полкса командир А. А. Маегов, полкьясса комиссарьяс А. И. Михайлов, А. П. Мезенцев да унаон мукoд.

Советской народ некор оз вундлы, пыр пöся казтыло нимъяссö налысь, кодъяс кыин öружиеөн дорйисны да ёнмодисны мян странаын виль олөм. Великой Октябрлысь 50 во тырём пасйгөн СССР-са Верхонной Советлөн Президиум наградитис Октябрлысь уна ветеранос страналөн орденъясон да медальясон. На лыдын унаөн вöлины и коми войтыр пöвстысь. А Николай Александрович Политовлы да Иван Харитонович Щелчковлы сетöма страналысь медся ыджыд награда — Ленин орден.

И со, вöвлытöм сьöкыдлунъяс венөмөн, интервентъяссö да пытшкөсса контрреволюцияос лои жугөдöма. Страна вочасон вуджис мирной олөмө. 1924—1928 воясö партия Центральной Комитетлөн индöдъяс серти да ськөд йитöдын, мый страна ёна совмис, вöли вöчöма унатор армия вильмөдөн да сылысь вынйорсö содтöм кузя. Тайос быть колö вöли вöчны, сы вöсна мый мянөс гөгөр кытшалисны капиталистической государствояс, кодъяслы ньöти эз кажитчы мирын медводдза страналөн оласногыс.

Тайö воясас вöли энөвтчöма территориальной система серти Красной Армияос котыртöмысь. Сы пыдди лои лöсьодöма кадрöвой система, мый сетис позянлун водзö ёнмодны страналысь Вооружённой Вынъяссö, кыпöдны налысь боепособностьсö сэтшöм вуйөдз, мый найö тырвуйö лöсялисны сэкся кадыслы. А сэсся, кор войнаөдзса пятилетка воясö вöли нуөдöма индустриализация да видз-му овмöсын коллективизация, лои зумыд подув армия да флот технической вильмөдөм вылө.

Красной Армиялы виль оружие сетöм, сийс лöсяланаджыка котыртöм да личной составсö бурджыка велөдөм водзö ёна кыпөдисны сылысь вынйорсö. Тайос бура төдмалисны ас выланис японской захватчикъяс 1938—1939 воясся бойясын, а сидз жö белофиннъяс, кодъяскөд ковмис тышкасны 1939—1940 воясö. Коми зонъяс бара жö бура петкөдлисны асьнысö сэкся бойясас. Хасан ты дорын повтөг нойтис врагос подполковник Василий Дмитриевич Рубцов, кодос сэки лои наградитöма Красной Знамя орденөн. Белофиннъяскөд тышкасигөн вунөдлытöм подвиг вöчис Спасоруб сиктса зон Иван Петрович Марков. Полклы, кони служитис Марков, колö вöли босьтны öти дi, петны Выборг шоссе вылө да ордны вөрöглы бöрынтьчан туйсö. Но заливлөн йи вылын мян йоз веськалисны финнъяслөн зев чорыд би улö. Тайö косяс Марковос кыкысь ранитисны, но сийö пöртис олөмө командованиельсь кывкутана могсö. И. П. Марков комияс пöвстысь медводзөн лои Советской Союза Геройөн.

Öта-мөд вылө не уськөдчөм йылысь договор яндыстыөг ордөм бöрын фашистской Германия 1941 вося январь 22 лунö война йылысь юөрттөг вувзысис СССР вылө. Советской Союзлы паныд воюитны пондисны и сылөн сэкся союзникъясыс — Италия, Финляндия, Румыния да Венгрия. Заводитчис Великой Отечественной война — мян народлөн медся сьöкыд, медся вир кисьтана война.

Медым öдйөнджык жугөдны Советской Союзос, Германия аслас отсасысьяскөд чукөртис мян граница дорö 190 дивизия, ставнысö найос вöли бура дасьтöма-велөдöма, налөн вöли тырмымөн быд пөлос оружие. Уськөдчөм вылө дасьтөм тайö вöвлытöм армияас вöли 5,5 миллион солдат да офицер, 2800 гөгөр шөркодь да сьöкыд танк, 47 сайö тысяча орудие да миномёт да 5 тысячаысь не этшаджык самолёт.

Татшöм «нöшнас» кучкөмөн Германия чайтлис зев регыдикөн помавны войнасö. Но рөзбойниклысь шеныштчөм лөк кисö ыджыд вынөн кабыртис советской мортлөн вына кыис.

Советской Союз пырис войнаö сылы вылө сьöкыд кадö. Ми вöлимöй сэки öтнаным на, мянөс гөгөр кытшалисны капиталистической странаяс. Сэсся мян военной промышленностьным муртса на пондис вöчны боевой техникалысь вильторъяс, кодъясон армияным сöмын на вооружайтчис. Вөрөглөн жö вöли тырвуйö дась, Европаын кык во чöж воюитигөн сюсьмөм армия, кодi мыджжис пöшти ставнас Рытыввыв Европалөн эко-

номической вынйор вылө. Миян жө Красной Армия, торйон нин танкөвөй да механизируйтөм частьяс, буретш вөли выль ногон котыртсялөны да вооружайтсьөны; а сийө войскаыс, кодьяслы колө вөли видзны государствольсь граница, эз вөвны боевөй дасьлунын да эз удитны колана ногон паськөдчыны тайө виччысьтөм здукас.

Та вöсна Красной Армиялы и став народлы 1941 вося гожөмын да арын вичмис уна вөвлытөм сьөкыдлун да шог.

Но регыд мысти гитлеровецьяс казялысны, мый СССР-көд война ёна торьялө сийө войнаысыс, кодьясөс найө нуөдисны Рытивыв Европайн, мый Красной Армиятө пырмунгмозыд он пазөд.

Рөдиналы тайө сьөкыд кадас миян воиньяс, мый көть эз ло, петкөд-лисны шемөсмөдана героизм. Быдөнлы төдса, кызди дорйисны кытшө босьтөм мучитчись йөз Брестса крепость. Буг вылын лейтенант Е. М. Манинлөн застава сутки чөж нуөдис чорыд кось гитлеровецьяслөн быдса батальонкөд. Страна пасьтала төдмалисны капитан Гостеллөлөн подвиг йылысь, Талалихинлөн сынөдса таран йылысь да сідз водзө.

Октябрь төлысь помын Рөдиналөн столица Москва дорын Советской Армия, колды отсаліс став миян страна, сувтөдис лөк вөрөгөс. А регыд мысти воис сэтшөм лун, кор миян ёна вынсялөм армияным ачыс пондис зырөдны гитлеровецьясөс.

Сэсся став мирсө шензьөдис героической Сталинград. Татчөс, вөвлытөм победа да Курской дуга вылын вөрөгөс жугөдөм вуж вийөныс вежисны войналысь мунөмсө. А Днепр вывса, Белоруссияса да Украинаса, сідз жө Прибалтикаса операцияс, кодьясөс кужөмөн нуөдисны миян армияс, сетісны позянлун паськыда наступайтны Восточной Пруссияын да Берлин вылө.

Чорыдсьыс-чорыд тыш пансис фашистьяслысь позсө — Берлин штурмуйтөгөн. Миян войска карас пондисны пырны нин 1945 вося апрель 23 лунө. А апрель 29—30 луньясө ыпьялисны на медся сьөкыд, вир кисьтана бойяс. Май Первой лунлы паныда войө миян разведчикьяс А. М. Егоров да М. В. Кантария кыпөдисны рейхстаг весьтын Победалысь знамя. Май 8 лунө германской военной командованиеөн индөм йөз кырымалисны кыв шутөг сетчөм йылысь акт.

Гитлеровской Германиялөн усьөм бөрын Европайн война помасис. Но сылөн лөк бийс век на ыпьялис асывылын, тані японской империализм эз на көйы энотчыны аслас горш көйөмьясысь. Мед матыстны дыр виччысяна мир му шар пасьтала, мед дорйыны народьясөс ковтөм жертваясысь да шогысь, Советской Союз шуис отсавны аслас союзникьясы; 1945 вося август 8 лунө, гитлеровской Германиясө вермөмсянь куим төлысь мысти, йөзөдис война Япониялы паныд.

Зэв дженьыдик кадөн — 11 лунөн — советской войскаяс пасьвар-тисны Япониялысь медыджыд вынсө — Квантунской армиясө, весалисны японетьясысь Маньчжурия, Лунывы Сахалин, Курильской дияс, Дальний да Порт-Артур да мездисны Войывы Корея. 1945 вося сентябрь 2 лунө Япония кыв шутөг сетчис.

Татшөм ногон, советской народ шедөдис став мирлы төдчана ыджыдсьыс-ыджыд вермөм: сийө эз повзы да эз чегсы медся вына да лөк вөрөглөн личкөмысь, ачыс вермис сийөс да мездис Европаса народьясөс фашистской сьөд висьөмысь.

А миян Советской Армия петкөдліс война дырйи, мый сийө сэтшөм вын, кодөс оз вермы венны некод.

Великой Отечественной война чөжөн кыксө морт вылысь вөчисны Александр Матросовлысь подвигсө, сизимдас куимөн — Николай Гастеллысь.

Вөрөгөс вермөмө ассыныс пай пунктисны миян уна кывъя рөдинаса став народьяс, на лыдын и коми йөз, Областной партийной организация веськөдлөм улын найө мудз төдтөг уджалисны вөрын да заводьясың,

шахтаһын да видз-му овмӧсын. Коми войтыр нинӧм эз жалитны вӧрӧгӧс ӧдйӧнджык вермӧм вылӧ. Найӧ сетлывлісны ассыныс уджын чӧжыштӧмторнысӧ странаӧс доръян фондӧ, ас вӧлясьыныс гижсялісны военной заёмъяс вылӧ. Странаӧс доръян фондӧ, танкъяс, самолётъяс да пушкаяс вӧчӧм вылӧ республикаса йӧз чукӧртісны 60 миллион шайт. Колхозъяс да колхозникъяс сетісны государстволы 5 тысяча юр скӧт, 13 тысяча пуд нянь, 236 тысяча литр йӧв да сідз водзӧ. Уджаныс чӧжыштӧмторъяс вылӧ комияс вӧчисны да мӧдӧдісны фронт вылӧ танкъяслысь Коми АССР-са колхозник нима колонна, самолётъяслысь кык эскадрилья, ӧтиис Коми комсомолец нима, Коми АССР-са пионер нима самолёт да мукӧдтор.

Рочьяскӧд, украинецъяскӧд, белоруссяскӧд да мукӧдкӧд Коми муысь уна дас тысяча морт повтӧг тышкасисны Отечественнӧй войналӧн фронтъяс вылын.

Великӧй Отечественнӧй война заводитчӧм бӧрын регыд мысти Архангельскӧй областъын котыртсис стрелковӧй дивизия, кӧні сюрӧснас лоины коми йӧзлӧн пиян.

Тайӧ паськыда нималана соединениеса воинъяс чӧжисны куслытӧм боевӧй слава. Дивизиялы, коді сӧмын бур боксянь петкӧдліс асьсӧ Великие Луки, Невель, Себежа да мукӧд каръяс босьтӧн, а сідз жӧ Советскӧй Прибалтика мездігӧн, сетӧма «Невельскӧй» ним.

Отечественнӧй война дырйи Рӧдина вӧсна тышъясын советскӧй воинъяс, немецкӧй тылын тышкасьысь партизанъяс да подпольщикъяс петкӧдлісны вӧвлытӧм повтӧмлун да героизм. 11 525 мортлы сетӧма Советскӧй Союза Геройлысь югыд ним. На лыдысь 104 мортлы тайӧ нимсӧ сетӧма кыкысь, а паськыда тӧдса лётчикъяслы — А. И. Покрышкины да И. Н. Кожедубы — куимысь.

Советскӧй Союза Геройсӧн лоины сідз жӧ Коми муысь дас квайт морт: Бабииков М. А., Габов Н. Н., Горчаков И. П., Гуштин Н. Ф., Данилов А. Д., Кисляков В. П., Лобанов В. И., Марков И. П., Никишин М. Д., Оплеснин Н. В., Сердитов С. А., Тимушев Г. Ф., Хатанзейский А. Г., Черепанов С. М., Чупров А. Е., Шевелев А. А.

Сы йылысь, кызди мяян йӧз тышкасисны Рӧдиналӧн мездлун вӧсна, бура висьталӧ Усть-Цилемскӧй районысь «Новый бор» совхозса вӧвлӧм уджалысь Сергей Михайлович Черепановлӧн подвигыс. Боевӧй мог олӧмӧ пӧртігӧн отделениеса командир сержант Черепанов 1944 вося январын медводдзаӧн пырис Поддубье сиктӧ да гранатаӧн пасьнитіс прӧтивниклысь пулемёт. Сійӧс ранитісны морӧсас, но повтӧм морт эз пет бойысь, а аслас некымын ӧрткӧд ӧти бӧрся мӧд путкыльталіс немецъяслысь контратакаяс. Вочасӧн усинь сылӧн став ӧртъясыс. Но Черепанов эз дугӧд тыш, кӧть и коли ӧтнӧсӧн. Кор бырисны став патронъяс, да коліс медбӧръя граната, повтӧм воин пасьнитіс сійӧс аслас кок улӧ: герой моз куліс ачыс и ещӧ на виис некымын фашистӧс, кодъяс зілісны босьтны сійӧс. Тыш мунаніӧ коли фашистьяслӧн 72 шой.

Великӧй Отечественнӧй война воясӧ 2415 отважнӧй воин лоины куйман степеня Слава орденлӧн кавалеръясӧн. Татшӧмъясыс комийсь некымынӧн. Тайӧ — Усть-Кулӧмысь запаса старшина Андрей Антонович Тимушев; запаса младшӧй лейтенант Николай Константинович Чеченя, ӧні уджалӧ Воркутаын паровозса машинистӧн; запаса старшина Ксанфий Николаевич Ивашевский, уджалӧ Воркутаса ГОМ-ын; старшина Александр Иванович Павлов, уджалӧ Княжпогост районса Ропча посёлокын; запаса старшина Кирилл Матвеевич Чупров, олӧ Усть-Цильма районын, заведуйтӧ пекарняӧн; запаса старшина Александр Митрофанович Язов, уджалӧ «Ухтастрой» трестын. Слава ордена тыр кавалерӧн вӧлі и Троицко-Печорскӧй районысь Иван Данилович Бажуков, коді ӧні абу нин ловъя.

Уна лыда тышъясын ӧкмис-чукӧрмис Советскӧй Армияса коман-

дирьяслён да салдатьяслён воуйтны кужомыс. Уна воиньяс лоины гырьсь военачальникьясён. Не этша эм татшомыс и комияс повстысь. Тайо — генерал-лейтенант Александр Иванович Одинцов, авиацияса генерал-майор Александр Иванович Калинин, танковой войскаясса генерал-лейтенант Алексей Николаевич Жилин, полковник Николай Васильевич Митюшев, политработник полковник Иван Павлович Выборов да унаон мукд.

Вермисны-о коми йоз водзи, кор Россияон веськодлис царь, мовпыштлыны сы йылысь, мый сы пиянлон быдмасы татшом бордьяс?

Сомын Совет власть, кодос чужтис Великой Октябрь, да дорйисны быд полос врагьясысь миян Вооружённой Выньяс, восьтис странаса став народьяс водзын кыпыда совман туй, кор быд морт тырвийо вермо петкодлыны асьыс мывкылдунсо да сямсо.

Великой Отечественной война помасьом борын КПСС ЦК да Советской Правительство сувтодисны Вооружённой Выньяс водзо виль могьяс: мед эсько налон пыр воли боевой дасьлун, мед найо сюся видзисны советской йозлысь мирной уджсо. Сэк, кор империализмлон агрессивной выньяс пыр енджыка кыподоны юрнысо, миянлы быдтор кезло коло лоны дасьон.

СССР-са Верховной Советлон Коймод сессия вылын Оборона кузя министр Советской Союзас маршал А. А. Гречко висьталис, мый они миян армиялон да флотлон эм медся бур да вына военной техника — ядерной оружие, уна полос ракетаяс, звукысь одйоджык лэбалысь самолетьяс, виль танкьяс, атом вылын уджалысь подводной лодкаяс да уна мукдтор.

Медся ен да, позьо шуны, паныдавын позьтом жугодан вын — ракетаяс — они пыртома армияо быдлао. А на пиысь медся вынаяссо отувтоны стратегической тодчанлуна ракетной войскаяс, налон эмось уна лыда ветлодлысь лэдзалан установкаяс, кодыяс збыльвылассо противниклы судзодны позьтомось. Содис ядерной выныс и ракета новлодлысь авиациялон. Ена лоины бурмоддомаось сидз жо танкьяс, артиллерия да стрелковой оружие.

Но отнас оружиеыд оз на вермы подтыны агрессорос, уськодчас ко сийо миян выло. Война вылын и она кад медыджыд выннас лооны йоз, кодыяс бура тодоны оружиесо, вына да толка йоз, кодыяс помтог радейтоны Родина, медборья лов шыодз дасьось служитны народлы да партиялы. Буретш татшомось и эм Советской Вооружённой Выньяслон воиньяс.

Советской воиньяс ена пыдди пунктаны куслытом подвигьяссо асланыс батьяслысь да поляяслысь, зильоны лоны на кодьон жо.

Сьолөмсянь быдлунья велодчөмон да мудз тодтом уджон вочавидзаны советской воиньяс партиялон да правительстволон на всна тождысьом выло. А тайо тождысьомыс бара на тыдовтчис СССР-са Верховной Советлон Коймод сессия вылын, кони воли вынсьодома всеобщой воинской обязанность йылысь виль Закон, кодос олөмо портөм водзо еномдас миянлысь Вооружённой Выньяс...

Ыджыд да ярьюгыд туй мунисны Советской Вооружённой Выньяс. Тайо лои позяна сы всна, мый найо пыр мыджисны народлон отсөг выло, сы всна, мый наон веськодлис, найос ышөдис да нуөдис водзо, подвигьяс выло, Ленинлон, коммунистьяслон партия. Асьыныс 50 восья юбилей пасйгон Советской воиньяс, кызди некор, сюртчомаось народкод да партиякод, найо дасьось быд здукө портны олөмо Родина дорйом кузя ас водзаныс сулалысь могнысо — пасьвартны-жугодны агрессорос, лысьтас ко сийо лэптыны миян выло лөк кисо.

Курскöй дугаса герой

...1943 вося июль тöльсь. Немецко-фашистскöй командование дасьтис ыджыд наступательнöй операция Курскöй дуга дорын. Гитлеровскöй генеральяс сувтöдисны мог — кыпöдны асланыс салдатъяслысь боевöй духсö, кодi вöли дзилкöдз нин усьöма Сталинград бöрын.

— Тайö наступлениеыс бырöдас Краснöй Армияöс, да ми шедöдам победа!— ошйысис Риббентроп.

Наступательнöй операциялы вöли сетöма кодовöй ним — «Цитадель». Курск районö фашистскöй командование чукöртис пöшти миллионнöй армия, 10 тысяча орудие, 3 тысяча сайö танк, 2 тысяча самолёт да мукöд боевöй техника. Медводдзаысь тани фашистыяс петкöдисны «Тигр» танкъяс да «Фердинанд» самоходнöй артиллерийскöй установкаяс.

Первой видзöдлас серти кажитчис, мый нинöмön он вермы сувтöдны тайö военнöй машинасö...

Но Гитлер да сылön генеральясыс ещö öтчыд чорыда сорассисны. Найö медводз эз артыштни советскöй воинлысь сьёлöмсö, враг дiнö сылысь вöвлытöм скöрлунсö. Советскöй салдат дась вöли сетны Рöдина вöсна тышын весиг олöмсö.

Буретш татшöм салдатön и вöли майор Николай Семенович Нестеров. Сылön олöмыс нинöмön эз торъ-

яв мукöд советскöй том йöзлөн олöмысь. Чужлис да быдмылис сийö Кöрткерöсын. Батьсö эз тöдлы — сийö усылi гражданскöй война дырйи Печора вылын. Уджавны Николайлы лои водз — 15 арöссиянь. Краснöй Армияö сийöс босьтисны 1940 вося арын, кор Европаын ыпъялис нин война. Веськалис сийö Харьковса военно-политическöй училищöе. Отечественнöй войналөн медводдза тöльсыясö сийö воюйтис пулемётнöй ротаса политрукön. Тышкасис уна сьöкыд бойясын, кыкысь ранитчылис. Недыр велöдчыштитсi, лои ротаса командирön, сэсся батальоннöй командирön.



Аслас боевöй делöяс йылысь частö сийö гижывлис Кöрткерöсö мамыслы. Тайö письмöясас, кызди рёмпöштаын, зэв бура тыдалö пöсь сьёлöма коми зонмыс. «Дона мам!— гижö сийö 1942 вося июльö.— Лои неыджыд кад, медым бара пасйыштни ас йылысь некымын кыв. Бөръя кык тöльсысö ковмис волыны Донбассö, Харьковскöй, Курскöй, Воронежскöй областъясö. Онi сулалам Дон ю дорын, тышкасям фашистыяскöд Воронеж карсянь лунвылын. Участвуйтi уна боевöй операциясын, но пыр на ловъя. Нöйтам фашистскöй зверöс пыр чорыджыка».

Медым бурджыка гөгөрвоны тайö

«чорыдджыка» кывсö, вайöдам сы-
лысь наградной листсö, кор сийöс
наградитсны Красной Знамя орден-
ён. Бумагасö кырымалис модод гвар-
дейской танкөвöй корпусса коман-
дир генерал-лейтенант Баданов.
«Нестеров ёрт командуйтис первой
батальонён 24 гвардейской мото-
стрелкөвöй бригадаын. 1942 вося де-
кабрь 20 лунсянь 1943 вося январь
10 лунöдз аслас батальонён сийö
мездис фашистской захватчикъясысь
Дьяково, Кошеевка, Михайловское
да Масловка населённой пунктъяс
прöтивниклөн гырысьджык вынъяс
вылö видзöдтöг. Аслас повтöмлунöн
сийö петкөдлö став воинъяслы при-
мер.

1942 вося декабрь 27 лунö Несте-
ров аслас батальонён кутис оборона
Тагинской дорын. Прöтивник пыр
атакуйтис, но весьшөрö. Батальон
бырöдис прöтивниклысь быдса ба-
талыон да 4 танк. Тайö отсалис пет-
ны окружениеысь став корпуслы.

1943 вося январь 8 лунö Несте-
ровлысь батальонсö кытшалисны фа-
шистской захватчикъяслөн пехота
да танкъяс. Гвардияса капитан Не-
стеров ачыс медводз кыпöдчис ата-
каö да ас бөрсяыс нуöдис боецъясöс.
Прöтивниклысь кытшсö вöли орö-
дöма...»

Великой Отечественной войналөн
тайö сöмын нейджыд эпизодъяс,
кодъяс лонны сöмын кутшöмкö öти
тöлысьён. Висьтавны кö Нестеров-
лысь став подвигъясö, колö гижны
быдса книга. Участвуйтис сийö Ста-
линградской, Воронежской, Брян-
ской да мукöд фронтъяс вылын. Ас-
лас боевой подвигъясысь сийöс вöли
наградитöма кум Красной Знамя,
первой степеня Отечественной война
орденъясён да мукöд наградаясён.
Сылөн боевой делöяс йылысь гиж-
лисны фронтöвöй газетъяс.

Со кутшöм воинъяслы советской
командование индис дорйыны рöд-
ной му фашистской армадаысь Кур-
ской дуга вылын.

Фашистской командование заводитис
наступлениесö уна вожён став
Курской дуга пасьта июль 5 лунся

асылын. Но вермөмсö пöшти некöни
эз шедöд. Советской танкистыяс, ар-
тиллеристыяс, пехотинецъяс, лёт-
чикъяс сулалисны чорыда. «Ни öти
воськов бөрö!»— татшöм вöли шум-
ыс советской воинъяслөн.

Курской областын эм нейджыд
Прохоровка сикт. Сэтчö буретш и
веськөдис фашистской командование
ассыс медбур вынъясö. Немецкой
захватчикъяс ещö öтчюд кöйсисны
видлыны ордны оборонасö Совет-
ской армиялысь. Фронтлөн быд кило-
метр вылö прöтивник шыбитис
300 танкөдз, медбур эсэсовской ди-
визияяс. Тани заводитчис зэв ыджы-
д да вир кистана тыш. Тырмы-
мөн шуны, мый кыкнанладорсяныс
Прохоровка сиктдорса тышын уча-
ствуйтисны 1,5 сюрс танк.

Буретш тайö вир кистана тышас
и веськалис аслас мотострелкөвöй
батальонён майор Нестеров.

Медеясь кыкыд тышсö сылы ковмис
нуöдны июль 14 лунö. Фашистыяс
петисны атакаö зэв ён артиллерий-
ской подготовка бöрын водз асылын.
Взрывъясысь потласис да тиралис
муыс. Быттö эз нин коль ни öти
метр, кытчö эськö эз усь мина, сна-
ряд либö бомба. Сьöкыд тани вöли
кутчысыны. А Нестеровлөн гварде-
ецъясыс кутчысисны. Лунтырөн на-
йö венисны 8 вражеской атака, бы-
рöдисны 500 сайö вражеской салда-
тöс, но враглы эз сетны ни öти вер-
шöк му. Ачыс майор Нестеров пыр
ветлөдлис ротаысь ротаö да ышöдис
боецъясöс подвигъяс вылö.

— Кыкысь он кув, а öти смерть-
ыд быдöнлы воас!— шмонитис сийö
боецъяскöд бояяс костын.

Но тайö жö рытас Николай Се-
менович дорын тöдлытöг взорвитчис
снаряд. Öти осколок сылы веськалис
кыномас. Боецъяс босытисны коман-
дирнысö ки выланыс да нуисны мед-
санбатö, но майор эз нин во сэтчö
ловйөн.

Тадзи помасис олöмыс Курской
дугавысва вöвлытöм тышын гвар-
дияса майор Николай Семенович
Нестеровлөн, Кörtкерöс сиктса коми
зонлөн.

Слава орденъяс к а в а л е р

Сѳветскѳй властылы ветымын во тырѳм водзвылын СССР-са Верховнѳй Сѳвет сетис содтѳд льготаяс Сѳветскѳй Союза Геройяслы, Социалистическѳй Уджывса Геройяслы да куйм степеня Слава орденъясѳн наградитѳм йѳзлы. Миян геройяс йылысь гижѳма уна статьяс да книгаяс, но Слава орденъясѳн наградитѳм йѳз йылысь ми тѳдам этша.

Куйм степеня Слава орденъясѳн наградитѳмъяслы и войдѳр вѳли ыджыд почѳт, налы пѳшти ставныслы сетсыылысны офицерскѳй званиеяс.

Сэтшѳмъяс лыдын медводдзаяс ысь ѳтиѳн вѳли Михаил Ильич Голубев, кодѳ войнаѳдз уджавлыс Печораын механикѳн...

1944-ѳд воын, госпитальын куйлѳм бѳрын, сержант Голубев воис связьлѳн аслас ротаѳ. Латвияын сэки мунысны чорыд бойяс. Кѳтъ вѳрѳг ѳна водзсасис, но быд лун миян боецъяс шедѳдлывлысны выль вермѳмъяс.

Ротаын важ моз воуйтысны да уджалысны. Войяснас нюжѳдлысны связьлысь линияяс. Коммуникацияс век вежласисны, удж вѳли юр вывтыр. Михаил оз вунѳд сийѳ рытсѳ, кор сийѳ ѳтнасѳн ветлыс прѳверитны орѳм телефоннѳй линия. Ачыс «25-ѳд» тшѳктис вѳчны тайѳс. Первойсѳ чайтыс, мый регыдѳн вѳчас, но эз сѳдзи арты: проводсѳ вѳли орѳѳдлѳма уналати.

Енѳжын важѳн нии сывкнитисны

кодзувъяс, важѳн эз кут кывны Гулбене станция дорын лыйсѳм, а «25-ѳд» век на эз вермы сетны телефон пыр ассыс илѳдъяс. Сѳмын асыявы-

лыс сержант помалис лѳсѳдны линия.

Задание вылысь воигѳн Голубев нем виччысьтѳг веськалыс гитлеровецъяслѳн засадаѳ. Дас фашист потшисны сержантлы туйсѳ да мѳдѳсны матыстчыны сы дѳнѳ. Михаил быттѳ кынмис места вылас. Сѳсся друг кватитис ассыс флягасѳ, горѳдис мыйкѳ немецкѳй ногѳн граната йылысь да шыбитис сийѳс шѳйѳвошѳм эсэсовецъяс чукѳрѳ. Сѳсся нѳти нюжмасытѳг Голубев лѳптис автоматсѳ да шаркнитис-сетис кузь ѳчередь. Пырысь-пыр жѳ виис квайт гитлеровецѳс да куймѳс ранитис. Дзоньѳн кольѳм медбѳръяс фашист сетчис пленѳ. Аслас повтѳмлун да смекалка вѳсна сержант коли ловѳйѳн. Та йылысь гижисны армейскѳй газетъяс. ѳти очеркын висътавсис, мый Михаил Голубевѳс находчивостьысь да командованиелысь задание вывти бура олѳмѳ портѳмысь наградитѳма коймѳд степеня Слава орденѳн.

1945-ѳд во заводитчигѳн сѳветскѳй войска пырисны Германия му вылѳ. Мѳд степеня Слава орден Михаил Ильич Голубевлы сетисны Одер вывса Франкфурт дорын бойясысь. Сѳки гитлеровецъяс сѳмын на кутысны уна лѳдзны фаустпатронъяс. Миян войска босьтысны некымын склад, кѳни видзсис тайѳ выль противотанкѳвѳй оружиыс. Сержант Голубев ѳти бойын мѳвпыштыс видлыны, кы-

дзи лыйсьо тайо фаустпатроны. Сийо дзебясис окопын да вичысис немецдысь танкъяссё, но рёкыд вылө найо эз вöвны. Коркө туйвежын тыдовтчис враглөн бронетранспортёр. Михаил нёти нюжмасьтөг дасьтис «фаустсё». Кыліс лыйём шы да пель чунөдана взрыв — ставыс гудыртчис өтсор. Кор сержант кыссис бронетранспортёр дорө, вöлись гөгөрвоис, мый гитлеровецьяслөн выль оружиыд вывті вына вöлөма: машинаыс да гитлеровецьяс ставныс чуш-чашмунөмаось. Та бöрын Голубев корис лөсьодны воиньялысь торья группа, медым бырөдавны враглысь танкъяссё. Татшөм группасө вöлі котыртөма. Офицер-инструктор висьталіс, мый фаустпатрон — реактивной оружие, главнойсысылөн — головкаыс, мөд ногөн, кумулятивной мина.

Голубевлөн «кыйсьысыяс» веськөдчисны сэтчө, көи вичыссисны танкөвöй бойяс. Ачыс сержант аслас квайт «противотанкөвöй кулакөн» водіс туйбокса öти канаваө. Франкфуртса туй тані буретш вöлі петө кык лентаа паськыд имперскöй шоссе вылө, коді муніс смел боецьяс дорсянь дзык матіті.

Куйлө Голубев, зэвтчөма став сөныс, а аслыс дум вылас усьöны батальонса командир майор Лопатковлөн кывьясыс, кодьясөс сийö шуис торйөдчигөн аслас сержантлы:

— Эн вунөд, Миша, рискуйтны озков. Тайо оружиенас немец пө мөдбө оборонаө сөмын смертникьясөс. Тэнад квайт патрон. Ме лыддылі немецкöй армейскöй газетысь, мый быд «фаустегерлы», коді бырөдас квайт советскöй танк, сетöны ыджыд награда — «Рыцарскöй крест». Гөгөрвоин? Тайо ыджыд риск. Враглөн салдатьясыс нимтісны «фаустегерьяссө» смерть бөрся кыйсьысысөн. Көвтөг эн повтөмась, Миша, öні абу нелямын öтикөд во.

Вына мотор шы ордіс сержантлысь думьяссө: веськыда сы вылө петісны вөр дысь көкьямыс гитлеровскöй танк. Голубев эськө и вевьяліс сетны опасность йылысь сигнал аслас суседыслы, но век жө падьяліс, вермас-ө ас кадө пырны суседыс чорыд тышö.

Рөкыд вылө, первойя лыйёмнас сержант эз веськав: «фауст» потіс водзын локтысь танксянь ылынкодь бокин. Фашистьяс заводитісны сяргыны гырысь калибра пулеметьясысь. Шутьяляліг да биөн сывкыйгыр пуляясыс чеччалісны железобетонной имперскöй шоссе вылысь. Водзын мунысь танк вöчис кытш да восьтіс артиллерийскöй би. Көть снарядьясыс лэбисны Голубев юр весьті да потласисны сысянь ылын, но сержант гөгөрвоис, мый прөтивник аддзө сийөс: пулемёт пуляяс öні швичйөдлісны дзык нин матіті. Танк бергөдчытысь.

Михаил бара лыйис, сэсся чепөсйис да котөртыштіс мөд местаө. И тайо здукө «фауст» веськаліс машиналөн бокуса броняө. Шензьөм босьтіс Голубевдөс: сийө аддзис сотчысь кык танкөс. Сьөд униформаа гитлеровецьяс мыйкө горзісны. Лоис гөгөрвоана: суседыс — Володя Кузьбожев — эз жө узы, сийö сяргис-луйсис автоматысь.

Сэсся Михаил удитіс на лыйны коймөд танкы. Мукөдыс öдий усыйсисны вөрлань.

Но, көть танкьяс и бöрынтычисны, тыш эз помась. На пыдди воисны грузөвикьяс — вайисны гитлеровскöй пехотаөс. Сержант эськө вевьяліс чукөртны став доброволецө öтилаө, но кытшысь петысь эсэсовецьяскөд тыш вöлі чорыд.

Голубевлөн группа ставнас бырөдіс прөтивниклысь транспортсө фаустпатроньясөн. Тайо нөшта ёна звермөдіс эсэсовецьясөс, и найö выль вынөн уськөдчисны нем повтөм йөз вылө. Кутісны бырны боеприпасьяс. Но майор Лопатков ас кадө сяммис ыстыны содтөд вын, коді и помаліс бойсө.

Голубев группаясь уси Володя Кузьбожев, аслас сержантлөн ранитчис кыс, и сийөс мөдөдісны Одер вывса Франкфуртө. Тані сылы генерал Кравцов сетіс мөд степеня Слава орден..

Война помлань Михаил Голубев тышкасис Витөд ударной Армияын, служитіс артиллерийскöй разведкаын. Теодолитьяс, стереотрубаяс, звукометристьяслөн техника да фотокамераяс омөля волнуйтісны сер-

жантос. Видзодны стереотрубаясё да кыйны протівник орудиеяслысь ыпнитломъяссё, гижавны фашистской орудиеяслон залпъяслысь шыясё — ставыс тайо вöлі «бой романтика-лысь» ылын.

— Тани абу бой! Татшом уджто ме важон нин тодлі. Ог косьы пукавны лонины, — шыасьлывліс Голубев.

Регыд мысти сержант сетіс командованиелы рапорт — корис мөдодны сійос фронтлөн медопасной участокө. Воча кыв эз вöv, а война муніс водзö. Фюрстенвальд районын бойяс дырйи Михаил некымынысь ветліс разведкаө. Сійö тодмавліс, көні протівниклөн артиллерия, транспорт, кыйодіс фашистской войскалысь мунөмсö, корсис вражеской авиациялысь пуксянінъяссö. Татшом ветломъясыс Голубевлы воисны сьолөм вылас.

Торйон нин кажитчис сержантлы дыр кад коласт бöрын уджавны рациян. Эфирö частö пондісны лэбны сылөн позывнойяс, стöч юбрьяс: «Квадрат 150. Кык ыджыд пожом пу. Цельодз 300 метр. Ударлөн кузтаыс вöрса ёльодз».

Голубевлысь татшом стöч юбрьяссö регыдөн казайіс командование. Бара пондісны сёрнитны сержантлөн смеллун йылысь, сылөн, кызди артиллерийской разведчиклөн, сямлун йылысь. Буретш та вöсна, кор ковмис ыстыны мортос протівниклөн тылө, шуисны мөдодны Михаил Ильичöс.

Тайо вöлі Берлинсянь матын нип. Демниц да Кольберг сиктыяс дорö враг вöлі вайөдöма уна самоходной орудие да противотанкөвой артиллерия. 5-өд Ударной Армия туй вылын лои мытшөд. Гитлеровской оборонасö мян войска мыйтакө кытшовтісны нин, но кольны аслас флангö протівниклысь самоходной артиллерия командование эз косьы...

Сап пемыд войн муніс Михаил

Голубев, медым тодмавы, кыті прөйдитö гитлеровской оборона. Демниц сиктö сержант пырис некодөн казавтөг, но сиктас эз тод, кытчö сувтöдны рациясö. И сэк Михаил Ильич муніс риск вылө. Вой шөр бöрын сійö пырис кирхаө (вичкоө) да кайис колөкөльняяс. Местаыс вöлі шогмана. Колө шуны, унатор передайтөм вылө нинөм и артавы: сэні не сөмын вермисны пеленгуйтны, но и тодмавы, мый наблюдательыс вичко колөкөльняын.

Антенна сувтөдöма, лөсьөдöма противовес, прөверитöма батареяяслысь контактъяс — передача нуөдөм вылө ставыс дась. Югдандорыс тыдовтчис, мый кирха гөгöрыс протівник лөсьөдö оборона. Вот веськаліс! Оні ковмас корны би ас вылас. Думнас воліс Печора вылө, быттьö адзыліс рөднөй чужөмъяс, лөз крадывицалысь паськыд отсö. «Но мый лоанаыс — ло!» — и включитіс рациясö.

Дыр да чорыда лыйлісны гитлеровецъясöс мян артиллеристъяс. Врагысь техникасö пошти ставсö вöлі бырөдöма. Кор мян войска пырисны Демницö, Голубевöс, дыр корсьөм бöрын, адзисны ранитчөмайн. Повтöм разведчик вöлі чорыда ранитчөма юрас.

Михаил Ильич подвиг йылысь юөртісны Первой Белорусской фронтлөн Военной Советса члены — генерал Телегинлы. Генерал воліс сержант дорö госпиталяс. Первой степень Славалысь зарни орден сетісны Михаил Голубевлы война помасьөм бöрын нин. Сэки жö сылы присвоитісны лейтенантысь звание...

Важон помасис война. М. И. Голубев уджалө мирной удж вылын, частö казьтылө Печора йылысь, Коми муса ёртъяс йылысь, кодъяскөд сьөкыд военной кадö отилаын дорйис чужан муөс, вайис Европаса народъяслы мир.

ГИЖЫСЬЯС



П. Г. Доронин.



С. А. Попов.



Д. В. Конюхов.

Афанасий Андресвич Маегов (Варыш), Василий Ильич Лыткин (Илля Вась), Николай Павлович Попов (Жугуль)—Рёдиналы медсьёкыд кадас, кор Коми муын ыпъяліс гражданской войналон биыс, перо-ручканысё вежисны винтовка вылө. Красной командирьяс Маегов да Лыткин, радөвöй том боец-доброволец Попов гражданской война би пыр вöсьлалісны сэтчөдз, кытчөдз эз ло вөтлөма Сöветской му вылыс иностранной интервентьясöс да жугөдөма пытшкөсса контрреволюциясö.

Пуксис мирной кад. Олөма и том гижысьяс босьчисны мирной уджө. Öтияс велөдісны школаын челядьöс. Мөдьяс лэдзисны газетьяс либө лыддьысян книгаяс. Коймөдьяс уджалісны сөветской, партийной либө комсомольской удж вылын. Но рытьяснас ставныс найö шойччан кад весьтө пуксьывлісны гортса пызан сайö, медым гижны кывбурьяс, висьтьяс, сыланкывьяс либө сцена вылын ворсанторьяс. Унаторнин найö удитісны шедөд-

ны асланыс творчествоаныс. Öтияс гижисны да йöзөдісны торья книгаясөн висьт либө кывбур чукөрьяс, мөдьяс — повестьяс либө поэмаяс, коймөдьяс — пьесаяс, кодьясöс ворсисны сценаяс вылын.

Гымыштіс Великой Отечественной войнa. Рёдина вылө вузвьясисны фашистской полчищьяс, медым нырыштны мянясөс му вьвсьыс, бырөдны сійөс, мый ми удитім стрөитны кызы во чөжөн. Пансис кык миркостын смертельной тыш, сэтшөм тыш, кутшөмөс му вьвса олысьяс некор на эз төдлыны. Сэтшөмьясöс, кыдзи том учитель, литературовед Степан Раевский, война суис мян Рёдиналон рытыввыв граница вылын. Сэтшөмьяс, кыдзи историк, критик-литературовед, прозаик Павел Доронин, некорнин эз чайтлыны кышавны салдатской руд шынель, лоны военнойн, но корковмис дорыны Рёдинас, лоины ыджыд армияса боецьясөн. И кадрөвöй армияса боец Раевский, и вөвлөм белобилетник Доронин нель во чөж талаялісны тышьяслыс вирөн ойдөм



А. П. Размыслов да И. М. Вавилин фронт вылө мунігөн.

САЛДАТЪЯС

сьёкыд туйсё, пискёдчисны Берлинёдз да война помасьём бёрын прамёй дыр мисти на гортаныс бёр бергёдчисны первойис старшёй лейтенантён, а мёдыс — капитанён; капитан Доронин война помасьём бёрас быдса во на уджаліс Берлин карса ёти районёй военной комендатураын.

Ылёсас Доронинлён кодь жё туй война чёжён прёйдитіс Александр Вежев, коді войнаёдз уджаліс научно-исследовательской институтын научнёй сотрудникён, а войнасё помаліс капитанёй жё.

Волга дорсянь Венаёдз аслас «Катюшаён» чорыд тышьяс пыр муніс гвардияса сержант коми поэт Иван Вавилин. Такёд тшётш сійёз гжис да йёзёдіс кык поэтической сборник — «Ни ёти воськов бёрё» да «Сёветской воин».

Сьёкыд контузияён да «Фронтёвёй туй» поэтической сборникён паськыд Украина муяс вывсянь бергёдчис гортас капитан Серафим Попов.

Капитан Илья Пыстин, лейтенантьяс Геннадий Фёдоров да Фёдор Щербаков, младшёй лейтенант Дмитрий Конохов, старшина Сергей Морозов, флотса главстаршина Владимир Ширяев, радёвёйяс Иван Изьюров да Александр Лыюров — ставныс найё прёйдитісны войналысь сьёкыд туй, тышкасисны разнёй фронтъяс вылын да гортас локтісны боевёй наградаясён.

Эз став коми гжисьяслы удайтчы бёр бергёдчыны гортясё. Украина мездігён юрсё пуктіс замечательной поэт-лирик Ананий Размыслов. Вражеской пуля помьсь Волховской фронт

вылын нэм кежлё унмовсис пёсь сьёлёма комсомольской поэт, писательяс Союза член Василий Елькин. Врагёд тышын пёгибитісны писательяс Союза членё кандидатъяс Иван Осипов да Иван Симаков (Сим Вань). Эз усь шуд бёр бергёдчыны и «Выльмёдём луньяс» да «Тундраса мойд» поэмаяслён автор поэт Владимир Латкинлы.

Тырмымёи казъыштны Яков Чупровёс (Биа Огыр), Иван Подоровёс, Михаил Шестаковёс, Александр Габовёс, Иван Габовёс, Иван Сельковёс, Иван Муравьевёс, Алексей Шамаховёс, медым гёгөрвоны, кымын талантливёй том гжисьяслён да гжисны босьтчысьлён творческой уджис ори самёй заводитчигас.

Вылынджык лыддёдлём том гжисьясыс да гжисны босьтчысьясыс эз бергёдчыны фронт вылысь, матё кызь вит во сайын Рёдинаёс дорйигён пуктісны юрсё, но паметьыс на йлысь олё. Налысь бурджык гижёдьяссё талун печатайтёны книгаясын. Тайё гижёдьяс вылас велёдчё быдымысь поколение.



Г. А. Федоров.



С. С. Раевский.



В. А. Ширяев.



С. М. Морозов.



Фёдор ШЕРБАКОВ

ФРОНТӨВӨЙ ТЕТРАДЬЫСЬ

* * *

Көнкө гортясын шынь зэв и бур,
И оз ов сэн быд здукин тревога,
Шоныд керкаын вой төв оз пур,
Кызди мянбс кодзыйд окопын.

Сөмын төда: оз овны сэн весь,—
Быдөн фронт вөсна төждлунөн тырөм.
Кадыс сэтшөм — сурөвөй и пөсь,—
Некор шойччыны, враг кодыр зырө.

Эськө тайө рыт вөлі ме рад
Аслам мусуккөд пукуштны орччөн.
Сөмын... Потласьө гөгөр снаряд,
Автоматьяслысь кыла ме ёрччөм.

4. 3. 1942 во.

ФРОНТ ВЫЛЫСЬ ЛОКТИГӨН

Ананий Размысловлы

Ананий! Ас муын ме бөр,
Ас, муса чужан коми муын!
И өвтө меным шоныд руөн
Веж сывйөн өвтчысь помтөм вөр.
Ананий, ас муын ме бөр!

Со менө еджыд пароход
Лөз Эжава кузя Сыктывкарө
Гы вундиг катө. Аддза бара
Паль Сотчөм вестьсьыйд енэж от,—
Тэ кылан менө, муса ёрт?

Тан сэтшөм чөв! Тэ пушка гор
Ни весиг лыйөм шы он кывлыв.
Кызд лөдзьяс, пуляс оз сывны,
И мөвптө некодї оз сор.
Оз кыв тан пушка укйөм гор!

Но некод танї весь оз ов,—
Колхознөй му вылын и вөрын
Удж нуө быдөн: том и пөрысь,
Мед сетны фронтлы нянь и сов.
Оз, танї некод весь оз ов.

Ананий, гымалө война,
И биын сотчө мян муным.
Но кодкө өмөй вермас шуны,
Мый кисө рудзөдїс страна?
Войналы шум ми — война!

Көть доя менам сюрса лы,
Но биыс сьөлөмысь эз кусав:
Өд меным рөдинаөй муса.
Враг медым югыд мөвп оз кы,—
Ми ассьыс чегам сюрса лы!

8. 5. 1943 во,
„Т. Г. Шевченко“ пароход.

О Н В У Н Т Э, О З Ъ Ю

ПОВЕСТЬ

Быд ичотик выльтор сиктад зэв өдйö паськалö. Озьюдін сельсö-ветö пырысь грездьяс нюждчöмаёсь ю пöлöныс вель кузя, а мыйкö кö лобма öтар помас, то сийö жö здукас тöдöны нин мöдарас. Бытьтöкö тöлыс новлöдлö тайö юöрьяссö.

Модест, Опонь да Виктор волісны зыкö пристаень дорын водз асылын, некод бытьтöкö эз и казавлы найöс, а Светлана рытланьыс тöдіс нин та йылысь. Первойсö весиг эз эскы. «Оз вермы лоны,— думайтис.— Викторыс жö асывнас вöліс миян грездын, а сэсса муніс гортас. Зоя ещö рытнас на немтор эз гарав карö лэччöм йылысь».

Но суседка буретш тадзи висьталіс. Сийö луннас ветлöма почта вылö и сәні кывлöма. Йöзсянь, дерг. А йöзид мыйсö оз вермыны висьтавлыны. И тайö неуна разöдыштис Светланалысь майшасьöмсö.

А рытнас, кор бать-мам воисны удж вылысь да ставөн пуксисны ужнайтны, бара пансис тайö сёрниыс. Мам кывлöма, мый Виктор да Модест косясьöмаёсь Зоя вöсна. Абу пö вермöмаёсь кык зон юкнысö да. А сэсса пö Викторыд век жö мырддьöма Зоятö, и найö кыкөн карö шутөвтöмаёсь.

— Лöсьöдлöны,— пузис Светлана, пунктис паньсö.

— Ме öд ачым эг аддзыв. Тадзи сёрнитісны талун силос гу дорын,— небыдика шуис мамыс.— Висьтала сийöс, мый кывлі. И дыш Опоньлы пö тшöтш вичмöма, Модестыскöд öтлаын юöмаёсь да.

— Опоньтö эськö ёна колö велöдны да, прамöйджык мортыс тай оз скор-а,— шыасис бать.— Тэрмасям карта тшупны, весиг прамöйджыка куритчыны ог пуксьывлöй, а сийö, пач кодь ён морт, лодыра ваяйтö, вина вылö мамыслысь медбöрья грöшсö пычкö. Тунеядечыд асланым ныр улын, велöдны ог вермöй, а ещö мукöд местаясыс миянлы ваялöны велöдны. Йöз серам, да и ставыс.

— Гөтырыс пö бара нин корö Опоньсö ас дінас,— шуис мам.

— Йöйтö оз ков көдзны,— броткөбтис бать.— Сы дінысь весиг юысь другьясыс нин öтдортчöны. Гашкö, та вöсна и Скриповыдлысь писö крукыштис? Челядь көть абу — сылы веськодь.

Светлана эз мөд кывзыны, мый йылысь водзö сёрнитісны батыс да мамыс. Сийö дугдіс сёйны, чеччис пызан сайысь да петис ывлаö. Сэсса муніс керкабердса льöм куст дорö, сувтовкерліс сәні. Еджыд дзоридзён тырöм кустысь öвтис чöскыд дук. И тайö бара казтыштис сылы колöм войсö, вöрзёдіс нывлысь сьблöмсö.

«Оз вермы лоны, мед Виктор вöтчис Зоя бöрся,— думайтис ныв.— Сийö жö нинöм эз гарав карö лэччöм йылысь. Шуис, мый рытнас аддзысям клуб дорын. И сәтшöм пöся да эскöдана висьтавліс ас-

* Заводитчöмыс воддза номерас.

лас радейтөм йылысь.— Но сэки жö тайö думъясыслы воча локтісны дзик мөд мөвпъяс: — Гашкө, сылы вöлі колö сөмын окыштчөмыс? Гашкө, таөдз сійö окавліс нин Зояөс? Гашкө, мыйöнкө ме эг во сьблөм вылас? А кутшөм нö эськө сійö ыджыд радейтөмыс, код йылысь гижöны книгасын?»

Светлана муніс карта сайö да пуксис звөз помö. Тасянь тыдаліс Эжвалы банөн пуксьөм сиктлөн гугыс: веж öзимөн вевттысьсөм паськыд муяс, ёль бокö нюжөдчөм скөт картаяс да на весьтын кыпалысь ва сетан башня, а сэсся стен моз сулалысь пемыдлөз вөр, кодлөн абу ни помыс, ни дорыс. Сөмын сиктса вөралысьяслы тöдса-öсь сэтчөс векни ордымъясыс, пожöма ягъясыс да еджыд кыддза керöсьясыс.

«Ку-ку, ку-ку», — кыліс вöрсянь. Недыр кежлö лөньлө, а сэсся бара заводитчö тайö шыыс. Кутшөмкө көк нимкодясис тайö шоньд, гожся рытнас, гажөдіс аслас сьылөмөн чөв ланьтөм вөр-васö.

Көклөн горзөм — Светланалы абу выльтор. Помнитö, ичөт дырйиыс вöлі мунасны челядь котыр вөр дорö либö ва дорö лэччасны, и кыласны көклысь гөлбсö. Сэки öчередьөн заводитöны юасыны: «Көкө, көкө, кымын во ещö меным коліс овны?» А сэсся ставөн кывзöны. Ньöти коставлытөг көк горөдас витысь либö квайтысь. Та мындөм коли овны юалысьлы, кодлы сөмын на сизим либö көкъямыс арсö. Сэсся юасбö мөд. И тази — кытчөдз оз дышөд либö оз усь дум вылө мөд пөлөс, лөсьыдджык ворсантор. Көклысь тунъясьбөмсö, дерт, пыдди некор эз пуктывны, а прөстө вöлі тешкодь да лөсьыд. Мый ещö колö челядь дырйиыд, кынөмыд кө пөт да юртö оз личкы некутшөм мөд төждлун.

«Юавны эськө öні көклысь, кымынөс меөдз окыштіліс Виктор, — думыштчис Светлана. — А ещö бурджык, радейтö али сералö?»

— Света! — друг кыліс чукөстөм. — Мый тані öтнадөн пукалан? Тайö вöлі Тамара Липина, коді көкъямысөд класс жö помаліс. Дас квайт арсаа жö, а ортсыяныыс верстыö бабаысь оз торъяв. Ыджыд тушаа, вылын морөсьяса. Гөрд юрсисö мөд во нин кудритö. Та вöсна райцентрөдз, Көрткерөсөдз лэччывлө. Öні, кор сійö пасьталөма пемыдлөз рөма виль костюмсö, кажитчө, мый тэ водзын сулалө оз көкъямысөд класс помалысь, а кутшөмкө депутат либö партийной работник.

— Пукала öтнамөн, кывза көклысь көкөмсö, — нюмдіс пөдругаыслы Светлана. — Пуксы да тшөтш кывзыштам. Аддзан, кутшөм мича рытыс... Сөмын и нимкодясьны.

— Ме көсья юавны öтитор... — мытшасьлөмөн заводитіс Тамара. — Мыйла тэ он кай Озью йылас? Ном сөйбөмысь повзин али мый?

— Коді шуис, ог кай?

— Виктор висьталіс.

— Виктор? — Светлана звирк чеччис места вывсьыс. — Кор висьталіс?

— Неважөн миянө воліс.

— Кывлі, сійö пö карö лэччөма.

— Зоя Турьева лэччөма, — висьталіс Тамара. — Викторыс сөмын кольбөдөма Зоясö.

— А татчө небось эз кежав, — ышловзис Светлана да лэдзис синъяссö.

— Кывтыд помö муніс. Гашкө, локтігас пыралас? — Косталыштөм бöрын содтіс: — Видз вылө мунысьяс лыдын тэ абу. Виктор висьталіс, мый тэнö кольбөдöны детскöй садйö воспитательөн... Чайті, мый ачыд вөзйысьбөмыд. Мися, кольбөм гөжөмнад сәні олыштін да кажитчис.

Светлана видзөдліс öтарö-мөдарö, быттькө корсис кодөскö, сэсся

нетшыштис места вывсые, чепөсйыліе котөртны, но друг сувтіе.

— Тадзи оз артмы,— шөпкөдіс вомгорулас.— Оз ло сідзи, кызди көсйөны өткымынъяс. Ме кута норасыны. Кытчө тэ мөдөдчин?

— Клублань.

— Виччысыштлы менө.— Светлана котөрөн пырис керкаас, зев өдйө перйис шкапысь радейтана лөз платтөсө, еджыд туфлисө, тэр-маситгыр лөсьөдыштис юриси.

— Ветлам совхоз отделиениеса контораө,— нуөдіс Светлана Тама-раөс.— Көдкө ставсө вөчөма сідзи, мед ме ог төдлы. Зильөны, бу-ракө, мынтөдчыны меысь. А ме нарошнө кая Озьюө, көть и оз кутны босьтны...

— Көді нө тэысь мынтөдчө?— зілис гөгөрвоны Тамара.

— Ставөн мынтөдчөны,— синвасө нылалігсор шуис Светлана.

Отделиениеса управляющөйөс дыр корсьны эз ковмы. Сійө вөлі конторакод орчөн сулалысь гараж дорын сёрнитө шоферьяскөд, кодьяс сөмын на помалөмаөсь уджнысө да вайөдөмаөсь татчө ассы-ныс машинассө.

— Көлө профилактика, Иван Михайлович!— корис өти шофер.

— Ещө өти вежон,— тапкөдіс сійөс пельпомөдыс управляю-щөй.— Медся пөсь кадыс регыд помасяс. Тыртам силосөн медся ыджыд траншеясө и лэччам видз вылө. Сэсся көть төлысь чөж ремон-тируйт машинатө.

— Бара на өд кутшөмкө удж сюрас,— небыдджыка нин шуис шофер.

— Шуи — закон. Кутан сулавны ремонт вылын сэтчөдз, кыт-чөдз ачыд бөр он вөзйысь рейсө,— нюмдіс управляющөй. Сійө мө-дөдчис мунны гараж дінысь, но казяліс нывьясөс.— Ті ме дінөдз али мый?

— Да,— воча воськовтіс Светлана.

— Кутшөм мог суис?— Спирин лөсьөдыштис вөнялөм еджыд дөрөмлысь бөждорсө.— Висьталөй, кывза.

— Мыйла менө кольөданныд детскөй садйө?— мытшасьлөмөн заводитіс Светлана.— Ме көсья өртьяскөд өтлаын кайны Озьюө...

— Ме ог кольөд.— Управляющөй лэптыштис пельпомсө.— Ме-ным висьталісны...

— Тянөс пөрьялісны, Иван Михайлович,— пөся шуис Светлана.

— Елена Васильевна корис,— спокойнөя шуис Иван Михайло-вич.— Ті пө уджавлөмныд нин детскөй садьяс. Гашкө, сөгласит-чанныд?

— Ог көсйы,— ярскөба шуис Светлана.

— Мед лоас тэ ногөн,— сөгласитчис управляющөй.— Детскөй садйө аддзам мөд мортөс.

Тайө мыйкө мында разөдіс Светланаалысь волнуйтчөмсө. Но сиктса клубө век жө сійөс эз кыскы.

— Ме муна гортө, Тамара,— шога видзөдіс пөдругаыс вылө сійө.— Тэ менө колльөдышт.

Сикт оліс аслае олөмөн. Туй кузя баксігтыр локталісны мөсьяс да сувталісны асланыс керка заворьяе дорө. То өтилаын, то мөдла-ын кыліс тыртөм ведраясөн клөнөдчөм. Восьса өшиньясысь кыліс радио. Көдюрө ноксисны керка бокьясса градьяс вылын. Өшинь увьясын котралісны да ворсісны песни челядь, кодьяс гожся кадад оз жө тэрмасыны вольпасьө. Паньдасисны вөччөм нывьяс, кодьяс мөдөдчөмаөсь нин клубө. Көкьясныс сідзи и печласьоны, быттөкө өз уджавны лунтыр, а виччысисны рыт воөмсө.

Нем виччысьтөг петіс өти керкаысь Виктор да кутіс локны налы воча. Кызди и төрыт рытнас, сійө вөлі лым еджыд дөрөма. Сосьясө пуджыштөма, вылісые өти кизь разьөма.

— Гортё али мый нин?— сувтис Светланады воча, нюждёдис кияссё. Но ныв мёдарё бергёдис чужомсё.

— Светлана, мый лоис?— шембемис Виктор.

— Ещё юасян? Абу яндзимыд,— öвтыштис кинас Светлана.— Меным öд ставыс нин тёдса. Ме ачым ветли Иван Михайловичыд динё... Озъюад ме муна, котъ тэ и он көсйи... Ставыс.

Светлана да Тамара мунисны кывтыд, а Виктор колис сулавны места вылас, котъ сийё неважён на мёвпалис, кызди найё аддзыясны Светланакөд клуб дорын, видзёдасны кино, а сёсса рытсё бара колляласны кыкён.

Колі на пыравны ещё гоз-мөд керкаө, аддзөдлыны бригадаса членьяссё, но Виктор колис тайёс аски кежлө. Чеччас водзджык, ветлас на динё йёзлөн удж вылө мунавтөдз. Сийё кежис туй бокё, көни этшаджык бусыс, да мөдис довзёдны сикт шөрлань. Гоз-мөдыс видзөдліс на бөрвылө, но Светлана да Тамара век ылыстчисны, а сёсса дзикөдз бердिसны. Виктор ышловзис, курччис вом дорё.

«Вот тэныд и на,— думайтис зон.— Весиг и кывзыны нектор оз көсйи. Мунис гортас. Медым сёсса не паныдасьлыны. Мый жё эськө вöчны?»

Сийё висьталіс Светланады аслас радейтөм йылысь, но öд мөдыс нинөм на эз вочавидз. Гапкө, сылөн эм мөд зон? Вунөдны, мый вөліс, и — ставыс. Но кымын водзё думайтё зон, сымын ёнджыка кылө сёлөмнас, мый Светланаөс вунөдны оз вермы.

Друг сийёс кодкө бөрвывсянь вөрзёдис пельпомөдыс.

— Мый сідзи зумыштчин, Виктор?— юалис учитель Полиевт Петрович.

— Ачым ог төд.

— Кодарё кутан туйтё?

— Висьтавлі велөдчысьяслы собрание йылысь.

— Пыралам ме ордё,— корис учитель.— Шахматён ворсыштам.

Полиевт Петрович Соколов оліс школасянь неылын, öти старука ордын. Виктор эз кут пыксыны. Сы дорё эз жё на пыравлы-а. Кадсё и сідзи некытчө воштыны.

Полиевт Петровичлөн вөлі торъя, неыджыд жыр. Стен бердын сулаліс прөстөй эшкынөн вевтёбм кровать. Ошинь дорын неыджыд пызан, кодёс тыртёма кызсюрё тэчөм книгаясөн, журнальясөн, газетьясөн. Пельёсын сулалысь этажерка вылө книгаяс жё тэчёма, мыйта төрёма. А медся вылыс джаджьяс пуктёма радиоприёмник. Стенас дзик öти ыджыд фотография, көни Полиевт Петрович лыжник формаа. Сы улын веськыда шпалерас сатшкалёма ордысигьяс дыр-йи босьтавлөм медальяс да жетоньяс.

— Эн дивит, мый неуна тырыштёма,— кутіс идравны пызан вывсё учитель.— Тадзи олөны гөтыртөмьяс.

Сёсса матыстис пызан дорё кык улөс, вайис шахматьяс.

— Тэч,— шуис сийё.— А ме чайник пукта, мед пузяс.

Виктор ворслывліс зэв геждө. Сийё төдис, мый учительлы оз ло интереснө ворсны сы кодъ слаб морткөд, но фигураяссё век жё лөсьөдліс. Бара кутіс видзөдавны комнатасө. Пельёсын öшаліс кык ствола ружье, сы динын жё патронташ, вецмешөк, брезент шабур, важиник кучик шлем,— учительлөн вөрө ветлан көлуйыс.

Кор Полиевт Петрович бөр локтис комнатаө, заводитисны ворсны. Первойөн лөсяліс мунны учительлы. Тайё весиг Викторлы кажитчис бурджыкөн. Оні колис сөмын вөтчынө. Но таdzi кыссис эз дыр. Найё вежисны пешкаясөн. Сёсса петкөдисны водзё вөвьясөс.

— Эн думайт, мый ме — бур ворсысь,— нюмдіс Полиевт Петрович.— Армияын служиттөдз ньөти эг ворслы. Дальнёй Востокуын велалышти, кор веськалі граница вылө. Заставасянь матыса сиктөдз

комын километр. Сомын книгагас да шахмат и отсалоны вөлі джень-додны кадсө.

— Татчө,— вештыштис Виктор слонсө.

— Тадзнад ме ферзятө босьта.

Лоис бөрынтычыны.

— Сэни жө и велелі прамөя лыжион котравны,— водзө висьтавліс Полиевт Петрович.— Воодчи первой разрядодз, а сэссия мастерөдз.

Виктор көть и дыр думайтис, водзө нинөм жө эз артмы. Сийө кутис ворссыны өти фигура бөрся мөдөс.

— Ме жө казялі, мый тэ талун абу ас кодыд,— сюся видзөдліс учитель. Викторлы весиг лоис яндзим: збыль өмөй вермис төдмавны сылысь думсө.

— Юрлы абу лөсьыд,— висьтасис Виктор.

— Сидзкө, шахматон сьөктөдчыны ог кутөй,— чеччис Полиевт Петрович.— Вай, бурджык, чай юам.

Но Виктор өткажитчис и чайысь. Ещө недыр пукыштөм бөрын сийө веськөдчис гортас.

ВИТӨД ГЛАВА

Кадыс лэбөмөн лэбис. Оні Викторлы ковмис артавны не сомь (лунгяс, но и часгяс. Видз вылө петтөдз коли сомьн куим лун, а, кажитчө, нинөм на абу вөчөма. Сьөлөмыд век төждысьө. Ветлас контораө, Иван Михайловичкөд сөрнитас, пыралас Полиевт Петрович динө, Закар дед динө кежавлас, а мыйон воас гортас — бара на мыйкө дум вылас усьө.

Велөдчысыяс вөсна Виктор оз төждысь. Ставон найө вөліны собрание вылын, төдөны, мый босьтны сьөрссыныс. Дерт, найө босьта-ласны сомьн аслыныс вылө. Виктор төждысьө артельной көлуй да сөян-юан вөсна. Озью йылөдз лоө татысянь нелямын гөгөр верст. Мыйкө кө друг ковмас, татчөдз он котөрт. Ставсө колө думыштны өнисьянь.

Воліс комсомоллөн райкомсянь инструктор. Виль морт на. Сийөс ковмис төдмөдны татчөс делөясөн. Быдса лун муніс. Инструктор ошкис, мый Озьюдін сиктын котыртөмаөсь татшөм бригадасө. Колө пө эськө чуйдөдны и орчча сиктыясысь том йөзөс.

А Викторөс ещө и гортас на виччысис өти удж. Кильчө содныс дзикөдз сисьмөма, лэччиг-кайигад муртса он усь. Виктор важон нин көсийө вөлі дзоньтыштны содсө, а кадыс некыдз эз вичмыв. Төвнад да водз тулыснас эз позь заводитны тайө уджсө, а сэссия талаялісны экзаменгяс.

— Озьюө кайтөдз быть вөча постө,— шуис мамыслы Виктор, а мөд асывнас чеччис ськөд өттшөтш. Мамыс муніс скөт картаө лысьтысьны, а пиыс разис содсө, ваяліс лэбулысь водзвыв нин дасьтылөм плакаяс, петкөдіс ножовка да өжын. Заводитис уджавны.

Горт дінын уджаланинас и суис сийөс Скриповлөн гөтырыс, кодлысь прамөя эз төд ни нимсө ни овнасө. На ордө Виктор өтчюд на эз волю.

— Здравствуйте, Виктор,— матысчигмозыс шуис сийө.— Стрөйтчам?

— Заводита.— Виктор веськөдчис да кутис видзөдны сы водзын сулалысь өн нывбаба вылө. Гырысь цветгяса кокныдык платтөба, еджыд тапочкиа, юр вылас паськыд доргяса шөвк шляпа, мед шондйис чужөмсө оз гождөд. Шондйис жө киас кутө ичөтик зонтик.

— Ме өд тэ динөдз, Виктор,— заводитис Скрипова.— Талун мияя Модялөн нимлун, гашкө, тшөтш эштан волюны... Ыста вөлі асьсө,

да оз мун.— Коставлём бõрын содтис:— Увгõмныд тай да. Тi õд ещõ челядь на. А мыйыс оз овлы челядь дырйиыд.

«Мудера тай заводитан»,— гõгõрвоис Виктор, но веськыда синмас эз висътав.

— Ог эшты. Аддзанныд?— индiс разьõм сод вылõ.

— Гõгõрвоа, гõгõрвоа,— копыртлис юрсõ Скрипова.— Миян õд Модя видз вылад жõ мõдõдчõ,— водзõ висътавлiс нывбаба.— Думайтa вõли гожõм кежлас ыстывны сiйõс кытчõкõ шойчыштны, а õни батыс и сёрнитны оз кõсйы та йылысь. Видз вылõ, и— ставыс. А миян õд сiйõ дзик на кага, нёмнас жель эз бергõдлы. От тõд, мый и кутас вõчны видз вылас,— лõвтыштiс Скрипова.— Тэ пõ тай сэнi лоан ыджыдыс. Кызкõ-мыйкõ Модяыслы кокныдджык удж вич-мõд, а то велавтõгыд гõгõсõ вõрзьõдас. Мыйõн кывлi видз вылõ ыстõм йывсыд, кум вой нин прамõя эг узь, быдторсõ думайтсõ.

— Вельшõрõ нинõмла шогсыны,— шуис Виктор.— Абу нин ичõтõсь.

— Мукõдыс õд мыйкõ мында велалõмаõсь нин, а миян дзик на первойсы,— ышлõлалiс Скрипова.

Виктор вõли дась тупкыны пельсõ, мед не кывны лõвтõмсõ.

— Тэ кызкõ-мыйкõ, Виктор, миян Модялы кокныдджык удж аддзы.

— Аддзам.

— А ичõтик зыктõ пыдди эн пукты,— водзõ долис Скрипова.— Челядь костад мыйыс оз овлы да. Бõр колõ бурасыны.

Та бõрын, тшапа катласигтырйи, Скрипова веськõдчис горт-ланьыс.

«Татшõмъяс пõвстсыс и петõны паразитъясыд»,— сьõлыштiс Виктор да заводитiс скõрпырысь орьõдлыны плакаяссõ.

Недыр мысти локтiс Йигõ Закар. Колоши тшайпода, ыж куысь вурõм жилеткаа.

— Тэ тай, трасича, õтнадõн татшõм удж заводитõмыд,— шуис сiйõ матыстчигмозыс, ниртыштiс гõрд тошсõ.— Мыйла нõ немтор эн висътав?— сесся стрõга видзõдалiс гõгõр.— Петкõд ыджыд пилатõ.

Виктор заводитлис пыксыны, но Закар эз кывзысь: кыкнад пõ кык õдй и эштõдам.

Волiс Закарлõн гõтырыс, видзõдлiс.

— Бара нин, õгренушкаõй, ме вõсна сьõлõмыд кутõма кось-мыны,— нюмдiс Закар.— Кыззи тэ метõгыс кутан овны, кор Озьюас каям?

— Уджав, уджав, пõрысь выжив,— букыштчылис гõтырыс.— Чайтi, бара нин довзõдiн кытчõкõ.

— Син увсыс оз воштыв,— сералис Закар.— А тõндзи лоис узыны пивсынад, да муртса сельпо лавкасõ абу шобõма. Со õд кутшõм. Скриповьясыдлы колõ на ещõ велõдчыны менам гõтырыдлысь.

Виктор юалис, мыйõн налõн помасис стерлядь йывсыс делõыс.

— Нинõмõн на эз,— шуис Закар.— Гижõма пõ акт да кытчõкõ ыстõма. Вот õд, трасичаыд. Пурт кузя кык стерлядь вõсна делõ панiс. Да õд и эг кутшõмкõ самолõвъясõн вõдитчы, кыззи том дырйи кый-сывлим. Подольникõ нидзув вылõ кутчысьõмаõсь.— Здук кежлõ ланьтлiс да ышловзис:— А сiйõс оз думышт, мый менам вõли кык пи и некоднаныс эз воны гортõ. Ачым локтi ранитчõмõн. Орден да кум медаль вайи сьõрысь. õни, Скрипов ногõн, лои медся лёк мортнас. Со õд кыззи, трасичаыд...

Уджалисны зiля, ыджыда лолыштлытõг. Пос вõчõм бõрын ещõ веськõдiсны пõлõстчõм завор сюръяе, дзоньталiсны гид õдзõс, кодi вõли киссьõма жõ нин.

— Колõ эськõ, Виктор, выль керка лэптõм йылысь думышты-

ны, — нем виччысьтөг казтыштис Закар. — Важмөма нин. А öнi со быдөн стрöйтчöны.

— Мам тай оз водзмöстчы-а.

— Аслыд öд ковмас керкаыс.

— Ме öд, гашкö, ог и кут тани овны, — шуис Виктор.

— Та йылысь думайтны оз ков, — стрöга шуис Закар. — Ме ог ошкы найöс, кодъяс бокö мунöны гортсьыныс. Абу öд быть муннысö. Ставлы карын не овны. Кодъяслыкö ковмас и сиктын овны да уджавны. Татөг немтор лоас сёйнытö.

— Тайöс ме гөгөрвоа, — шуис Виктор.

— Дерт, öткымынъяслы быть колö мунны, — водзö нуöдис Закар. — Босьтам хирург Мишаринöс. Война вылысь воём бöрын менсьым öти осколок перйылис. Сылы быть колö овны Сыктывкарын. Сэтшöм мастерыд став коми йöзыслы колö.

— А тэ, Закар дед, нётчыл эн думыштлы кытчökö мунöм йылысь? — шпыньмунис Виктор.

— Тэ, трасича, сералан али мый ме вылын? — скöра видзöдлис Закар. — Эг и думыштлы. Весиг сәки, кор лёкджыка овсьылис. А öд коравлисны. Армиялыс локтём бöрын вöли карса военкоматö завкозөн сватайтöны. Ме веськыда шуа, мый кöть кула тшыглы, а гортысь некытчö ог мун.

Сәсся локтис Викторлөн мамыс. Сылы лоис зэв нимкодъ, кор аддзис выльмöдöм содтö, дзоньгалём заворотö. Мам пыралис керкаö, кутис чукавны писö да Закарöс чай юны.

— Татшöм удж бöрад öти чайыл кизьбөрджык кö лоö-а, — шмонитiгмоз шуис Виктор.

— Пуксьöй пызан саяс, — тшöктис мам. Виктор кöсйис отсыштны мамыслы лöсьбодны пызансö, но мöдыс эз лэдз. Ачым пö ставсö ваяла, абу на öд свадьба. Гашкö пö öд коркö и лоас-а.

— Абу нин дыр виччысьнытö, Анфиса Яковлевна, — малыштис тошсö Закар. — Он и тöдлы, кызди котöртö кадус. Öтияс быдмöны, ми пöрысьмам. — Думыштчис, кутис видзöдны öшиньö. — И нуа ме сёрысь Озьюдiн сиктысь Расовъяслысь рöдсö. Оз коль сәсся ме бöрын миян овным. Эз овны пияныд тайö гажа лунъясöдзыс, кор окота на овны да овны.

— Тырмас тэд, Игнатъевич, асьтö шогöдны, — шуис мам. — На, Виктор, весьт да гөститöд Закар дедтö. — Мыччис вина доз. — Мудзсö мед веськөдас.

— Со на мый вöлöма, трасичаыл, — друг петис Закарлөн нюмыс.

Старик регыд гажмис. Бара норасис Скрипов вылö, казтыгилс фронт вылын усьöм пиянсö, висьталис, мый нин вевъялöма вöчны Озью йылö кайигежлö. Виктор да сылөн мамыс кызисны Закарöс, корскөрö тшöтш шыасьлисны, мыйкö да мыйкö куавлисны. Вой шöр гөгöрын нин Виктор колльöдис Закарöс гортöдзыс, корис Öгрепена тёткаöс не увгыны сы вылö.

— Менам тшöтш сёлöмöй местаын лои сод вöснаыл, — шуис Öгрепена тётка.

Бөр локтигас Викторлы эз на вöв окота пырны гортас. Но и матiгөгöрын некод эз тыдав, кодкөд позис эськö сёрнитыштны. Томъясыд, дерт, клуб дорынöсь на. Олöмаясыд узбöны нин, мед кöть и югыд. Мый вöчан, кор гожом шöрад оз прамöя пемдывлы. Воас выль лун, лоасны выль могъяс да тöждлунъяс.

Асланыс керкадорса борйöд Виктор лэччис Эжва нöрыс йылö, пуксис эжа вылас. Думыштчис. Кымын нэмъяс чöж нин коми йöз йитöны тайö юыскöд асьыныс став радлунсö и шогсö. Кужисны кö сёрнитны татчöс крут кыркötшыясыс, унатор эськö вермисны висьтавны омольсö и бурсö. Кыдзи локтисны, шуам, Эжва бердса вөръясö

первой олысьяс, аддзисны сёлём выланые воысь места, ректісны сэтчө пыжсьыны гөлиник эмбурнысө, тшуписны нейдждык керка, арнас да төвнас зверь-пөтка кыйисны, тулысын да гожбөмын вөчисны выль видзьяс да муяс. Чужисны пиян да нывъяс. Котырмисны. Бөрынджык локтісны озырджык йөз, кодъяс өд сы вөсна и озырөсь, мый эмөс му вылас гөляс.

Төдліс Эжва граждаскөй война дырся косъяс, кор нартитөмсьыс мудзөм йөз чургөдісны пищальяссө озыръяслы паныд да ставсө, мый эм, босьтісны асланыс киө. Та дырйи уна зонъяс да весиг нывъяс сетісны олөмнысө югыдджык да шудаджык олөм вөсна. На йылысь казътылөны Эжва бердса нөрысъясын сулалысь уна памятникъяс.

Кывліс Эжва, кызди сылысь лөнь веркөссө шызьөдісны первой пароходъяс да катерьяс, сылөн берегъяс дорө воисны первой тракторъяс, кутісны лэбавны сы весьтөд көрт лэбачъяс.

Эжва ю дорын олысь дзык быд мортлөн ставыс крепыда йитчөма тайө юыскөд. Виктор помнитө, кызди кольөм вося тулысын куліс Илья дед. Кор нин сійө дзыкөдз омөльтчис, дінса пиыс юөртіс та йылысь вокъясыслы. Пөшти өти лунө воисны разнөй местаясысь мукөд пияныс гөтыръяснас да челядынас. Чукөрмисны гортас нель пи. Сыктывкарысь министр, Ухтаысь инженер, Москваысь полковник да Эжва йывса сиктысь өти учитель. Висьталөны, вайөмаөсь сьёрсыныс сэтшөм гөснечъяс, кутшөмъясөс он аддзывлы.

Сэки Илья дед корас пывсьөдны сійөс. Та бөрын висьталас асьыс ещө өти көсийөм: медбөръяысь видзөдлыны Эжва ю вылө. Төдас, буракө, кулөмсө. Ачыс оз нин вермы вөлі кыпөдчывны кок йылас. Сэки пияныс пуксьөдасны батьсө небыд креслө вылө да ки вылас лэччөдасны Эжва нөрыс йылө. Тані сійө прөщайтчас пияныскөд, муса Эжваыскөд да войнас и кувъяс. Сөмын пө татчө эн дзебөй, гуалөй сэтчө жө, кытчө мукөдөс. Нөм пө эг овлы йөзысь торйөн и кулөм бөрын ог жө көсийы лоны бокрын.

Дзебигас Илья дедлысь гортсө кытшовтөдісны нөрыс йылөдыс, пуктылісны некымын здук кежлө веж турун вылас.

А олөм муно водзө. Кымын выль семья гөррдзасьö Эжва бердын шуөм первой мелі кывсянь да медводдза окыштгөмянь.

Виктор казътыштис лбөм куст дорын Светланакөд асьыс пукалөмсө. Гөгөрвоны позьтөм кутшөмкө дой коймөд лун нин өнтис сылысь сёлөмсө. Ставыс артмис сідзи, мый и лөкджыкасө думыштны он кууж. Гудыртчисны өтилаө и Зояыд, и Модестыд. Весиг сыысь, мый Светланаөс көсийисны кольөдны уджавны детскөй садйын, мыжанас лоис Виктор. Быттө сійө наршнө тадзи вөчис. Весьшөрө оз шулыны: кыті вөсни, сәті и оро. Эськө бөрынтычывны кө олөмас да вештавын сәтысь сійөс, мый мешайтчө. Позис мунны Турьевъяс керка дорөд мөдарө бергөдчөмөн да не сёрнитны Зоякөд. Позис не босьтны сылысь чөмөдансө да не коллөдны пристаньөдз. Викторлы позис чөв овны, кор лөк кывъясөн нимтісны Зояөс. Сійө вермис управляющөй кабинетын сувтны да веськыда шуны, мый радейтө Светланаөс и каяс турун пуктыны сөмын сыкөд өтлаын. Сэки эськө ставыс вөлі ас местаас. И Виктор да Светлана эськө бара пукалісны өні лбөм куст дорын да висьтавлісны өта-мөдыслы мелі кывъяс.

Но ас чайтөм сертиыс Виктор вөчис ставсө сідзи, кызди коліс. Вөчны мөд ногөн сійө некор оз вермы. И вөлі забөднө сыысь, мый оз вермы, оз кууж висьтавын та йылысь сылы, кодлы колө. Светлана — төлка ныв. Кызвас кө сійө помөдз Викторлысь висьталөмсө, то, дерт, ачыс гөгөрвоас ставсө. Но кызди сылы висьталан? Кольөм лунө, кор чукөртчылісны школаө Озью йылө кайысьяс, Светлана воліс жө. Локтісны медбөрын нин Тамара Липинакөд өтлаын, чөла пукалісны

медбөрҗа радас, а сәсся кості вошины кыкнанныс. Сәки Виктор ветлис на клуб дорөдз, школа водзти мунис өтарө-мөдарө, но ни Светланаёс, ни Тамараёс эз аддзыв. Ветлыны сы динөдз гортөдзые сийө мыйсыкө полө да яндысьө. Вермас өд лоны быдсаляторйис. Гашкө, Светлана ачыс ылыстчө Виктор диньсы дзик мөд помкаяс вөсна.

А тайө кадас Светлана думайтис Виктор йылысь жө. Сьөлөмыс местасө эз аддзы, весиг быттөкө луньясыс пемдисны. Сылөн эз вөвлы мода кодкө вылө дыр скөравны, а өни мыйлакө друг кутис мустөмтны Зояёс. Көть мед оз и волы карсыс.

КВАЙТӨД ГЛАВА

Витөд бригада лөсьөдчис петны туйө, Озью йылө. Позьө воштисыны сэтчө кык ног: ва туйөн и вөрса ордымөд. Важ йөз ветлывлөмаөс сідзи и тадзи. Но өния кайысыясөс тырвийө эз могмөдны некоднан туйис. Ачыс Озьюис зөв ляпкыд, мукөд гөжмөяснас пөшти дзикөдз косьмывлө. Мотора пыжьясөн катны он лыб. Веськыда вөрөдыс катөдө өти ордым. Коркө зөв нин важөн сийө туй кузяис ветлывлөмаөсь телегаа вөлаяс, но өни тайө ордымыс тырөма, вөрсялөма.

Отделениеса управляющөй Иван Михайлович Спириин медалис вөр кылөдысыяслысь нейджыд катер-водомөт, коді оз пов ляпкыд ваысь, корсис кык ыджыд пыж. Сэтчө пунктисны ытшкан машина, куран-косаяс, палатка да воньяс. Сөвтчисны рытнас.

Мөд асывнас Озьюдор сикт горувса берег тыри йөзлөн гөлөсөн. Öти бөрся мөд лөччалисны татчө Озью йылө кайысыяс. Быдөнлөн мышканыс ыджыд нопьяс, кианыс пөртьяс да туисьяс. Мунысыясөс колльөдөны тшөтш бать-мамныс, чөй-вок да төдсаяс.

Закар дед да Виктор лөччисны берег дорө телегаа вөлөн, вайисны татчө мешөкьясын нянь, сукар да мукөд пөлөс сөян-юан, кодьясөс төрыт нин веситисны сельпо складын да сэтчө жө колльисны вой кежлас. Зоньяс усыкөдчисны налы воча, кутисны пыртлыны мешөкьясөс пыжө. Учитель Полиевт Петрович, лөз спортивной костюма, висьтавлис налы, кытчөджык пуктавны мешөкьясөс. Коліс артавны сідзи, мед эськө грузыс бөсьтис ичөтджык места и эз көтась. Сәсся өд пыжьясас и йөзлы на колө тшөтш төрөдчыны.

Иван Михайлович пыж дорын жө гөгралө, тэрыба матыстчывлө сэтчө и татчө, думсыс ещө өтчыдысь көсийө видзөдлыны, ставысө лөис кайысыяслөн.

Пока зоньяс грузитчөны да лөсьөдчөны, нывьяс чукөртчөмаөсь кытшө да чиктылөны-сералөны. Феликс Панюковөс пуксьөдөмаөсь шөраныс, тшөктөны гудөкасыны.

— Гудөкөс бөр коля гортө,— повзьөдлө Феликс.— Тадзнад сәни меным покой оз ло. Викторлөн баян эм. Сийө кутас ворсны.

— Вөрс, вөрс,— кутөны сийөс пельпомөдыс нывьяс.— Гудөктө эн жалит. Аддзан, Викторыслы некөр.

А бокинджык сулалөны кык олөма нывбаба да сөрнитөны ас костаныс:

— Гашкө, сәни тадзи жө кутасны лун-лун гудөкасыны да.

— Абу нин өд ичөтөсь. Верстьө йөз. Тайө арлыднад важся кадө быдса овмөс нин кыскывлисны ас вылас. Миянлысь мамнымөс дас вит арөсөн верөс сайө мырдөн сетлөмаөсь. Дас нөльөс вевьялөма чужтывны.

— Öния йөзыд өд нэрөсь.

— Уджаласны. Сәсся өд и чырыштысыяс да велөдысыяс динаныс лөоны. Учитель Соколовыс сәни жө лөө, Закар накөд кайө.

Берег дорö котөрөн локтіс Скриповлөн гөтырыс, тырөма лолыс.
— Чайті, ог нин су,— шуаліс кашкигтыр.— Мися, коньөрлы,
тшыгйөн и лоө кайнысö.

Скрипова корсис Модестсö, матыстчис сы дінö, суйыштіс киас
прамөй ыджыд тубрас.

— Сöмын пачысь кыскалі,— велөдіс писö:— Пуксянныд пы-
жас, сөйыштөй.

Скриповыс тані жö вöлі. Сійö сөрнитчис катервывса моторист-
көд, мед мөдыс юөртас воөм бөрас ичөтик юыслысь джуджтасö.
Ачым пö, лыба кө моторнөй пыжөн, кайла жö видлыны сэтчөс мес-
таяссö.

Артеля груз меститөм бөрын мунысьяс пукталісны пыжö ассы-
ныс нопъяс да көлуйяссö. Виктор татчö жö вайис ассыс нопсö да
футляр пытшкө суйөм баянсö, өтлаө пыртіс Закар дедлысь көлуйсö.

Виктор да Закар дед лөсьөдчөны кайны Озью йылö верзьөмөн,
вөрсä ордым кузя. Найö катөдөны кык вөв. Некутшөм көлуйтөгыд
верзьөмнад кокныдджык, час вит-квэйтөн воөдчасны места вылөдз,
а сөсся кутасны виччысьны чукыльсö-мукыльсө вөрсä ю кузя лок-
тысь катерөс да пыжасөс. Тадзи арталö Закар дед.

Светлана вөлі тані жö, тшөтш мөдөдчөма видз вылө. Резинөвөй
сапöга да коричневөй платтөа, юрсисö көртыштөма коричневөй жö
чышъянөн. Виктор казяліс — ныв ылыстчө ськөд паныдасьөмысь.
Быд пөрийö, кор Виктор видзөдлывліс Светланалань, мөдыс бергөд-
чывліс мөдарө.

Кор ставөн сөлісны, катер вөрзьөдіс пыжъяссö, петіс шөрлань-
джык да веськөдчис ю катчөс. Тадзи найö кыпөдчасны сикт катыд-
ладор помөдз, сөсся вөлісь кежасны шуйгавылö, пырасны Эжваö
усысь Озьюö.

Берегө колысь йөз өвтчисны кияснас, сисны видз вылө му-
нысьяслы бура ветлыны да уджавны. Быттөкө пыжын пукалысьяс
мыйкө вермисны на велавны татысянь, кор асьныс сэтшөм гораа
сьылісны.

— Иван Михайлович,— друг матыстчис управляющөй дінö шко-
ласа директор Елена Васильевна, весиг дзор юрсиыс шавмуліс.—
Ме өд ещö на быдса сулея судзөді антикомаринтö, но вунөді вай-
нысö. Поводзын сулалö.

— Судзөдінныд кө, бур нин,— вочавидзис Спирын.— Со тай Вик-
тор тані на. Кежалас да босьтас.

Викторлы лөис ветлыны директор ордөдз.

— Зоя Турьеваыс тай нө вошис кытчөкө?— юаліс Елена Василь-
евна.— Тэныд нинөм эз висьтавлы?

— Эз.

— Весиг мамыс оз төд, кор воас. Корсюрö сылөн петавлө ру,
но татшөмөн ньөтчыд эг чайтлы.

Виктор чөв оліс. Гашкө, директор чайтö, мый сійö збылысь
майшасьö Зоя вөсна да сійөн и колльөдіс теплоход вылөдзыд. Мыйыс
өд оз кажитчывлы, кор он төд мөдыдлысь збыль думъяссö.

Директор ордсянь Виктор локтіс веськыда Йигö Закар керка
дінö, көні виччысисны нин сійөс. Вөвъясөс вөлі вайөдөма татчö да
домалөма потшөс майөгö. Мунысьяс водзын — Озью йылö кузь туй.

Вель дыр ковмис кыссыны верзьөмаяслы вөрсä ордымөд. Коркөя
туйысь, кызд шуласны, кольөма сөмын нимыс. Гашкө, кымын во
нин сәті некод абу вуджөртлөма. Война дырйи, кор эз кутны тырмы-
ны уджалысьяс, Озюдін сиктсә колхоз эновтлөма ылысса видзьяссö.
Сөсся найөс босьтлөма аслас киподулö леспромхозлөн подсобнөй ов-

мөс. А мыйон бырөдөмаось тайо овмөссө, видзьяс дзикөдз эндөмаось.

Тайо видзьяссө видзөдлыны управляющой Спиринос чуйдөдисны сиктеа олөма йөз, кор пансис сёрни унджык көрым лөсьөдөм йылысь. Совхозлөн отделениеын скөтлөн юрлыдыс воись-во содө, пыр унджык колө туруныс. И неважөн Иван Михайлович, кадөн лыддысьтөг, ачыс нарошно кытшовтөма Озью йылөд. Видзьясыс пө збылысь зэв лөкөсь, тырөмаось кустьясөн. Уна местаяс вутшкөсьсө да васөдөсь, машина оз сибав. Но некымын во пуктивтөм бөрад пө видзьясыс вывти турунаось. И тайо ышөдөма управляющойөс. Повзөдлөс видзьяслөн ылнаыс. Быд мортөс сэтчө он ысты. Сьөкыд лөө турунөс вайны. Но мыйон кывлисны та йылысь школаса комсомолецьяс, асьныс кутисны корны лөсьөдины налысь быдса бригада да ыстыны Озью йылө.

Бөрө пырөм бөрын пыр жө сапкысисны номьяс, кутисны вөтчыны быдса кымөрөн. Виктор перйылис зепеыс антикомарин сулея, мавтис чужомсө да кияссө. А Закар дед эз кут зырасьны: менсьым пө порысь яйтө номьясыд оз нин сөйны. Сөмын баялөбжсө вевтис еджыд дөраөн.

Мунисны восьлөн, тэрмасытөг. Да и вөрса туйодыд өдийөджыксө он вермы. Пыр лөө виччысьны росьясысь, мед не дойдны чужөмтө да синтө. Гөз-мөдысь сувтлисны шойччыны.

— Тайо шор йылас вөвлө батьлөн чөс туйыс,— шуис Закар дед, кор бара сувтисны да лөччисны вөвьяс вылысь.— Ая-пия кыйсьывлөм. Войнаөдыс ме сиасьывлө жө на. Ыж кодь чукчияс вөли шедывласны. А сөсся көдзалө вөралысьыд. Онө, дерт, и вөралан керкаыс нин абу: сөсьмыс либө сөтисны. Сийө местаяссьыс бөрынджык став вөрсө лөдзлисны.

Виктор матыстчис дзольгысь шор динө да заводитис содзнас юны ыркыд васө.

— Тадзнад он пөт,— шуис сылы Закар дед, сөсся перйис тасма костеыс черсө, матыса кыддысь кульштитис сьомөд да вөчис чибльөг.— Онө ю, мыйта колө.

Ачыс юис жө да өшөдөс чибльөгсө шорбокса пу вожйө.

— Кутшөм чөскыд ваыс, трасичаыд.— Закар дед чышкыштитис кимөдзнас гөрд тошсө.— Коми пармаыслысь көрсө вирөдзыд йиджтө. Шор васө видлөм ради позьө татчөдз волыны.

— Том дырйиныд тэ вөравлөмныд,— заводитис Виктор өнтая сёрнисө.— А мыйла сөсся бөрынджыксө энөвтчинныд? Али бырис зверь-пөткаыс?

— Зверь-пөткаыд дзикөдз эз быр, көть и чиныштитис,— шуис Закар дед да заводитис гартны выль чигарка.— Миян сиктъясын сы динө интересыс эз лө. Вөралысьыд вылө видзөдөны кыдзи хищник вылө. Ас радиыс пө өд медводз төждысьө. Совхозлы пушнина оз ков, татшөм планыс абу. И, төдөмысь, совхозса уджалысьяс, медводз веськөдлысьяс, букшасыөны вөрөд шляйтчысь морт вылө, лыддөны туняедчөн. А позьө өмөй вөчны кутшөмкө удж, сийөс кө тәнсьыд некод оз донъяв? Шуам, мыйла миянлы писькөдчыны Озью йылө, некодлы кө оз ковмы миян туруныд?

Виктор кывзис Закарлысь висьталөмсө, но тырвийө сылы эз эскы.

— Тэ өд он мун вөравнытө?— друг юалис Закар дед.

— Ме и вөрас воша,— нюмдөс Виктор.

— Медым он вош, колө велөдчыны,— мудера видзөдөс старик.— Колө ичөтсьян велааны. А онө быдөн көсийөны лоны учительлөн, врачөн да трактористөн. Тэ өд водзө жө кутан велөдчыны?

— Кута, дерт,— шуис Виктор.

— Сыын и став помкаыс,— гогрөстис Закар дед сёрнисö.— Бурджык водзö мөдөдчам, öти кывйö öд ог жö воёй-а.

Вöли пажын бöрын час кык кымын нин, кор Закар дед да Виктор петисны Озью дорö. Чужöмö öвтыштис кокныдик төвру, быттьöкö жар пывсянысь ывла вылö веськалисны. Водзвылын шылькнитчöма вель паськыд эрд — Озьюлөн ковтысыс. Ачыс юыс оз тыдав, көнкö бадь кустьяс саяс. Лэччисны видз вылас. Туруныс вöвьяслы кынёмөдз, эжөр быдмöма.

Закар дед чатрасыштитис öтарö-мөдарö, веськөдис вöвсö шуйгавыв. Виктор вöтчис сы бөрся. Ещö неуна лэччыштöм бöрын заводитчис вутшкөсь места. Турун подулас болскакылис ва да кизьөр няйт.

— Колхозьясöдз ми пуктылим жö татысь турунсö,— шуис Закар дед.— Матигөгöрас миян эгша вöли виддзыс. Тайö оляс собалöмла и кувсьылис мамным, кынмалис да.

То öтилаын, то мөдлаын дясөн быдмисны бадь кустьяс, төв йылас шарöдчисны асланыс векныдик корьясөн. Вожьяс вылас чечалисны да сьылисны посьныдик лэбачьяс. Öтарö-мөдарö лэбалисны сөдз бордья юригусьяс, яр рёма бобувьяс; турун пын сьаргисны чиркьяс. Шуйгаладорын дзирдалысь нейджыд тысь кыпöдчис жыдач да герчкигтырйи лэбис кытчöкö водзö. Став вөр-ваыс öлис аслас олёмөн.

Векныдик раскөд вуджөм бöрын тыдовтчис и ачыс Озьюыс. Гожёмнад сийö векнялöма, джодж пасста сöмын кольöма. Бурджыка кутан видзöдны пемыд ва вылас — пыдöсыс тыдалö. Берегьясыс тырöмаөсь бадьён, пөрөм пуясөн, вужляясөн. Кажитчö, мый ва дорöдзыс не пискөдчыны.

Закар дед да Виктор чеччисны вöвьяс вылысь, кокныдикла лопыштисны. Öни позис прамöя шойчыны, виччысьны пыжаяслысь воёмсö.

— Оз кө сибдыны кытчöкö, регыд и найö танөсь лöоны,— чигарка гартигмоз нурбыльтис Закар дед.— Коркö öд воасны. Сöмын вот, трасичаыд, нурьясянтортö сёрысь эг босьтöй, пыжнад ставсö мөдөдим. Но öд кызкө воасны жö, ляпкыд ва вöсна бөр оз бергөдчыны. Көтв нин пыжьясö эновтасны да подөн локтасны. Учитель Соколовыд öд ветлывлөм морт, аддзас туйсö.

Воысьяс чоталисны вöвьясö да лэдзисны йирсьыны. Сөсся Закар дед нуөдис Викторс кустьяс сайö. Сэни коркö вöвлöма нейджыд керка. Öни сöмын нин нимыс кольöма: йиркыс киссьöма, стеньясыс пөлөстчöмаөсь, абу ни öдзөс, ни öшинь.

— Артельной юриоянин вöвлі,— висьгалис Закар дед.— Суседьяскөд öтув вöчлим, мед зэригьясөн позис сайөдчывны. Колхоз дырйи öвлывлім и. Öни со киссьöма нин, и бадьнас саймовтчöма. Нинөм вылö нин оз шогмы, трасичаыд. Пес вылö сöмын.

Керка водзвылас вöчлөмаөсь кыз плакаясысь кузь пызан, а öтар-мөдарас — лабичьяс. Кадые вежньöдлöма найöс, но дзыкөдз кисьтны абу вермöма. Закар дед пуксис лабич вылас, видлис кияснас сылысь крепыдлунсö.

— Пызаныс да лабичьясыс шогмасны на,— шуис сийö.— Öни жö веськөдыштам, дзоньтыштам.

Виктор сувтис орчөн да кутис видзöдны пызан пöв вылас. Помсянь помөдз вöли тшуплöма сийöс пуртөн. Кутшөм сöмын пасйөдьяс сэни эз вöвны. ГМП, СВА, МАИ, РВВ. Зэв уна, ставсö он вермы лыддьöдлыны. Унджык тшупөдьясыс тырöмаөсь нин лыаөн да вежнитшкөн. Виктор чегис жель да заводитис гудйыны тырөм тшупөдьясö. Тайö, төдöмысь, зонпоснилөн ужж. Быдөн, кодыс воывлөмаөсь татчö пуктысьны, кольöмаөсь асьыныс пассö. Ачыс öд Виктор эз жö эгшалаö парсав ПВА. Кытшовтан кө асланыс керка дорөд да

бурджыка видзёдлан стенъяссö, уна ПВА адзан. Тшуплöма пуртöн и черöн, сотöма ыдждöдан стеклöөн, мавтöма сирөн либö краскаөн.

Виктор ещö парсальштис пызансö и друг син водзас воссис быдса кыв РАСОВ В. З. Недыр мысти орчöн ещö: РАСОВ А. З. 1940 во.

— Закар дед, видзёдлы татчö,— шуис сийö тэрыба.— Лок лыдды...

Закар тэрмасытöг матыстчис Виктор динö, кутис сюся видзöдны гижöдъяссö.

— Ра-сов... В... З...— шуалис сийö ньöжйөнникөн.— Бара Ра-сов...— куньлис синъяссö, думыштчылис, сэсса нимкодя горöдис:— Да öд тайö жö менам пиянöй, трасичаыд... Василей да Öльöксан пасысьлöмаось... Збыль. Найö, и эмöсь. Войнаöдзые волывлим татчö турун пуктыны. И найö волывлисны жö.

Но Закарлөн нимкодьюлуныс кусис сэтшöм жö öдийö, кызди öзйылис. Сийö ещö копыртчыштис гижöд весьтас да аслас сарöг чуньпомъясөн кутис небыдика вештавны да пöлявны букваяс вывсьыс буссö да ёгсö. Тадзи сöмын сапёрьяс матыстчывлöны зарадитöм да дыр кежлö саймовтчылöм минаяс динö да ещö мамъяс асланыс челядлөн ыджыд дой динö.

Кажитчис, мый Закар дед вунöдис дзык ставсö, мый сийöс кытшалö. Сийö öнi аддзис сöмын тшупöдъяссö, кодъясöс коркö вундавлисны пияныс. Сы гөгöрын эз вöвны ни чöскыд дука виддзыс, ни вöрса кыс, ни сылысь лэбачьясыс.

Закар дед малалис тшупöдъяссö, а чужöм кузяыс исковтис синва войт да тёпкысис кимöдз вылас. Но сийö эз казья тайö войтыштöмсö. Виктор гөгöрвоис, мый сылы колö вешйывны татысь бокöджык, ылыстчывны кытчökö. Колис кольлыны старикöс дзык öт насөн.

Виктор таdzi и вöчис. Сийö ньöжйөнникөн ылыстчис пызан дорысь, мунис ю берег йылö. А юрас жуисны думьяс.

«Война, война,— мöвпалис зон.— Кытчö он видзёдлы, мыйö он босьтсы, быдтор казетылö сы йылысь. Став войнаяс письыс бөрьяыс вöлöма медся сёкыдөн да ыджыдөн. Виктор сэки эз на вöв. Но мыйта ещö ковмас кад, кор дзыкöдз бырасны тайö войнаыслөн колясьясыс. Сё во али витсё во? И тайö этша. Позьö бөр стрöитны заводьяс да фабрикаяс, но йöзлысь биографияястö он кокниа веськöд. Быд олём йитчöма войнакөд. И ни öти олём абу бурмөдöма тайö войнаыс. Кодьяскö кеньгöны, мыйла пö öнi сы мында гижöны война йылысь, вöчöны сы йылысь уна кинофильмьяс. А позьö öмöй чöв овны?»

Мыйкö дыра мысти Виктор бөр матыстчис вежыньтчöм керка динö. Старик век на пукалис пызан сайын гыррдзаяс вылас öшöдчöмөн.

— Закар дед,— сетис гөлөссö Виктор.— Закар дед...

Старик ньöжйөнникөн бергöдис чужöмсö Викторлань. Тöдчис, мый сийö бөрдöма. Зон первойысь казалис, мый и сэтшöм олёма да шмонитысь морт, кызди Йигö Закар, оз вермы кутны синвасö.

— Прöстит менö, Виктор,— ышловзис Закар.— Ме вугыртыштли, буракö, неуна. Пыжаясыс оз на кывны?

— Оз.

— Прöстит старикöс. Уна во нин найö абуöсь, а менам син водзын нэм кежлö колины тэ кодь жö зонкаясөн. Ыджыдджыкыс öд, Василейыс, война заводитчан воас вöли помалö Ленинградса университет. Ксыйö вöли химикөн лоны. Ме ёна пиявлi тайö велöдчöмсьыс. Мися, тайö велöдчöмсьыд некодлы ни пöсь ни кöдзыд. А сийö вочавидзлис: «Батьö, тэ ещö адзылан на, мый вöчас олөмад химияыд». Сэки эг эскыв. А öнi эска. Кытчö он воськовт, сэнi и зурасян химия-

көд. Та вöсна и ещö курыджык кольöм кадыс.— Закар дед думыштчылис да водзö висьталис.— А Öльöксан көсйö вöли пырны Сыктывкарса институтö. Эз удайтчы лоны сöмын учительöн. Первой нуисны война вылад Василейöс, сөсся менö, а сөсся Öльöксанöс. Некоднаныс эз воны. Кыз му улö колисны.— Закар чышкыштіс синвасö.— Василейд Ленинград дорын уси. А мыйла вöли колö налы усьнысö? Усьнысö меным коліс, пöрысь чöртлы, а налы овны. Тадзи эськö вöлі бурджык.

— Закар дед, лок лэччылам ю дорас,— кутіс нуöдны Виктор.— Видзöдлам васö.

— Лэччылам, Виктор,— ышловзис старик да сувтіс.— А тайö пöвсö оз ков воштыны... Тайö пöвсö ме нуа сьöрьсым... Висьтала, мед вундасны пиянлысь кырымпассö, тувъяласны менам горт юрладорö... Көсйи петкөдны найöс прамöй туй вылö, но эг вевъяв. Война мешайтіс.

Закар дед бара öшöдіс юрсö, чышкалис синвасö.

— Оз тай артмы сідзи, кызди көсьян,— шуалис сійö.— Эськö батыдлы колö вöлі кувны пиянды дорысь водзджык. Абуöсь кык верстыö морт, а мый меысь пöльзасыс, трасичаысь.

Закар дед нюмдіс. Көнкö ылын кылыштіс моторлөн жургöмыс. Тайö пыр жö вайöдіс ас садьö и Закар дедöс, и Викторöс. Озьюса видзьяс дорö матысмисны пыжаяс. Закар дед да Виктор кутісны виччысыны найöс берег дорö пуксьöмөн.

Рытладорыс Озью дорса видзьяс вылö воисны катер да пыжъяс. Встречайтісны найöс Закар дед да Виктор. Кыпöдчöмаöсь лючки-ладнö, ставөн дзоньвидзась. А мыйөн чеччисны берегö, пыр жö шызьöдісны став матігөгöрса вөр-васö. Дас воас чөж вугралысь Озью, коді лыддис нин асьсö дзикöдз энөвтöмөн, бара кыліс том йөзлысь кыпыд сёрнисö, чөскыд серамсö да кыпыд сыланкывъяссö.

— Мыйта озыйс!— кыліс раскын нывлөн гөлöс.

— Вот!— вочавидзис зон.

Виктор сідзи и эз вермы гөдмавны, кодъяс тайö сёрнитісны.

— Думайтан, ог кут? Кута öд.

— Корсь.

— Аддза.

Воысыя ректісны пыжъясысь көлуйсö. Öтияс кутісны зэвтыны палаткаяс, лөсьöдны пусянін да таганъяс, мөдъяс ветлісны вөрöдз да моздорын ваялісны ныв пу лапъяс, мед вöчны унджык тшын да вөтлавыны номъяссö. Важ керкасянь неылö Закар дед пестіс бипур, коді аслас пуритысь тшынөн вöчис татчöс местасö сьёлөмъяслы матысаджыкөн да мусаджыкөн.

Виктор ветліс матыса ягö да керыштіс кузь потш, кыскис олэнінö. Сөсся сійöс Полиевт Петровичкөд кырссисны да сувтөдісны керкабердса неыджыд эрд вылö. Йылас лэптісны гөрд флаг — витөд бригадалыс аслысыа знамя.

Тайö жö рытнас зэвтисны волейбольнöй сетка, сувтөдісны турниклы столбъяс. Мый-мый, а та йылысь Полиевт Петрович эз вунөд. Абу öд сійö-весьшөрö физкультура кузя преподаватель.

Пусьöмысь быдөн öткажитчисны. Талун кежлö быдөнлөн вöлі сьöрьсыс кутшöмкө да кутшöмкө сөян да юан. Чай сöмын пузьöдісны.

Ужын бöрын Полиевт Петрович да Виктор чукөртісны бригадалысь медводдза совещание. Öні, места вылö воём бöрын, бурджыка нин вöлі тыдалö, мыйсянь заводитны да кызди кетыртны уджсö. Вöлі шуöма, мый аски асысыянь ставөн сувтасны ытшкыны кипомысь, Панюков Феликсысь да Липин Гелийысь öтдор. Найö кыкөн видласны ытшкыны машинаөн, кыті поэяс.

— Ме нбътчъд на зг ытшкывлы, — гораа шуис Модест Скрипов.

— Велалан, — вочавидзис Виктор. — Ме тәнө велода. — Сэсса кытшовтис синъяснас став пукалысьяссө, коалис: — Коди ещö эз ытшкывлы?

Некод эз шыась. Совхозса видз вылын-ö, гортдорса участокын-ö, быдөн нин ытшкывлөмаөсь.

Закар дед корис индины сылы отсасысьсөс, төчила бергöдлысьсөс.

— Модестö и индöй, — горöдис Тамара Липина. — Сойыс кыз. Мед няръялö-бергöдлö.

Йöз вак-вакөн серöктисны.

— И öттшöтш, сидкö, лоан конюхөн, — шуис Виктор, видзöдлис Модест вылö.

Чужöм сertiыс төдчис, мый Скриповлы воис сьölöм вылас рыль должностыс.

Тани жö шуисны, мый пусыны кутасны нывъяс вежласьöмөн. Первойөн босьтчис петкöдлыны асьыс сямсö Светлана. Сёрнитчисны и лунся распорядок йылысь. Чечыны кутасны квайтын, пажнайтны часын, уджавны сёр рытöдз.

— Дас кык час али мый кутам уджавны? — сетис гөлөссö Николай Нечаев. — Капиталистической обществон моз али мый?

— Мый көть и дас кык час? — дöзмöмпырысь шуис Тамара. — Эгö öд ыркöдчыны локтöй та ылнаö. Кымын зильджыка уджалам, сымын öдйöджык эштöдам.

— Правильнö! — ошкыштитисны сийöс ёртъясыс.

— Кутам шойччыны зера лунъясö, — шуис Полиевт Петрович.

— Гашкö, таво гожöмбыд оз зэрлы? — век синис асланьыс Николай.

— Оз кө, ещö на бурджык, — шуис сылы Закар дед. — Но ме омöля помнита сэтшöм гожöмсö, көть сизимöд дасöс нин тырта. Век на ковмывлис майшасыны зэръяс вöсна.

Та вылын помасис медводдза совещание. А гаж эз на помась. Нывъяс да зонъяс дурисны, вермасисны, котралисны.

— Дзик на челядь, — видзöдис на вылö Закар дед. — Асьным эськö татшöмөсь жö вöвлим да...

Гелий Липин лөсьöдис вугыр шатин да мунис кытчökö Озью катчöс. Сылы отсасис Полиевт Петрович. Ме пö коркö ветла жö тенад угоддьöөн. А Модест бара перйис нопсö, пуксис бипурсянь неылö, корис динас Нечаевöс.

СИЗИМÖД ГЛАВА

Виктор зэв водз садьмис. Абу велалöма дыр узыны. Гортас мамыс век зэв водз чеччö да мунö скöтнöй дворö лысьтысьыны. Та вöсна Виктор унаысь ачыс пач ломтö, тшöкыда весиг пусьывлö. А тани ещö номъяс заводитисны дöсадитны. Көть кызди он дзебсы наысь, быдлаö пырöны.

Закар дед чеччöма нин, бипур öзтöма, заводитöма төчила вор вöчны. Виктор здоравайтчис сыкöд, турнир вылö кавшасьлис, сэсса лэччылис Озью дорö мыссыны. Öттшöтш вайис ведра ва, öшöдис таган йылö чайникъяс: йöзлөн чеччигкежланьыс чай лоас.

Недыр мысти петис палаткаысь и Полиевт Петрович, матыстчис бипур дорö.

— Гашкö, ме чер шынам пальöда уннытö? — Закар дед дугдис керасыны, пуксис бипур дорö да заводитис куритчыны. — Менам öд, выжывылдөн, бырöма нин унмыс. А тi томөсь на... Том дырсяйд ме-

нам эз жё на вун. Войпукын вёлі асылөдзис, унмыд локтё. Сёмын водыштан, а батгыд чуксалё нин, трасичаыд, удж вылө нубдө.

— Ме ачым садьми, Закар Игнатъевич,— шуис учитель.— Юрө өти дум воис да.

— Кутшөм нин сэтшөм дум?— юалис дед.— Гөтырыд өд абу на. Сы йылысь думайтны оз ков. Менам мөд делө. Öгренеушкайи вермас выль верөсө корсьны.

— Йөз садьмытөдзис велөдыштөй менө коса лэчтавны,— корис Полиевт Петрович.— Кипомысь ытшкывли, а косаөс век йөз лэчтавлісны. Чайта, миян зонпосниыд оз жё на кужны. А лэчтавтөм коса-над сьөкыд лоө шенасыны. Сёмын войнас думышти та йылысь...

— Ме эг жё на лэчтасылы,— висътасис Виктор.

— Трасичаяс,— нюмдіс дед.— А ещө гөтрасьны көсьянныд. Но абу на сёр, велөдчам. Тайө өд абу на космосө кайөмыд...

Закар дед вайис керка дорысь кык гөрбуш да кык лэчтан, петкөдліс, кызди кутны косасө да зудьявны сійөс.

— Вот и ставыс,— шуис дед.— Öни сәсся ті видлөй. Сёмын эн тәрмасыөй, тэрыблуныс ачыс сетчас.

Сійө ошйысьыштис, мый косасө вайөма уна, быд ытшкысьлы кыкөн вичмас. Мед пө том йөзыд озджык мудзны. Öтинас кутасны ытшкыны, сәк кості мөдсө кутас төчитны.

— Позьө лыддыны, Закар дед, мый витөд бригадаөс механизируйтөма бура,— серөктис Виктор.

— Старайтчи,— нюмдіс дед.— Механизацияыд ас местаас бур, а көнскөрө и тайө косаясыд згөдичасны.— Думыштчыліс, кутис водзө висътавны:— Öни, со, сиктад уналөн нин эм бензопилаясыд. А черыд век жө колө. Кутшөм нө сійө мужик, коді оз куж керка тшупны либө плака лөсавны? Тайө и водзө ковмас, коть кутшөм кокни оз ло олөмыс.

— И коммунизм дырйи?— юасис Виктор.

— И сәки,— малыштис дед гөрд тошсө.— Быдлаө өд комбайнъяс он пырт. А ме таdzi лыддя.— Закар бара думыштчис.— Комбайн вылө пуксытөдз бытө колө гадьөсьтыны китө. Колө кужны вөчны сідз шусяна сьөд уджсө. Сэтшөм мортыдлы и төлысь вылад кокныдджык лоас воөдчыны.

Закар радейтө сёрнитыштны та йылысь. Сійө и öни на вөлі дась дырджык кежлө нюжөдчыны, но кадыс эз вөв. Полиевт Петрович видзөдліс часі вылө. Вөлі квайт час, коліс садьмөдны узьысьясөс. Виктор пырис палаткаө да медводз чуксаліс Гелийөс.

— Чеччы да ворс,— шуис сійө.— Ворс, мед пальөдчөны.

«Ту-ту! Ту-ту-ту!»— здук мысти юрөбтис горн шы, разалис палаткаяс дорсян Озью ковтыс вesityд, матыса керкаөсьсөдз да ягъясөдз. Тайө сигнал бөрас тэрыба петісны палаткаөсысь зонъяс да нывъяс. Öтияс нюжмасисны на да тілісны синъясөс, мөдъяс горша апалісны асья сөдз сынөдсө, шенасисны кияснас.

— Ставөн өтлаын вөчамөй зарядка,— горөдіс Полиевт Петрович.— Öтлаад өд гажаджык.

— И купайтчам,— горөдіс кодкө зонъяс пиысь.

— Бөрас позяс и купайтчыны,— шуис учитель.

Тадзи заводитчис витөд бригадалөн медводдза луныс.

Сәсся юисны чай. Быдөнлөн на вөлі гортсьеыс вайыштөм сёян. Кузь пызан кытшалөмөн нывъяс и зонъяс чөсмөдлісны өта-мөднысө мамъясныслөн пөжалөм пирөгъясөн да мукөд лөлөс сёян-юанөн. Пызан помын пукаліс Закар дед, пөляліс кружкаөсысь пөсь ва.

— Ті, тыдалө, локтөмныд татчө абу уджавны, а пируйтны,— катлөдліс юрсө.— Татшөм уна да чөскыд сёяныс свадьба вылын оз овлы.

— Тэ тай, со, жаритом чери жо вайомыд,— шуис кодкө.

— Чери кыйысыд татог оз ов,— шмонитыштіс Феликс.

— Тэ коть, Панюков, мено эн нин ерччод,— видзодліс сы выло Закар.— Важ кыйсьомсьыс на мено Скриповыд тошкөд нетшкө. А тайо кутшомкө кек ли чек,— индіс черыс выло.— Видлөй.

— Тенад тай паньыд зев мича, Закар дед,— казяліс Тамара.

— Фронт вылысь вайлі,— шуис старик.— Немецкөй самолётысь алюминийыс. Асьным кистлім. Нель во чож сапог голень костын новлодлі. А кор вои война вылысь да чеччи пызан сайысь, бара суйсис тайо паньсо голень косто. Оні тайо паньыс меным орденъяс кодь жо дона. Синмос моз видза. Сомын видзьяс выло да подольника-сигьясон босьтлывлa.

— Тырмас сесся, Закар дед, казтывны,— шыясис Виктор, коді вөлі чеччөма нин пызан сайысь.— Сетав косясто, петкөдлы, кысян заводитам ытшкыны.

— Косаясто асьныд бөрйөй,— дед индіс полынтчөм керкалань, көні йирк юр йылас ошалисны горбушьяс.— Эм и кузьджыкьяс и дженьыдджыкьяс, кокныдджыкьяс и сьокыдджыкьяс. Босьталөй, кодлы кутшом лөсялас...

Нывьяс и зоньяс уськөдчисны керка дорө, босьталисны косаяс. Недыр мысти отчукорон мөдөдчисны Озью полон. Водзын восьлалисны Закар дед да Полиевт Петрович. Виктор кольчыштліс керка дорө, көні Феликс да Гелий лөсьөдісны ытшкан машина. Модест вайөдіс налы вөвьясөс, петкөдіс керкаысь сийөс-көлуй. Сийө заводитліс весиг сийөсавны вөвьясөс, но сийөсыс некыз эз көйыи төрны вөвлон юрө.

— Оз од сідзи вөчлыны,— серөктіс Тамара, коді вөлі буретшидралө пызан вылысь да сөвтө ведрао няйт кружкаяс да паньяс.— Тэ жо сюян сийөсөс бөрөн.— Ныв энөвтіс ведрасө, локтіс Модест дінө.— Со кызди колө.

Виктор казявліс тайөс, и сылөн тшөтш петіс серамыс.

— Белалан,— шуис сийө.— Он кө ачуд босьтыв, нинөмө он и велавлы. А вөлыдлөн пө будущностьыс зев ыджыд. Оні шуоны, мый граница сайын озыр капиталистьяс оз нин вөтлысьны мича автомашинаяс бөрся, а вөвьясөс ньөбалоны.

Виктор воис ытшканінө, кор вөлі ставон нин сувталөмаось бтамод бөрся да покос нуөдоны. Закар дед сюся видзөдіс.

— Энө тэрмасьөй,— велөдіс сийө том йөзөс.— Первой покосьян оз позь асөтө жугөдны, немортон лоан.— Мыйон матыстчис Виктор, шуис:— Ставон, тыдалө, сяммөны ытшкыны. Сомын отитор оз кажитчы: вывті отчукорын.

Та йылысь Виктор водзвыв эз думыштылы. Коліс быть котыртыны кык звено. Сэки и ордйысьыштны позяс. Отарас кутас лэчтасыны да ытшкыны Полиевт Петрович, мөдарас — ачыс.

Виктор матыстчыліс учитель дінө да, ськөд сөрнитыштөм бөрын, чукөртіс бригадасө. Торйөдчөм йылысь мөви кажитчис быдснлы. Юкисны кык звено выло. Отияс кольчисны татчө, мөдьясөс Виктор нуөдіс водзө. Светлана Савельева веськаліс сылөн звеноө.

«Мөдарас эз вөйысь,— думайтіс зон.— А, гашкө, сылөн кодзалис нин воддза скөрмылөмыс? Вермас лоны, мый ачыс гөгорвоис Викторлысь мыжтөмлунсө?»

Водзө лоб на.



О Л О М П А С Ъ Я С

Казытылбмьяс*

* * *

Украинасянь чужан мулань ме веськөдчи сөмын 1922 воын. Водз асылö, январь төлысь помö, ме чечи поездысь Мураши станцияö. Сьөлөм вылын менам эз вöв ёна гажа. Ог соссы: менö повзьöдліс кузь, сьöкыд туй. Зэв нин вöсньыдикöн вöлі киссьöм салдатскöй шынельöй, а важ ботинкиясöй эз жö ёна видзны кокъясöс веж көдзыдысь. Сэтчö жö, неважöн на ме петі лазаретысь, көн кык төлысьысь дырджык куйлі тифöн, и эг на зумыда сулав аслам кокъяс вылын. А туй вöлі колö вуджны кузьöс, верст нельсё гөгөр, öтнамлы, подöн.

Но вöчны вöлі нинöм. Не бергöдчыны жö бөр. Гоз-мöдысь гөгөрті ме станциясö, сюся гоннялі, корси думысь пöпутчикöс, но öшиньясöдз лым-йöн тырöм керкаяс узисны: эз тыдав весиг ни öти дзуган би. Менö босьтіс йирмög. Мед не кынмыны дзикöдз, котөрөн сорөн ме веськөдчи Леткалань мунан туй вылö.

Тöвся туй воргаөн кыссис пемыд козя вөрöд, сөмын көнсюрö, ки пыдöс пасьта эрдьясын, сулалісны важ керкаяс. Гөгөр — помтöм сьöд вөр. Сійö дугдывтöг шувгис, ме моз жö, тыдалö, норасис көдзыд төв вылö...

Дзонь вежон чöж тапсьöді-муні водзö. Колины нин бөрö Летка, Ношуль, Объячево, Занулье. Водзын вöлі Сыктив юлөн ковтысыс. Öти көдзыд асылö (узи сійö войнас За-

нульеа — Кебра вөлөкса пöчинокын) шондi петигөн ме сулалі-шойччи Кебра гөра вылын. Неылын тыдаліс ыджыккодь кушин. Тайö — Кебра. А сысысь водзö, кытчöдз вермис босьтны менам синмöй, лöзаліс парма. Заводитчис сійö көнкö Леткаа — Луза костын да паськыдысь-паськыд ковтысөн вöтчис ме бöрся, Сыктив юлань тэрмасьöмөн. Сэссия көнкö Кажим завод дорын пановтае сійö менö да вуджас Сыктив ю веськыд берегö. Тан сійö вожалö: öти вожыс кежö лунвыв да паськыда төдса Тям яг пыр вуджö Коми мультысь границасö, Вятка ю ковтыслань сетчöмөн. Мöд вожыс оръявлытög лэччö Сыктив ю веськыд берег пöлөн увлань; Нювчим заводö вотöдз сійö бергöдчö асыв-лунвывлань, ордйö Корткерöс да Лöкчим пыр петö Эжва вылö. Эжва — сылөн ашшөр гортыс. Паськыда пластайтчö сійö Эжва öтар-мöдар берегыяс пöлөн юлөн туганöдзыс. Тан сійö вуджö сэссия Кама ю вылö, из сайö.

Со көні озырлуныс комияслөн! Меным сэк кажитчис, мый тайö озырлунсö позьö гумлавны не öти поколениелы. И помыс сылы оз во.

Бöрынджык унаысь ковмис меным ветльывлыны тайö тракт кузяыс — и подöн, и вöв доддын, и машинаөн. И көть кор эг волы татчö — төлын-ö, гожöмын-ö — ме век сувтлі тайö гөра вылас да дыр ним-кодьясьльвлі пармалөн веж мореён, кодлөн тасянь сэтшöм бура тыдалö помтöм отыс.

* Заводитчöмыс воддза номерас.

Кебра — первой сикт Сыктыв юковтысын. Но не тайоторйыс тэрмөдліс менө сэки татчө. Тан оліс менам ыджыд чой, и ме арталі шойччыштны сы ордын, отчыд көть пөттөдз сэйны, узыны шоныд вольпасьын... Од коли нин кык төлысь, кызд ме петі Украинасянь и эг на видлы пөсь сёян-юан, а шоныд вольпасьтө адзылі сөмын вөтын...

Анна чой, код ордө ме сэтшөма тэрмаси, тани и быдмис. Дас арөсөн сійөс лэччөдіс татчө ыджыд мам, велөдіс пөжавны прөскуръяс: ачыс сійө вөлі прөскурняөн Кебра вичко бердас. Ме весиг ог вөлі төд, кушшөм менам чойй. Сы вөсна, мый ньөтчыд на эг аддзыв сійөс. Армияө мунтөдз ме кывлі, мый сійө муніс верөс сайө и мый мужикыс сылөн — Егор Иван — кебраса кулак. Быд төв уна вөла доддөн кыскалө пө сійө Вяткаө сир, дбөгөдь, шабді кудель, кос бадь кырсь, вый да сідз водзө. Бөр туйөн вайө сэтысь ситеч-көлуй, чай-сакар, дозмук, коса, чарла, карасин, табак.

Оліс Егор Иван бура. Гозъяысь кындзи семьяын вөліны ещө пөрысь мам да чой, коді велөдчис карса гимназияын. Медыджыд көзяиннас семьяын вөлі мамыс Егор Иванлөн. Некод эз лысьт шуны сылы воча кыв, ставөн полісны сыысь, вөчисны сөмын сійөс, мый тшөктіс тайө пөрысь энькаыс.

Аннаөс вайис сійө аслас пи сайө некутшөм приданнөйтөг, батрачка пыдди. Ыджыд кулацкөй овмөс став сьбктанас водіс Анна вылө. Сійө эз и өшйив места вылас, эз төдлы шойччөг ни төлын, ни гожөмын, ни празникө ни весьлуно: пусис, пөжасис, идрасис, пелькөдчис да йөзкөд радысь ещө уджаліс видз-му гөгөрын.

Семьяысь миян некор некод на ордө весиг эз воы. Олім ми тшыг нисьб пөт, но нянь кусөк некор эг корлөй тайө озыр рөдняыслысь.

Ме локті на ордө эг ёна колана гөстьөн.

«Мый колө тайө зимогорыслы?! Асьным олам тшыг нисьб пөт...» — лыдди ме озыр рөднялөн чужөмъяс вылысь. А сөсся и казялі, мый ни чөскыд сёян-юан, ни шоныд воль-

пась менө тан оз виччысьны. И лыдди медбурөн өдйөджык мунны водзө.

Кебракөд менам вөліны йитчөмаөсь и мукөд шог казътылөмъяс. Николай — медыджыд вокным миян, Анна моз жө, дас кык арөсөн лэччис карө пи пыдди өти карса чиновник ордө. Оліс сійө сы ордын городскөй училище помавтөдз. Сы бөрын первой уджаліс Пөддельнөйса школаын учительөн, сөсся вуджис Ваддорса начальной школаө. Тан сійө төдмасис кебраса акушеркакөд, пелькиник тушаа мича нывкакөд. Регыд найө гөтрасисны, а во мысти кымын налөн чужи дзик еджыд юрсия нывка. Нөшта недыр мысти том гөтыр аслас ичөтик нылыскөд мөдөдіс мужиксө Казаньө велөдчыны речнөй училищөө.

Николай помаліс училищесө первой империалистической война заводитчан лунъясө. И сійөс пыр жө босьтисны флотө. А 1916 воө эсминец, көн сійө служитіс офицер-механикөн, зурасис Балтийскөй море вылын немецкөй мина вылө. Став личөй составыс эсминецлөн пөді.

Миян воклы сэк удитіс тырны сөмын кызь вит арөс. Скромнөй, смел, образованнөй — татшөмөн и коли сійө миян паметьын. Помнитсьө, вежөп чөж ми, гортсаяс ставөн, кыз сипваөн бөрдім сылөн кулөм йылысь юөр воөм бөрын. Миянлы сэк кажитчис, мый воис пом: өд Николай сійө кадө өтнас төждысис став миян семья вөсна; сійө кулөм бөрын миян эз коль некутшөм надея кушшөмкө отсөг вылө.

— Регыд сы бөрын и гөтырыс сылөн кулі, — нора висьтавліс Кебра — Чукаиб вөлөкөд менө колльөдысь Анна. — Йөз сэк олісны тшыгйөн. Биа висьбөм дугдывтөг ытшкис гырысьбөс и посниөс. Кебраса больнича вөлі тыр висьсысьсөн, а лечитысь сөмын кыкөн — фельдшер да акушерка. Сэк и висьмас Николайлөн гөтырыс, а төлысь мысти дзөбим нин гуө, со сэтчө кладбище вылас, — индіс лымъя кладбище вылө. Нылкасө босьті ме, думайті быдтыны ассьым пыдди: өд менам челядь сідз эз и вөв. Но кыскө Олонецкысь

воис сылөн бабыс да нуис аскёдыс гортас.

...Дас вит лун коли сысянь, кызди ме пети Мурашянь. Кузь, събкыл туй дзикёдз мудзтёдис менё. Водзё мунём йылысь нинём вёли и думайтны, и карын ме шуи шойчыштны. Оти сайын окота вёли тодмавны мукёд вокъяс йылысь, кодъяс, кызди ме висталё нин, 1918 восянь воёйтисны кёнкё лунвывса фронтъяс вылын.

— Карё! Одибнджык!— тэрмёдла ме ачымёс.— Сэн шойччам!

Шондыс ошалёс нин лэччанинас, а ме век на восьлалё карса уличяяс кузя да корси узянин. Но кар эз кёсий примитны менё!

Мунны водзё, Визябёждз, менам эз нин вёв вынёй. Ковмис кайны узыны бөр Вильгортё, медым асывнас водз, Давпон пыр, карё пыравтёг, кежны Эжва вылё.

Карсянь Шойнатыё каян туй вылын гырысь вёлөкъяс абуюсь. Кёрткерёс бёрын пёшти оръявлытёг мунёны: Пезмёг, Важкуа, Нёбдин, Шойнаты. Бёрья дас воясё налён катыд да кывтыд помъясыс сэтшёма матысмисны ота-мёдныскёд, мый вёлөкъясыс на костын пондисны бырны. Муртса на помася Нёбдин, а сэн нин Шойнаты... Шойнатысянь жё веськыд туйод Керёсёдз поэзё судзёдчыны киён.

Рыгторув сулалё ме Керёс дорса мыльк вылын да видзёди аслам сикт вылё, кодё лэччис гёраяс боктё увлань; сикт помтё ыб горувсянь визувтёс ичотик Ницшор; шор саяс — миян важиник керканым.

Вёли лёнь, сэзь лун, энэж пасътаын эз тыдав ни оти кымёр чир; кёнсюрё керка трубаясысь сувтса кайисны тшын сюръяяс,— ставыс висгалёс, мый керёс гёра вылын аски бара лоё кёдзыд да мича лун.

Лёнь вёли и менам сёлём вылын. Нёшта оти олём пас коли бөрё. И кутшом пас! Ме вёли рад, мый советской власть вёсна ёсь классёвой тышын эг сулав бокин, а оружиеён кин мунё оти радын став уджалысь йёзкёд и тайё революционнёй радъясас пёри вежёра боецё.

Рёднёй сикт, код ыбъяс вылын ме бара сулалё дзонь кумим во йёз муёд

ветлём бёрын, том кадё эз сет мёным нинём сэтшёмсё, мый вёсна эськё позис шуны шудаён менсым челядь дырёс. Но та вылё видзёдтёг важ киссьём керкаяс, ошиньясын тыдалысь дэузган бияс сывдисны менсым сёлёмёс. Ме дась вёли сувтны пидзёс вылё туй шёрас, копёртчывны кын муёдзыс да пёся шуны:

— Олан-вылан, старина! Олан-вылан! Ме зэв рад, мый уна во йёз муястё ветлём бёрын бара вои гортё.

Сийё волнуйтана здукас мем кажитчис, мый сулалё вуджны Ницшор пос вомён, кежны веськыдвыв, гортлань, и заводитчас выль, шуда олём, код йылысь ме сэтшём частё мёвпавлё бёрья кадё аслам салдатскёй туйяс вылын.

Со и шор пос коли бөрё. Ме котёрён сорён уськёдчи гортлань... Но мыйла сёлёмёй менам тёпкис сэтшём събкыда? Мыйла шонид ёкмыль, кодё неважён на кылис менам горшын, друг кынмис, лон йи кодёён?

Керка ошиньяс пемыдёсь. Оз кыв мёслён баксём. Кильчё одзёслань нуодысь туй мыйлакё тырёма лымёйён. Оз вермы лоны!.. Оз вермы лоны, мый некод абу гортын...

Ме ёни нин вёли верстё мортён, унатор аддзылысь мортён, и велалё нин нинёмысь ёнасё не шензыны... Но сийё страшнёй гольлуныс, кодё чуксасис-горзёс гортын быд пельёссянь, быд щельсянь, конйыштёс мёно кок вылысь. Ме эг вермы водзё кутчысьны да бёрддзи дзольяник дётинка моз.

Сьёкыд туй ли, ыджыд, сёлёмёдз йиджём шог ли вёли сылы помкаён, но гортё воём бёрын возвратнёй тиф вылысь дыр кежлё личкис мёно вольпасё. Вои ме гортё февральё, а садьми гажа тувсов лунё. Радла, мый ме ловья, чеччышти вольпасысь, кёсий петны ывлаё, югыд шондё водзё, и гирилюки уси пёлатысянь джоджодз: кокъяс и кияс менам вёлины быттьё кынёсь. Эбёстёмла ме пласътмунё джодж шёрё да лёкысь бёрддзи. Ковмис дзонь тёлысь, медым сувтны кок вылё да лэччыны карё комиссия вылё.

Кар и öнi встругитiс мөнö зэв кöдыда. Муртса на удитi пырны военкоматö, кызди мөнö пуксьöдiсны гауптвахтаö «дезертиралöмысь» да тшöктiсны вичысьны суд. Кык вежон чöж вердi ме тан лудикьясö. Суд эз аддзы менсьым некутшöм мыж. Регыд врачевнöй комиссия бара лэдзис мөнö гортö дзикöдз бурдтöдз.

Водз асывсянь гöгралi ме карса пристань вылын, думысь виччыситöг ме паныдаси ыджыдджык воккöд, кодöс колльöдi Краснöй Армияö страналы медся сьöкыд луньясö. Öнi сийö муно жö гортö. Первой Коннöй армия, кон сийö служитiс медбöрря кадöдз, демобилизуйтiс сийöс.

— Гөгөрвоан, вокö,— висьталiс сийö меным жуглясигтыр,— шуöны, висян пö тэ... Пöра пö тэд гортö... Ассьыд пайтö пö тэ воуйтiн... А ме здоров... сöмын тай кыза корсюрö...— А кызöмыс сылөн кыптiс пыдисянь, быттьö кынöмсяньныс да дыр эз лэдзлив морттö. Чужöм пасьтасыс и кияссыс сылөн чепöсийвлiс кöдзыд пöсь...

Кызд ловья сулалö сийö öнi менам син водзын да лёкысь кызö. Киссьöм нийт шынель, ёсь йыла будёновка, кокас киссьöм, но дзирдавтöдз весалöм сапöг, бöрляясыс быд кызöктiгөн зия-зеля кылöны шпораысы, бокас кавалерийскöй сабля. Татшöмөн вöли менам Виталий вок Сыктыварса пристань вылын 1922 вося тулысö.

Висьö?.. Ме сюся видзöдi сылы синмас. Оз вермы лоны! Ме сэк зэв на омöля кужи лыддыны морт олём йылысь, сылөн синъясö видзöдöмөн. Меным и збыль кажитчис — вок здоров. Боевöй лихöй кавалерист! Вот-вот — виччыси ме — öти здукөн чечыштас сийö аслас боевöй вöв вылö да, саблянас юр гөгöрыс öвтчитгыр, кырсыыштас пристань дорянь кар шöрöдз. Сöмын и аддылан сийöс!

Эг тöд ме сэки, мый вок и збылысь ёна висьö, мый смерть ёсь косанас ырыштчис нин сы вылö... виччысис сöмын бурджык здук, медытшкыштны смел юрсö.

Гортö воём бöрын вок сьöлöмсяньныс босьтчис уджö: гöрис, кöдзис, лэдзис кер, кылöдчис; быд удж пуис сылөн киясын. А олöмыс сийö воясö коми сиктъясын вöли сьöкыдысь-сьöкыд. Йöз тшыгъялисны.

Ме вöли на армияын, кор вок кулi. Вöли сылы сэки 28 арöс.

1924 во. Медбöрын и миян Комиын олём заводитiс бурмыны. Первойсы уна во чöж тшыгъялём бöрын сельпоса магазиньяс вöлины тырöсь быдпöлöс төварөн. Лои и еджык пызь, и сакар, и карасин, и ситеч кöлуй, и табак, и коса, и чарла... Ставыс тайö миян асланым, советскöй. Петiс и выль деньга — червонец.

— Öнi ми петкöдлам став мырысьлы, мый большевикьяс кужöны не толькö жуглыны став важсö, но и стрöитны выль олём,— шуис öтчөд вöлöstювса скод вылын первой империалистическöй войनावывса инвалид Егор Степан. Скод öтсöгласөн дыр аплодируйтiс сылы.

Сэки ме муртса вои армияысь гортö. Бöрря вояссö служитi пограничнöй войскаын, финскöй граница вылын, кон вой и лун вöтлысим бандаяс бöрся. Финьяскöд граница муно сьöд вөр шöрöд, и тайөн бура пöльзуйтчисны финскöй контрреволюционерьяс. Кольлiс шоч вой, медем эз кыв лыйсьöм.

Öнi ставыс вöли бöрын... Но ме водзын, кызд важ мойдса герой водзын, вöли кык туй: либö заводитны крестьянствуйтны, либö лэччыны карö велöдчыны. Дыр ме падьялi. А сэк костi мөнö пуктiсны Пöддельнöйса волисполкомö секретарөн да тшöктiсны бура разберитчыны земельнöй делöын: эрдöдны кулакьяслысь лишнöй мусö да юклыны сийöс красноармеецьяслөн семьяяслы.

Арнас, муяс вылын уджьяс эштöдöм бöрын, Пöддельнöйын чукöртчис вöлöstювса съезд, скод. Скод кыссис куим сутки. Куим сутки — лун и вой — Пöддельнöй гөгөр сиктса мужикьяс пукалiсны правление шумöвöйын да горшныс сибдытöдз видiсны исполкомлысь важ составсö. Армияысь воём йöз требуйтiсны

вотлыны найос удж вылысь, бөрйыны выльясос, кодъяс эськө збыльысь вермисны отсавны сиктса голь йозлы кыпöдны ассыныс овмös, вайны сельпоясö видз-му уджалан машинаяс, койдыс, крестьянскöй тöвар. Тайö вöли делöвöй скод йозлön, кодъяс öружиеөн кианыс вынсьöдисны ассыныс сöветскöй власть, и öни злисны веськöдны тайö властьсö сиктса кулакъяслы паныд, кодъяс бөръя кадö выльысь кыпöдисны ассыныс юрнысö.

Скод бöрын ме тшöтш дзикöдз суні политической олöмö. Регыд вöлöстювса партийнöй ячейка примитис менö кандидатön коммунистическöй партиясö. Вöли тайö ленинскöй призыв лунъясö. Ме нэм кежлö бөрйи аслым туй.

Тайö воясö комияс первойысь асланыс кузь да сьöкыд историяын заводитисны стрöйтны ашшöра государственность. 1922 воö ВЦИК-са декретön вöли котыртöма Коми автономнöй область, урчитöма сылысь выль границаяс, лöсьöдöма государственнöй властьюсь местнöй органъяс. Народнöй овмös кыпöдöмкөд тшöтш областнöй партийнöй организация уна вын тайö воясö сетис коми кыв вылын государственнöй органъяслысь уджсö котыртöмлы, народнöй образование да здравоохранение лöсьöдöмлы, уджалысь йöз пöвстысь том сöветскöй интеллигенция дорöмлы. Первойысь сэк тайö государственнöй тöдчанлуна могъясыс сувтисны комияс водзын став асланыс ыдждананыс. Быдöнлы тöдса, мый Октябрьскöй социалистическöй революциятöдз унджык комийес вöлины неграмотнöйөн. Карын кындзи некön эз вöв ни öти больнича, ни öти врач, ни öти среднöй профессиональнöй учебнöй заведение. Ас интеллигенцияс гötöвитис öтнас кар — гимназияын, духовнöй училищеын да сёрöнджык вöсьсöм учительскöй семинарияын, көн вермисны велöдчыны сöмын купечьяслön, попьяслön, кулакьяслön да карса чиновникьяслön челядыс. А сы вöсна, мый найö кызвыннас вöлины рочьяс, сиктса интеллигенция — учитель, фельдшер, агроном да сідз водзö ас костаныс и йöзкөд

тшöтш сёрнитисны рочön, унаön на пöвстысь кедзөвтисны уджалысь йöзс, лыддисны найос кывтöм пемöсьясön. Тайö эз вермы не дойдавны йöзлысь национальнöй чувствояссö, медся нин том йöзлысь, кодъяс вöлины дасьсöсь вераön и правдаön служитны асланыс народлы, овны сы олöмön, сы думъясön да зильöмъясön, но эз тöдны, кызди тайос колö вöчны.

Великöй Октябрь дзикöдз пасьвартис и тайö туй вылысь став мыджöсö. Гражданскöй война помасьöм бöрын öти бөрся мöд комиын вөссисны педагогическöй, сельскохозяйственнöй, коммунальнöй да мукöд техникумъяс. Велöдчисны сэн öни сöмын сиктса уджалысь йöзлön челядыс. Эз коль ни öти сикт, көн эськө эз вöв вöсьтöма изба-читальня, библиотека. Пöшти став олöма йöзыс пукис школьнöй парта сайö бырöдны ассыныс неграмотность.

Ме кöсийлы лоны учительön, а век на со эз могмы кöсиймöй: олі Пöддельнöйын да вöчи дзик мöд пöлöс удж.

Пöддельнöй сулалö мича, гажа пожöма яг дорын. Матиті визувтö Эжва, коді быттö нарошнö вöчö неыджыд петля, медым кежавлыны сикт дорöдз, сэсся веськыда сетчыны Вомын катыдлань. Во ветымын сайын сийö визувтис веськыда асывывсянь, Пöдты пыр, öни ас местаас колис неыджыд ты, кысь пöддельнöйсяяс быд тулыс и гожöм кыйöны чери. Сэн, көн важ Эжвалön вомыс öтлаасьö öния Эжвакөд, чурвидзö неыджыд мусюр, кысянь вөсьсö паськыд ковтыс.

Пöддельнöйсянь неылын, Эжва сайын, пуксьöмаось Навөлök, Нöвик, наысь ылынджык Керös, Лабором, Эжол. Найö ставныс пырöны öти вöлöстьö.

Пöддельнöй вöвли голь видз-му овмöса. Чим еджыд лыа муяс вылын эз быдмыв весиг картофель. Та вöсна вотчинанысö татчös йöз вöдитлисны Навөлök да Быктыса ыбъяс вылын, сэні кöдзлисны ид, зөр, сю. Но медсясö пöддельнöйсяяс овлисны коллысьсöм да груз кыскалöм помысь.

Сийö кадö, код йылысь ме гижа,

Пөддельнойын вөлі шы ни төв. Сө-
мын гожомъяснас ловзылыс сийө,
быд пожом дорысь сэк поэю вөлі
аддзыны санаторияын лечитчысьсө.
Но Пөддельной төдліс и мукөд
лунъяс, кор сийө вөлі фронтөвөй
сиктөн. 1919 во помө да 1920 вося
первой төлысьясө, кор белөйяслөн
фронтыс сулаліс Аныб гөра пөлөн,
Пөддельной вөлі тыр йөзөн: ёнджы-
касө военнойясөн.

Тайө сьөкыд лунъясас тані ко-
тыртчис коммунистическөй парти-
ялөн ячейка. Медводдзаяскөд тшөтш
сэтчө пырис Пильө Митрей (Д. П.
Королев), Нөвик сиктса гөль кре-
стьянин. А сөсса гижсны тшөтш и
Брус С. Е., Тарасов К. И., Мото-
рин С. И. 1924 восянь — ме да Тох-
манов П. С.

Секретарөн дыр кад чөж уджаліс
Королев Д. П.

Королев Д. П., кызди и олөма му-
көд коми йөз, вөлі зэв ичөт грамо-
таа морт; сийө муртса кужис кыры-
масыны да гижны кык-куим кывъя
прөстөй делөвөй бумага. Выныс сы-
лөн вөлі мөдын — сийө вөлі бур аги-
таторөн. Тэрмасътөг, ыджыд шоныд-
лунөн вайөддіс сийө партиялысь ре-
шениеяссө йөзөдз.

Оліс Королев мукөд моз жө тшыг
пінсьө пөт и көть сы киын вөлі дзонь
магазея кум няньөн, миян моз жө
сөйис идзасысь да качысь пөжалөм
нянь, гумъя шыд да юис чай сакар-
төг. Сийө некор эз чукльөдлыв пар-
тия водзын. Ичөт грамота вөснаыс
сийө частө сьөкыда гөгөрволіс пытш-
көсса да ортсыса событиаяссө, но
кежөдны сийөс лөк туй вылө пар-
тиялөн шөр визысь некод эськө эз
вермы.

1924 вося тулысө, кор муртса на
удитіс помасыны партийной диску-
ссия, Пөддельнойө воис Коммунисти-
ческөй университетысь велөдчысьяс-
лөн дзонь чукөр. Сэтчө пырысь йөз
лыддысысны ЦК-лөн пропаган-
дистъясөн. Пөшти ставныс сэні вө-
ліны комияс, унджыкыс вөвлөм пар-
тийной работникъяс. Но регыд ты-
довтчис, мый кодсюрө на пөвстын —
троцкистьяс. Öти сэтшөм пропаган-
дист и сетас Д. П. Королевлы Троц-
кийлысь «Уроки Октября» книга.
Мортыд дыр пукаліс тайө книга са-

яс. Эз öти вой колльөд сийө изба-
читальня пельөсса комнатаын, ду-
майтіс, арталіс ассыс сьөкыд олөм,
донъяліс страналысь бөръя воясө
сөвмөмсө.

Троцкийлөн книгаыс мый вермөм-
сыс омөльтіс миянлысь партияны-
мөс. Королев пыр жө казяліс тайөс,
и сылөн сьөлөмын кыптис ыджыд
лөглун троцкистьяс дінө. И колө
вөлі аддзывны, кутшөм яра сийө
пондіс нуөдны накөд тыш.

Сэкса кадө коммунистьяс олөмын
медся главнойөн вөлі: лоны пөща-
датөмөн партиялөн врагыс дінө;
кытчөдз тіпкө тэнад сьөлөм, кыт-
чөдз визувтө тэнад сөнъясөд пөсь
вир — лоны вернойөн партиялы не
сөмын аслад делөясын, но и весиг
аслад мөвпьясын. Тайө вөлі клятва,
присяга, кодөс ми сетлім асланым
партиялы.

Таын Д. П. Королев петкөдліс
миянлы пример.

Орччөн сыкөд сулалө мөд комму-
нист — Брус С. Е., Керөс сиктса
гөль крестьянин, первой империали-
стическөй войनावыса кок пөла ин-
валид.

Брус (Егор Степан) — ККОВ-са
председатель (Комитет крестьян-
ской взаимопомощи), коді ас водзас
пуктіс мөгөн корсьны места вылысь
нянь, көйдыс, скөт, видз-му уджа-
лан көлуй, сөян-юан, көмкот-пась-
көм да отсавны ставнас тайөн дө-
ваяслы, кодъяслөн верөсьясныс уси-
ны война вылын, красноармеецъяс-
лөн семьяяслы, став гөль олысьяс-
лы. А сы вөсна, мый сэки вөлөсть
пасьта вөлі шоч семья, кодлөн вер-
дысьыс эз вөв либө усьөма война
вылын, либө эз воюйт гражданскөй
войनावыса уна лыда фронтъяс вы-
лын, — Комитетлөн уджыс вөлі юр
вытырыс.

Брус С. Е. лунын и войын воюй-
тіс кулакъяскөд — петкөдаліс на-
лысь эмбурсө да юкліс тшыгъялысь-
яслы. А кольліс кө этшаник прөст
кад, сийө, пиньяссө мурч курччөмөн,
велөдчис, велөдчис лыддысьны,
гижны, артасыны — өд олөмыс ко-
рис бура гөгөрвоны и политика, и
экономика и философия.

Оліс Брус зэв сьөкыда. Көть и
петавліс шөркоддьөма олысь кре-

стьяна семьясы, бать дінсыс тор-йодчигон сылы эз вичмы ни керка, ни вов, ни мос, ни нянь. Первой кадө юксөм бөрас семьянас сийө оліс сьод пывсянын. И сөмын неважон овмөдчис купеч Никонор лавкаын. Керкаыс вөлі поводнөй ыджыд, но председательлөн квайт душа семьяыс оліс ичөтик кухняын.

1924 воө тулыснас Пөддельнөйө воис выль коммунист — Калистрат Тарасов. Дзонь кык төлысь сийө куйліс санаторийын, лечитчис чахоткаысь, кодөс сийө најөвитөма гражданскөй война вылын сьөкыда ранитчөм бөрын. Арланьыс овмөдчис сийө сикт помын, вайис ассыс гөтырсө да заводитис милиционеравны. Во мысти кымын, кор Д. П. Королев өна висьмис, ми бөрийм сийөс асланым секретарбн.

Миян Калистратлы, кызд меліа нимтім ми сийөс ас костаным, муртса на тыри 24 арөс, на пиысь квайт вөсө сийө воюйтөма. Ранитчөма Калистрат 1920 воө, белополякьясөс Украинаысь вөтлігөн. Дыр туплясьөма лазаретьясын, петөма полнөй инвалидөн. Томиник, шылыдник детинкайн ас вөлясыс мунөма сийө Краснөй гвардияө, а воөма бөрсө пөрысь старикөн: ветлөдліс гөрбыльтчөмөн, эз вөв сылөн ни өти чепөль лишнөй яй — куш лыыс да кучикыс. Сөмын ёсь сьод синьясыс важ моз олісны асланыс том оломөн, видзөдісны мир вылас смела, гөгөрвоана.

Пөддельнөйө воөм бөрын Калистрат быттьө ловзис: гажа пожөм яг, сөстөмысь-сөстөм сынөд, санаторнөй режим вөчисны ассыныс уджсө. Сылөн вөйөм чужөмбаньясас пыр частөджык пондіс ызывны том вирыс, сийө омөльджыка пондіс кызны. Вежсис весиг походкаыс: ветлөдліс өні сийө веськыда, юрсө вылын кутөмөн. Буракө, смертыс жалитыштис том мортөс, лэдзис сийөс аслас көрт везьясысь.

Но регыд, зэв регыд лолаліс морөс тырнас миян Калистрат. Арнас, лым нин вөлі усьөма, бандитьяс бөрся вөтлысигөн сийө өна кымаліс, и висьөм бөр чабыртис сийөс горшөдыс. Мортыдлы бара лои водны больничай.

Частө миян ордө воыльліс Левич Сеня, батыслөн кодь жө ыргонгөрд юрсиа, ыджыд плеша, гырысь синьяса, военнөй выправкаа том морт. Левичкөд ми матыса другьяс. Төдмасим ми сьөкөд нөшта 1917 воө, учительскөй семинарияө пыран экзаменясь дырйи. Тайө экзаменясь вылас Пөддельнөй гөгөрса сиктьясысь ми лэччим витөн, а велөдчыны вермис пырны Левич сөмын өтнас. Сэксянь миян туйяс мыйкө дыра кежлө торъявлісны. Левич удитис нин помавны учительскөй семинария, өні сийө нуөдіс политическөй удж карса военнөй гарнизонын.

Левич вөлі образованнөй, честнөй коммунистөн, кутшөмөн частө вөліны сэки интеллигентнөй том йөз, кодьяс петісны уджалысь йөз пөвстысь. Шензьөдана прөстөя да гөгөрвоана кужліс сийө висьтавны медся сьөкыд политическөй вөпрөсьяс йылысь, бура төдіс марксистскөй философия, коммунистическөй партиялысь исторіясө и лыддис ыджыд шудөн, мый сылы, прөстөй коми зонлы, тшөтш лои уджавны сы радьясын. Помнита, сийө кадө петіс Бухаринлөн «Коммунизм азбука» книгаыс. Ми, том йөз, горша ныылалим тайө философскөй уджсө. Кодсюрө весиг шөгөляйтісны, мый өні найө төдөны марксистскөй философиялысь медбөрья кывсө: Бухаринөс ми сэк лыддим правөвернөй марксистөн. И сөмын Левич кужис восьтны миянлысь синьясыс, велөдіс торйөдны марксизм-ленинизмөс Бухаринлөн механической философияысь.

Левич, кызд некод миян пиысь, бура гөгөрвоис коми йөзлысь локтан исторіясө.

Кулі сийө зэв томөн. Пөшти өти кадө кувсис и сылөн чойыс, Анна, коді техникум помалөм бөрын сөмын на заводитис учительствуйтны. Чөя-вока кыкнанныс висисны туберкулөзөн.

Шогысла батыс налөн тупкаліс керка өшиньяссө да коляс семьянас пышйис Эжва йылө, сьод вөр шөрө.

Пөддельнөйлөн славаыс, кызди курортлөн, торйөн өна кыпаліс бөрья вөясө, кор главнөй врачөн

сэн заводитіс уджавны том коми врач — Постников А. С.

Постников вöлі первой коми врачöн (Октябрьскöй революцияöдз ни öти көрөннöй коми морт эз петав врачö), и, буракö, та вöсна йöзыс торйөн нин ёна пыдди пуктісны сі-йöс.

Асланым первой учитель, первой врач, первой инженер, первой писатель, поэт, агроном... Первой! Кутшöм мичаöн, сьölöм вөрзöданаöн вöлі миянлы сэки тайö кывйыс! Первойятö йöзыд век ёнджыка радейтлöны, уважайтöны. Налён олöмысь йöз аддзыны ассыныс, асланыс челядыныслыс аския лунсö.

Постников А. С. вöлі не сöмын первой коми врачöн, коді петіс крестьянин семьяысь, но и бур специалистöн — хирургöн, терапевтöн. Операцияяс йывсьыс, кодъясöс сійö первойысь заводитіс вöчавны Пöддельнöй больничаян производственнöй практика дырйиыс на, зэв öдйö кывсис Эжва кузяла, быдён ошкисны сійöс ыджыд сямсьыс, уджалысь йöз дінö сибавны кужöмсьыс. Эз öд прöста сійö лунъясö, кор висысьясöс примитіс Постников, больничавöлі тыр пöрысь и олöма йöзöн, мужичöй и нывбабаөн.

Пöддельнöй бöрын Постников вель дыр вöлі Сыктывкарса больничаян главнöй хирургöн. Сэн сійö сьöкыда висьмис (сырса лылöн туберкулёз) и гоз-мöд во лои куйлыны москваса больничаясын гипсöн тубыртчöмөн. Больничасысь петігөн на сылы лои пасьтавны гипс жилет. И ковмис энöвтны радейтана уджсö, мый ёна дойдіс мортдыллысь сьölöмсö.

...Пöддельнöйса санаторияын сійö гожöмö бурдöдчисны унакодь партийнöй да сöветскöй работник, вöліны тшöтш писательяс, поэтъяс, учительяс — том коми интеллигенция. А кадыс сэки вöлі сьöкыд. В. И. Ленин кулöм бöрын кыпöдісны юрнысö коммунистическöй партиялөн дзесбсылöм врагъясыс. Колö вöлі идейнöя и организационнöя дзикöдз пасьвартны троцкизм да ышöдны став йöзсö странаын социализм стрöйтöм кузя В. И. Ленинлысь индöдсö олöмö пöртöм вылö.

Висысь йöз костын вöліны зэв бур лекторъяс, пропагандистъяс, агитаторъяс. Найö шызöдлісны Пöддельнöй коддьöмсö ставнас. Быд рыт изба-читальняын, Эжвалён джуджыд бужöд вылын да весиг сарай посъяс вылын позьö вöлі кывзыны, мый вöчсьö му вылас, миян странаын, миян выль автономнöй областьян. Найö, кодъяс интересуйчисны художественнöй литератураөн, поэзияөн, музыкаөн, чукöртчывлісны санатория öградаын, веськыда ывлаас, джуджыд пожöмъяс улын. Тан частö коми поэтъяс лыддисны ассыныс выль кывбуръяс, сыланкывъяс.

Некор ог вунöд öти татшöм рыт, кодöс вöлі сиöма Жан Морöсöс казтылöмлы.

Пашкыр пожöм улын ыпъялö гажавур. Орччөн — Ж. Морöслöн гуыс. Сійö кулі тані, санаторияяс, кольöм во. И öні ми чукöртчим татчö, сылөн гу дорö, медым пасйыны кулöмыслы во тырöм. Рытыс вöлі лөн, шоныд. Сöстөм сынöдыны киліс пожöма яглөн сир көра чöскыд дукыс, юр весьтын, пожöм туганъяс костың, дзирдалісны лыдтöм-тшöттöм кодзувъяс, найö быттö тшöтш вöзйысысны поэтлөн гу дорö.

Öні ме ог нин помнит, коді сёрнитіс Ж. Морöслөн олөм да творчество йылысь. Но сылысь пöсь кывъяссö ме нуи аслам сьölöмын нэм чöж, кызди и поэтлысь югыд образсö.

— Иона Тимофеевич Чисталёв (Ж. Морöс), — кылі ме сёрнисö ораторлысь, — чужліс Помöздінын, крестьянин семьяын. Писькöс вежöра зонка велöдчис, ачыс лои велöдысьөн. Но челядылысь юр югдöдöм пыдди сійöс нуисны империалистическöй война вылö. Война аслам ужасъясөн вöчис сійöс биа-пöсь поэтөн...

«Шойналы» (бойнялы) паныд сылысь скөр гөлöссö öні кылім ми тані, парма сьölöмын. Тайöс оз позь вунöдны некор.

Война вылысь воём бöрын поэт уджаліс учительлөн Помöздінса начальнöй школаын, Октябрьскöй революция первой лунъясынь — властнöй народнöй образование ку-

зя: сійö лөсьöдö коми кыв вылын
букварь, вуджöдö ас кыв вылö пар-
тийнöй гимн «Интернационал», ги-
жö да вуджöдалö вель уна кыв-
бурьяс.

Джуджыд слуда узьö,
Гөгөр шы ни ру;
Пемыд увтас кузя
Чиркйö кöдзыд ру.
Абу туйыс буса,
Вöрын коз оз вöр...
Шойччөг лө муса,
Виччысь, сьблөмшөр
«Шойччөг лө муса —
Виччысь, сьблөмшөр!»

Гусьöникöн вашкöдi ме оратор
бöрся. Ме велöдчыли роч школаын и
помöдз эг тöдлы коми кывлысь мич-
лунсö. Öнi первыйысь казяли, кызди,
вөлöм, вермö сийö пöртмасыны-ворс-
ны. Но, тыдалö, колö лоны Ж. Мор-
рöсöн, медым гижны сэтшöм мича
да сьблөмöдзыд йиджысь кывьясöн.

— Ж. Моррöсöс,— висьтавлis во-
дзö оратор,— комияс медясö тöдö-
ны кызди поэтöс. Но сийö, поэьö кö
сидз шуны, тшöтш пунктis коми ли-
тературалы медводза пельöсув
изьясысь öтиöс. Революциялöн пер-
вой луньяссянь сийö чукöстis лö-
сьöдны, кыпöдны кок вылö коми ли-
тература... Миян, дерт, абу сэтшöм
литератураыд, кутшöм эм рочьяс-
лöн, абуöсь на миян Пушкинъяс ни
Гогольяс. Но öд коркö и рочьяслöн
эз вöв литератураыс, но сийö дырöн
босьтсис и со кызди пондiс дзор-
дзавны. Сидз жö и миян, бур вокья-
с, вермас лоны. И лоас!— пöся по-
малis сёрнитысь.

Менам, буракö, унакодь лои сёр-
нитöма Пöддельнöйын олöм йы-
лысь, сэтчöс другьяс йылысь. Но öд
тайö сиктыс менам, поэьö шуны,
мöд чужанin. А сийö, кодi кöть не-

дыр кежлö энöвтлis ассьыс гортсö,
тöдö, кутшöм дона сы йылысь казь-
тылöмыс, кутшöм донаöсь йöзыс,
кодьяскöд коли тэнад том кадыд,
кутшöм муса Эжва ю, весиг сэтчöс
енэжыс, кöть и мунi ме гортысь ар-
ся зэра рытö...

Ж. Моррöсöс другьясыс гуалисны
мича, гажа пожöма ягö, Кулöмдинö
нуöдысь туй дорсянь неылö. Быдöн,
кодi мунас татi, вермас кежавлыны
сы гу дорö, копыртчывны сылы,
казьтыштны поэтлöн жö кывбуръ-
ясöн:

Кор менам сьблөмöй тiпкыны дугдас,
Кодыр ме лөвъяысь лөвтöмö пöра,
Сэк кежлö тiянлы, сё муса другьяс,
Дась югыд вежөрöн тайö ме сöра...

...Ме абу поэт. Нинöмöн эг вермы
ме прославитны ассьым чужан му-
öс. Но öтитор зэв бура тöда: ме нэм
чöж вöли вернöйöн сылы. Думайтa,
тайö и сетö меным право öнi, пöры-
сьö-нэмö, гижны ассьым казьты-
лөмъясöс и сьблөмсянь корны другъ-
ялысь: кор кула, дзевбöй менö чу-
жанinö, кытчöкö Эжвалöн джуджыд
бужöд вылö.

...Быд вежон öтчыд Эжва катыд
катлis ичöтик пароход. Водз тулы-
сын, кор ваыс ойдöдлis став увтас-
иньяссö, пароходыс сувтлis Пöд-
дельнöй вичко улö, нырсö веськыда
бужöдас зургöмöн. Гожöмнас Эжва
танi дзикöдз косьмылis, и пароход
катis веськыда Полой кузя Навö-
лököдз.

Быд вежон, рытгорув, ме мыйла-
кö век виччыси пароходлысь гора
тутöстöмсö. И кор сийö сёрмылis, ме
инö эг öшйыв. Но со бара букöстis
гора гөлöс... и менö быттьö пондiс-
ны гезйöн кыскыны туйö. Кор паро-
ход бөр кутis лэччыны увлань, арся
зэра войö ме сöли сы вылö да мö-
дöдчи карö.



Адольф ТУРКИН

КУИМ ИЧӨТИК ВИСЬТ

ЛЭБӨНЫ ДЗОДЗӨГЪЯС

Ар. Гөгөр шы ни төв. Юыс абу на кымма. Сөмын көнъяскө гежөдіника кывтөны сөнік чукөръяс. Лөсьыд и гажтөм татшөм пөраыд.

Пыжлөн нырыс дыша вундө сук васө. Дугдывтөг дзуртөны пельсыяс. Дзуртөны, быттьө дзодзөгъяс горзөны. Гожөмын, гашкө, ме эг и казьялы тайөс, но өні... Ыджыд съөд кымөр оз и вөрзышт, помся буситөзэрө. Пемдө вочасөн. А ме ньөти утка на эг адзыв. Вуджөмабсь өмөй нин?

Дзуртөны пельсыяс... Абу, тайө абу өпасничаяс... Гашкө, дзодзөгъяс? Тыдалө, вылі лэбөны. Одва-одва кылө. Ок, кутшөм нораа найө горзөны арнад!

Дугдө сынны. Кывза здук, мөдөс, коймөдөс... Горзөмыс оз матысмы, ни оз ылысмы. Дзодзөгъяс быттьө дзусьөмабсь кымөрас ме юр весьтын. А, гашкө, абу дзодзөгъяс? Кутшөм шы нө эськө кылө?

Ва весьтти, бордъяснысө шевкнитөмөн, шлывгисны кык каля. Найө тшөтш вөлі көтасьөмабсь да ме моз жө немтор на абу кыйөмабсь.

Ва вылас гөвкьялісны векныдик бадь коръяс. Вылісяныс найө кыптөм черияс кодьөс. Со өти каля друг пыркмуні да усьыс кодзув өдөн тювкмуні ва бердөдзыс, вына бордъяснас шлуп-шлопкерис сәні.

— Кал-ля-а,— ёся горөдіс мөдыс да сы бөрся жө увлань исковтис. Ме видзөді на вылө и жальөй петис, кор

найө пескылясысы чери пыдди кватитисны небыдик бадь коръяс.

Зэрыс эз дугды. Тыдалө, талун немтор оз шед. Пыр сьөкыджык и сьөкыджык лои сынны. Енэжыс сьөдөдіс, ваыс тшөтш. И вөрыс төдтөм, пыдөстөм да шуштөм.

Гортөдз ылын, но ме ог тэрмась: друг кодкө төдса паныдасяс лөктігөн, кутас серавны, мый тыртөг локта. Петі берегө.

Мунны сьөкыд. Ньөдздөм муыс вешйө кок улыс. А пельын век на кылө пельсыяслөн дзуртөмыс. Со ясыда нин. Да тайө жө дзодзөгъяс. Со кымынөнөсь! Веськыда мелань лэбөны. И сэтшөм улиті.

Сьөлөмөй кутис чеччавны, быттьө морөсын мыйкө садьмис. А дзодзөгъяс пыр матысмисны и матысмисны.

Но кутшөм нораа найө горзөны! Сьөлөмад быдөн кутчысьө. Дзык пыр дум вылө уси: бать коркө тулысын вайис дзодзөгөс. Куштігас ми адзим бордьяс увсьыс вир гадьяс: сэтшөма нин мөрччөма кузь туйыд.

Дзодзөгъяс ме весьтынөсь нин. Сөмын лый. А киясөй тіралөны. Ог вермы: өд налы уна-уна лун на колө лэбны, а бордьяс уланыс, көнкө, вир гадьяс нин...

Мед лэбөны!

БУШКОВ

Шожыма юөдз туйыс чукля да кузь, кыссьө пожөма яг бөкті. Сэсыс воас увтасін, паськыд видз, сөмын

сы бõрын нин тыдовтчас крут бужд дорті визувтысь ю. Пожõма яг пõлõныс нюждõчõма телефонной ли- ния, сулалõны сись кодъ шылыд столбъяс, а на вылын еджыд чаш- каяс-изоляторъяс.

Кык ёрт, Юрик да Веча, лун шõр бõрын мõдõдчисны вуграсыны, но ю дорõдзыс эз на воны, кõtь и шондї- ыс тõдчымõн катовтчис рытыввы- лань.

— Дзав-в-в,— шыалõны проводъ- яс. Тайõ кык ёрт шыблалõны изъ- ясõн столбвыса чашкаясõ. Со Веча лыйис кирпич торйõн, но сійõ лëбис столб динтї кытчõкõ вõрас.

— Эк тэ, чукля ки,— нерис ёртсõ Юрик.— Видзõд, кызди колõ...

Зонка босьтїс ыджыдкодь из да шыбитїс став вынсыс. Посни чаш- ка торпыригъяс сямунїны-киссисны муõ. Сэссия инмис чашкаõ и Веча.

— Веч, абу õд син пõлаõсь,— мõд столб динõ матыстчигõн шуис Юрик. И бара зэр моз гылалїсны фарфорõвой торпыригъяс видз вылõ.

Виччысьтõг асыввысянь мыччы- сис сук съõд кымõр. Грымõбтїс гым, бусõссьõм туй вылын кутїсны чеч- чавны гырысь зэр войтъяс.

Кор помасис бушколыс — челядь эз тõдны. Асылõдзыс найõ куйлїсны чõкскыд дука турун зорõдын. Час вит-õ-квайтын зонкаяс век жõ лëч- чисны ю дорõ. Чери сейис бура. Удит сõмын самавлыны вугыръястõ. Пõрт чери кыйõм бõрын найõ мõ- дõдчисны гортаныс.

— Кодї бара зэригас велосипед- нас мунõма,— индїс векныдик кõ- леса туй вылõ Юрик.

Сэк жõ найõ шор дорысь аддзис- ны брезент плаща дядьõс. Сійõ видзõдїс гудыр ваас да мõвпалїс, кызди эськõ вуджны. Орчõн куйлїс велосипедыс. Рамаас вõлї кõрталõ- ма мешõк.

— Эй, том йõз, отсыштõй «вõлõс» вуджõдны!— шыасис дядьõ.

Юрик да Веча õдйõ пõрчисны кõмкотъяссõ да гач кокъяссõ пуджõ- мõн келїсны. Велосипедлõн кõлеса- ясыс джынвийõ саявлїсны ваас...

Водзõ мõдõдчисны õтлаын. Чери тыра пõртсõ тшõtш õшõдїсны рама- ас, мешõкыскõд орчõн. Дядьõ нуõ-

дїс велосипедсõ рульõдыс, а Юрик да Веча йõtкисны бõрсяныс.

— Дядь, а мыйла татшõм туйõ- дыс мõдõдчинныд?— юалїс Веча.— Виччысьлїнныд мед эськõ кось- мõмсõ.

— Оз позь. Бушков дырйиыс свя- зыс торксис. Колõ õдийджык лõ- сьõдны.

— Тї, сїдзкõ, монтёр?— õттшõtш видзõдлїсны дядьõ вылõ зонкаяс. Найõ кõсийсны нõшта юавны, мый сылõн мешõкас татшõм сьõкыдыс, но кызкõ эз лысьтны.

Кор воисны яг бокõ, монтёр сув- товкерис:

— Колõ видзõдлыны татї.

Сэссия кыкис мешõксыыс кык кõрт крук, кодъясõс шуõны «кошка- ясõн», ичõtик сумка да ур моз тэ- рыба кайис столб йылõ. Кыкис сумкасыыс телефонной трубка, йитїс проводыскõд да заводитїс сёрнитны. Связыыс вõлї бур. Монтёр эз горзы, а надзõникõн висътавлїс, мый жуга- лõминыс эз на сюр, кõtь и мунїс нин вит километр, мый туйыс зэв лëк, но õнї сылы кокныдджык, от- салõны кык том морт.

— Чолõм тїянлы ыстõны конто- расянь,— столб йылысь лëччигас шуис монтёр.

Небесаыс мõдїс ньõжйõникõн вос- сыны. Кымõр торъяс кытчõкõ пыр вошалїсны и вошалїсны. Мыччысис шондї, и ньõдздõм му заводитїс косьмыны, быдладорсянь кайис ки- зьõриник ру.

Челядь осьлалїсны монтёркõд орчõн, гораа варовитїсны и эз кыв- ны некутшõм мудзõм.

— Гашкõ, чардбиõн чашнитїс столбсõ,— кылїс вõсныдик гõлõсыс Юриклõн.

— Вермис и пу пõрны проводъяс вылас,— содтїс Веча.

— Дерт, бушколыс ёнкодъ вõлї. Вермис чардбиõн кучкыны, вермис и пу пõрны,— õти кыласис кыкнан- ныскõд дядьõ.

Тадзи сёрнитїгтырйи найõ эз и ка- зявны, кызди воисны зонкаяслõн тõрытъя дуранїнõ.

— Да, танї абу бушков мыжа. Челядь пакõститчõмаõсь,— столб йылõ синъяссõ сувтõдїс дядьõ.

Юрик да Веча тшõtш видзõдлїс-

ны сэтчө, яндзимысла лэдзисны юръяснысö увлань. Столб йылас эз вöв ни öти изолятор.

— Но, мужикъяс, зэв ыджыд атгö йöткөмсьыныд. Онi ме öтнамнин вöча. Танi колö сöмын изоляторъяс пуктыны. Зэригас столбыс кöтасис, а уль пуыд зэв бура лэдзö токтö. Вот и лоöма замыкание.

Монтёр ыджыдъяслысь моз кутлис зонкаяслысь киясö. Но найö сулалисны важ моз шöйöвошöмөн.

— Мунöй, мунöй. Мамъясныд, көнкö, свежöй чери виччысьöны.

Юрик да Веча чöла бергöдчисны, мөдöдчисны. Но сьөлөм выланыс лон зэв сьöкыд.

П Ö Л Ь

Дзор пöль пукалис кильчö помын да сюяс видзöдiс ворсысь челядь вылö. Мый йылысь кö сийö ёна мөв-

палiс, кадысь кадö лайкнитлывлiс еджыд юрнас.

Вöлi шондiа лун. Енэжас эз тыдав ни öтик кымөр чир. Олöмыс гөгөр пуис кодзувкот чукөр моз. Пöрысь морт дзоргис ворсысь зонпосни вылö да мөвпалiс...

Туй вылын сьöкыда ружтiс-уджалiс бульдозёр. Туй вöчысьяс кодйисны канава, разöдiсны лэптöм мусö.

Туй бокас быдмис ыджыд пашкыр кыз пу. Сийö сулалiс дзик кодйöм канава бокас. Мастер матыстчис сы дiнö да кузь тросөн гаровтiс-корталiс пусö.

— Мый вöчанныд?!— кильчö вылысь сьöкыда чеччис пöль.— Тайö кызсö ме садитлi, кор менам пиöй чужис... Сийö эз лок война вылысь.

Олöма мастер дыр видзöдiс пöрысь морт вылö, пыдiсянь лольштiс да мынтöдiс троссö кыздысь:

— Тайö пуыс оз мешайтчы.

МИША ЛӨН ШКАТУЛКА

ВИСЬТ

Миша эськө и велөдчө бура, но сылөн эм өти тырмытөмтор: оз вермы лөсьыда пукавны урок вылын, пыр мыйонкө гусьоникон ноксьө.

Мыйсө сийө оз новлөдлы зептас, мыйсө оз мастеритлы!

Төрыт биология урок вылө вайөма ичөтик чипсан. «Сьөла кыйны вөчи»,— ошыйсис другьясыслы. А урок вылын бара ылаліс: видлалө чипсансө гөгөрбок, весиг вом дорас матыстлас.

Нина Алексеевна гоз-мөдысь өлөдіс Мишаөс. Сийө өвсьылө жө эськө, но регыдөн бөр вунөдө.

Учительница дөзмис да матыстчис Миша динө.

— Мый тэ пыр вөчан?— стрөга юаліс сийө.— Ноко, мый сэнi киад? Вай өні жө!

Детинка гөрдөдіс да полігтырйи мыччис ассьыс ворсанторсө.

— Мед сэсся татшөмыс урок вылын некор эз вөв,— өлөдіс Нина Алексеевна, шөри чегис чипсансө да шыбитіс пачө.

Миша урок помөдз пукаліс юрсө өшөдөмөн, доршасис синваыс. Зэв жаль вөлі сылы чипсаныс.

А талун со бара на выльтор вайөма — шкатулка. Вөчөма фанераыс: лобзикон вундалөма мича серьяс, краситөма, а вевтас краскаөн рисуйтөма ассьыныс школасө, весиг өшинювса садсө. Любө и видзөдлыны.

Арифметика урок вылын Мишалы бара окота лой любуйтчыштны ас вөчөмторнас. Решитіс задача да пример. Медводз помаліс. Пукавсяс өмөй весь, кор кийд сідз и лудө видлыны шкатулкасө. Телепит дай ставыс.

Николай Иванович важөн нин казьявліс детинкалысь гусяторсө. А

кор Миша ылаліс да бара дзикөдз вунөдчис, учитель шуис:

— Миша Попов, вай татчө ассьыд изобретениетө.

Мишалөн ёвкмуні сьөлөмыс: «Бара сюри, бара мырдясны»,— юковтіс шуштөм мөвп, весиг горш дорыс гөрддзасис.

Сийө надзөникон чеччис парта сыйыс да нуис шкатулкасө учитель пызан вылө. Ачыс сувтіс, кызди сулавлө мыжа морт, да видзөдіс бокө. Сэтшөм вөлі сылы жаль шкатулкаыс. Од вежөн чөж мырсис. «Бара пачө шыбитасны...»— Миша дась вөлі бөрддзыны.

Челядь лов шысө кутөмөн виччысисны, мый лоө водзө. Но нинөм сэтшөмыс эз ло.

— Пуксьы, Миша,— важ моз мелиа шуис учитель да, быттө нинөм эз и вөвлы, водзө нуөдіс урок, сөмын шкатулкасө веськодпырысь вештыштіс портфель саяс.

И сөмын урок помасьөм бөрын Николай Иванович кутіс видлавын Мишалысь уджсө.

— Ачуд вөчин?— юаліс төдчана шензигтырйи.

— Ачым,— муртса кывмөн вочавидзис Миша да юрсө копыртіс ещө улөджык. Сийө эз лысьт весиг видзөдлыны шкатулка вылас. Сэтшөм вөлі жаль.

— Молодеч! Тэ тай зэв киподтуя вөлөмыд,— ошкыштіс Николай Иванович да петкөдліс шкатулкасө челядьлы. А сэсся недыр чөв олыштөм бөрын судтіс:

— На босьт. Ну бөр гортад. Сөмын вай тадз вөчам: водзө он кут вайны татшөмторьяссө урок вылө. Көсийсян?

— Көсийся,— долыда нюмъялігтыр шуис Миша.

ЭЗ ВУНОДНЫ

ВИСЬТ

Праздниклы паныда луно быдөн вёліны долыдось, гажайсь, сёмын Володя сулаліс бокин, эз тёд, кытчо воштысьны. Сійо кадысь кадö видзёдлывліс ывла вылө, коді вёлі руд, кажитчис зумышөн. Сылы некодкөд вёлі сёрнитны праздник йывсьыс — классын Володя некодкөд эз другась.

Мыйла нө тадзи лоис?

Ышнясьомысь да кывзысьтөмысь сійос унаысь өлөдлісны. А Володялы быттьö веськодь: бара на урок вылысь пышгъяс, либө учительницаөс дөзмөдас, посныдджыкъясөс дзерөдас и. Мыйла, думайтанныд, Володяөс вуджөдісны мөд классө? Дерт жө, эз бурыйсь. Коді куритчө? Володя. А кодлөн медся уна двойкаыс? Бара жө Володялөн...

Со и өні сійо аслас ёртъясысь бокин, зільö кутны асьсө сідз, быттьö сылы ставысь веськодь. «Куритчыштын эськө», — мөвпыштіс Володя. Но школа сарай бокин дежуритісны «комсомольскөй прожекторысь» гырысь класса велөдчысьяс. Кытчө воштысьны? Быть шөйт коридорті. Школа гажөдны сылы дыш жө и. Юрас жуисны шуштөм мөвпгъяс: «Чөрту ставсö: и велөдчөмсö, и

праздниксö. Буди утыштны гортө?»

Гажтөм думъяссö торкис звөнок, Володя эз нин көйы пырны классө, но паныдасис учительницакөд.


— Öдйөджык, öдйөджык, Володя! Сёрман, — пельпомөдыс кутыштөмөн колльөдіс сійо зонкаөс классөдзөс дорөдз, быттьö төдіс Володялысь думъяссö.

Пуксигмозыс Володя восьтыштіс парта вевтсö и чуймис: сэні вёлі газет пиö гартыштөм кутшөмкө тубрас.

«Мый нө тайө? Коді пунктма?» — юковтіс мөвп. Көсйис вештыштын бокө, но сэки казяліс тубрас вывсьыс гырысь букваыса гижөд: «Володя Микушевлы — став классянь».

Сылөн крукасыліс лов шыыс. Гусьөнникөн разис. Сэні вёлі гөрд коркаа книга да чолөмалана кывъяса мича открытка. А книга первой лист бокас пөлөс ногөн гижөма: «Мед тайө книгаыс, дона Володя, ваяс тэныд уна шуда здук». Помас некымын кырымпас.

Володялөн төдлытөг гөрддзасис горшыс, вазыштісны син доръясыс. Сійө тэрыба кыпөдіс юрсө да шоналөм синъясөн видзөдліс урок кежлө пуксялөм ёртъясыс вылө.



КРИТИКА ДА



БИБЛИОГРАФИЯ



Б У Р К О З И И

Коми поэзиялөн антология йылысь пасйодъяс

Октябрьской революция бõрын коми литература ассыс медводдза воськовъяссõ буретш заводитис вõчавны поэзиясянь. Сõветской властылõн первой дас во чõжõн гораа юргисны гõлõсьясыс Нёбдинса Витторлõн, Илля Васылõн, Тима Веньлõн да мукõдъяслõн. Кõть и налысь поэзиясõ õти кадõ вõли дыркодь кещлõ сайõдлõма коми литературасы, но коми войтыр эз вунõд налысь сыланкывъяссõ, уна кывбуръяс налõн лоины йõзкостса сыланкывъясõн. Миян шуд вылõ Коммунистической партия эрдõдс шустõм произволõс да бõр сетис народлысь радейтана поэтыяслысь гижõдъяссõ.

Видлыны кõ юклены коми поэзиялысь сõвмõмсõ торъя кадколастъяс вылõ, ми эськõ вермим тõдчõдны куим кадколаст.

Медводдза кадколаст — коми поэзия чужõмсянь комынõд воясõд. Тайõ кадкыс историйянь босьтõ торъя тõдчанлун, тшõтш и коми литература сõвмõмын. Сылõн подув пуктысьясõн лоины В. Савин (Нёбдинса Виттор), М. Лебедев, В. Лыткин (Илля Вась), В. Чисталёв (Тима Вень), И. Чисталёв (Жан Морõс) да мукõдъяс. Медтõдчана темаыс на творчествоын — революция да гражданской война темаяс, выль олõм петасьяс тема. Мõд кадколаст — комынõд воясянь Великой Отечественной война заводитчõtдз. Историян тайõ кадколастыс — социализм стрõитан кадколаст. Олõмыс сувтõдс сõветской йõз водзõ выль исторической мог, кодõс олõмõ пõртõмсõ колõ зõли петкõдлыны литератураын, искусствоян. Комынõд воясõ литератураõ локтõны выль талантливõй поэтыс — В. Елькин, А. Размыслов, В. Латкин, И. Вавилин, Н. Фролов, С. Попов. Медтõдчана темаõн налõн лонс социалистической строительство, Рõдинабõс да партиясõ радейтõм, сõветской мортлõн удж да олõм темаяс.

1941 воын заводитчис Великой Отечественной война. Уна писательяс да поэтыс мунисны фронт вылõ дорйыны Рõдинабõс, унаõн на пысь сетисны ассыныс олõмнысõ. Дугдõс петны литературно-художествен-

нõй да общественно-политической журнал «Ударник». Фашистыясõс пасьвартõм бõрын фронт вылысь бõр воисны И. Вавилин, С. Попов, Ф. Щербаков да мукõдъяс. Великой Отечественной война тема на творчествоын тырвуйõ петкõдчис войнabõрса воясõ. Такõд тшõтш колõ пасйыны, мый ветымынõд воясõ локтисны поэзияõ том талантливõй поэтыс — Г. Юшков, А. Ванеев, В. Власов, Б. Палкин, В. Попов да мукõдъяс. Ветымынõд воясянь, позис эськõ шуны, заводитчõ коймõд кадколаст, кодõ петкõдлõ коми поэзиялысь водзõ сõвмõмсõ, збылысь дзордзалõмсõ. Олõмыс кыпõдс выль темаяс, кодъясõс колис восьтыны выль постической краскаясõн.

Кольõм во сõветской йõз паськыда пасйисны асланыс государственлы 50 арõс тырõм. Сõветской государствокõд тшõтш чужис да воясь-во вочасõн сõвмис и коми литература да сылõн тõдчана юкõн — коми поэзия.

Уна кывъя сõветской поэзия радын коми поэзия õни босьтõ тõдчана места, коми поэтыяслысь кывбуръяссõ важõн нин вуджõдалõны роч да миян странаса мукõд национальностьяслõн кывъя вылõ.

Татшõм мõвпъяс чужисны, кор ми видлалим «Коми поэзия. Антология» книга, кодõс кольõм во помын лездис Коми книжной издательство. Антологиясõ лõсõбдõс Г. Торлопов. Редколлегияыс: А. Ванеев, И. Изьюров, В. Попов, С. Попов, Г. Юшков. Художникыс С. Холопов.

Антологиясõ лõсõбдысьыс да редактируйтис колелгияыс вõчисны зев ыджыд да колана удж. Вылысь ставнас видлалõма коми поэтыяслысь творчествосõ да бõрйõма налысь медтõдчана гижõдъяссõ. Антологияõ пыртõма 32 поэтысь кывбуръяссõ да мыйсьурõ тшõтш коми народнõй поэзияыс. Тайõ гижõд чукõрыс сетõ лыдысьсысылы поэянлун тõдмасыны не сõмын коми поэтыяслõн торъя кывбуръясõн, но кутшõмакõ туявны став коми поэзиялысь быдмõм-сõвмõмсõ. И. Куратовсянь заводис-

төмөн да бһия том поэтысөн помалөмөн.

Тайо книгаыс коми поэзиялн медводдза тырвуйоджык антология, коть татшён сям кывбур чукорё Коми книжной издательство лэдзліс нин эз отчюд. Усыкодам когы төд выло «Горд полян» нима книга, кодэ петаліс 1921 воын на. Сэтчө вөлі чукортөма медводдза коми поэтыаслысь кывбурьясё да сыланкывьясё. Та бөрын петавлісны «Вой төв шувгөм» да «Шондй югор» кывбур чукорьяс. 1926 воын мян издательство лэдзис «Коми гижысыяс» нима сборник, чо сэтчө тшөтш вөлі пыртөма мукөд сям гижодьяс. Став тайо сборникьясыс ёнджыкасё вөлі мунөны велөдчан хрестоматияс выло. Медбөрын, 1958 воын, вөлі лэдзөма «Горд полян» нима ещө оти сборник, кытчө вөлі пыртөма 26 поэтысь сөмын оти кывбурөн.

Сідзкө, став тайо сборникьясыс эз вөвны колана антологиясөн.

«Коми поэзия. Антология» вөссө коми йозкостса поэзиян. Медым төдмөдны лыддысысьсёс коми народной поэзиялөн озырлунөн да мичлунөн, книгао пыртөма уна пөлөс жанрьяса сыланкывьяс. Ичотычянь быдөнлы төдса «Шондйбаной, олөмой» кындзи книгао пыртөма и лирической («Алөй ленточка», «Чужмөр нылой», «Асыя кыа» да с. в.) и бытөвой («Рытъя шу кадө, матушка»), и шуточной («Доли-шели») сыланкывьяс. Коми йозкостса сыланкывьяс пыр уджалысь йөз уна нэмьяс чөж петкөдлісны ассыныс шогео и радлунсө. Налөн шыалөм йылысь, музыкальность йылысь, ясыдлун йылысь ке отчыдысь гижлісны и роч учёнйяс да писательяс. Колө шуны, мый книгао пыртөма буретш сійо мича сыланкывьясё, кодьяс важысянь нин олөны йөз пөвстын.

Быд народлөн устно-поэтической творчествос вөлі буретш сійо сюрёснас, код подув вылын сөвмө да быдмө гижана литература. Эз өд прөста оти төдса роч поэты шулы, мый кодэ пө оз төд народной поэзия, сійо пө оз вермы лоны поэтөн. Сёрнитны кө та боксянь коми поэзия йылысь, сійо буретш вынсөдө тайо мөвпсө.

Коми народной поэзиялысь мичлунсө медводз петкөдліс асла творчествоын И. А. Куратов, коми литературалы подув пуктысь, медводдза коми поэт. Куратовлөн олөмыс вөлі зев дженьыд — оліс сөмын 36 во, но сійо коліс ыджыд литературной наследствө. Антологияо пыртөма поэтысь 18 кывбур, кодьяс петкөдлөны сы творчестволысь шөр визьтассө, олөм вылас видзөдлөмсө. Куратов сьлөмсяныс радейтліс коми кыв, кодэ сылы «дона, небыд, мича, гора». Асла кывбурьясын сійо сыліс увтыртөм йөз йылысь да чукаліс мустөмтыны нартытысьясөс. Сэк жө — поэт надейтчис, мый

«Петас, вокьяс, шондй-й тан!
Ме нин аддза — рөммө ылын...»

Поэт кувсис чужан мусяныс ылын, сідзи эз и аддзев ассыс кывбурьясё печатайтөмаөн. Революция бөрөдз сылысь ярыгыд поэзиясө коми народ пöшти эз төдлы.

И. Куратов гижліс, мый быдмасны выль войтыр, кодьяс:

«Тэнö, коми сылан,
Ылын нимөдасны!»

Збылымис сьлөн көсйөмыс. Гражданской война воясясь ськөды кадө чужис коми советской поэзия. Коми советской литературалы подув пуктысысь лосны Нёбдіна Виттор, Илля Вась, М. Лебедев, Тима Вень, Жан Морёс, Е. Колегов да мукөдыс. Нала антологияын сөтөма унакодэ места, но мян думысь, абу на тырмымөн.

Гөгорвоана, налөн быдөнлөн гижодьясыс торъялөны ота-мөдсыс, весиг творчествоныс абу откөды, но найо быдөн асланыс кывбурьясөн пөся чолөмалісны революция, уджалысь йөзөс нартытөмысь мездөм, найо ставныс сьлөмсяныс чукалісны стрөитны выль олөм.

Коми йөзлы быдөнлы төдса В. А. Савинлөн нимыс. Асла кижодьясын сійо паськыда петкөдліс Коми крайын мунысь революционной событиясё, йөз олөмын вежсьомьясё. Кызбөд воысын Савин ёнджыкасё выступайтліс публицической кывбурьясөн, но антологияын поэтөс ёнджыка петкөдлөма кызд поэт-лирикөс («Югыд кодзув», «Аддзысян тай», «Отчөды овлө», «Тюок» да с. в.), а сідз жө пыртөма бытөвой темаяс выло кывбурьяс («Тутуруту Семө», «Чужи-быдми сьөд вөр шөрын» да с. в.). Такөд тшөтш В. Савин вөлі тшөтш поэт-сатирикөн, но мыйлакө книгаас абу веськалөма ни оти сатирической кывбур.

Мөдарө, Тима Веньөс ми төдам кызди поэт-лирикөс, а антологияын сылысь творчествосө ёнджыка петкөдлөма публицической кывбурьясөн («Дорчысыя», «Кыланньыд», «Ленин гу дорын»). Мян думысь, колө вөлі сетны сылысь лирикасө паськыджыка.

Поэты вөлі, дерт, паськыджыка петкөдлыны и Илля Васьлысь творчествосө. Сьлөн гижодьясыс паськыда нималісны кызбөд воясын. Илля Вась пөся радейтө чужан мусө. Асла кижодьясын сійо петкөдлө выль олөмө зильөмсө. Революция тема сы творчествоын бөсьтө төдчана места. Антологияо пыртөма тайо тема вылас сөмын «Мунөны» поэмаясь юкөн да «Октябрь лунө» кывбур. Мянлы кажитчө, мый сборникө эз вөв коланлун сойны сылысь «Ачым бөрья аслым ныв» кывбур, кодэ ньоти абу характерной Илля Вась творчестволы.

Разной воясө гижөм кывбурьясөн петкөдлөма М. Н. Лебедевлысь творчество.

Вылынджык индөм поэтыас кындзи антология төдмөдө лыддысысьсёс кызбөд вояся мукөд поэтыасөн, кызди Жан Морёс, Вась Педөр, Егор Колегов, Сим Вань да мукөд.

Выль ыджыд воськов коми поэзия вөчис комынөд воясө. Социалистической строительствө да став советской олөмыс сетісны поэтыаслы выль озыр материал. Да и аслыныс поэтысыс активнөя участвуйтисны олөмас. Идейность да художественность боксянь төдчана гижодьяс сетісны комынөд

воясё А. Размыслов, Н. Фролов, В. Латкин, В. Елкин. Тайё жё воясас гижны заводитисы И. Вавилин, С. Попов, Ф. Щербаков.

Выльнджык индём поэтысьсы творчествосё антологиянын петкөдлөма налы лёсялана характерной гижодъясён. А. Размыслов — поэт-лирик. Антологияё пыртём кывбурьяс («Первомай», «Воклы» да лирической поэма «Медводдза любовь» да с. в.) петкөдлөны сийёс кызди поэтёс, кодэ сёлмсыяныс радейтё Рёдинаёс, олёмсё.

В. Елкинылыс творчествосё петкөдлөма сёветской мортлөн шуд йыллыс лирической кывбурьясён («Плетень дорын», «Аддзысьём», «Шуда му» да с. в.).

В. Латкинёс лыддысьсысыя ёнджыка төдөны кызди колхозной строй да колхозникьяс йыллыс сылыс поэтёс. Антологияё пыртёма сылыс гражданственной лирика да публицистика сяма кывбурьяс.

Комынод воясын коми лыддысьсысыя бугра төдсыны поэт Н. Фроловёс. Асысы творческой туйсё сийё заводитис интимной да пейзажной лирикасыя, но комынод вояс шёрын сийё гижё нин паськыд социальной темаяс вылө. «Кытыс радейтём» да «Эжва вылын» лирической кывбурьяс кындзи кыгаын вайёдёма сылыс «Шыпича» драмасы кык сыланкыв да паськыда төдса «Домна» поэмаыс юкөн.

Антологияё тиётш пыртёма и мукөд поэтысьсёс, кодьяс гижлысны жё комынод воясё. На лыдын П. Шеболкин (Виль Паш), И. Симаков (Сим Вань), А. Габов (Гриш Саш), А. Тимусев (Пармазон), И. Подоров (Гаврил Иван).

1941 воын заводитис война. Сийё эз вермы не төдчыны коми поэзиялөн водзё быдмём-сөвмём вылө. Кыдзи ми шулим нин водзвы, уна поэтыас мунисны фронт вылө дорйыны Рёдина. Война вылын усины талантливой поэтыас А. Размыслов, В. Елкин, В. Латкин да мукөдьяс. Но олёмыс эз сувт. Нель сёкыд во мысти врагёс вөли вермёма. Войнабёрса воясё активнөя уджалө поэзияын М. Лебедев. Фронт вылыс локтисны поэтыас С. Попов, И. Вавилин, Ф. Щербаков. Наыс кындзи ветмынод воясё коми литератураё локтис поэтыаслөн выль талантливой отряд. Тайё кадсяныс, поэты шуны, коми поэзия сөвмёмын заводитчө коймөд этап.

Г. Юшков, А. Ванеев, В. Власов, В. Попов — налы быдёнлөн асланыс поэтической гөлөс, налы лёсялана торья интонация. Налён ставнысён творчествоис йиджсёма талуныя да аския лунён, сёветской мортлөн созидательной уджон да чувствоясён.

Кузь творческой туй прөйдитис поэт Серафим Попов. Сийё гижны заводитис комынод воясё на, но збыль сямлуныс сылбн паськыда востис войнабёрса воясё. С. Поповлөн творчествоис — поэзияын гражданственностьлы пример. Кыдзи поэт-фронтвик сийё первойн пыдисяны востис сёветской воинныс чорыд характерсё, сёветской мортлыс выль чертаясё. Война темакөд тиётш поэт творчествоын паськыда тыдалё и мирной олём тема, коммунизм стрөйтөм тема, сёветской мортлөн талуныя да аския

луныс. С. Поповлөн лирикаыс пыдисяны эмоциональной, кыпөдө лыддысьсысыс гырыс чувствояс. Серафим Поповлыс творчествосё антологиянын петкөдлөма «Сталинградской балладаён» — сёветской йёзлөн мужестволы гимнөй да бөрья воясё гижём кымынкө лирической кывбурён.

Комынод воясяны жё поэзия туйөд мунё и Иван Вавилин, но сылөн гөлөсыс вынсыялы война бёрын жё. Поэт сідз жё вөли фронт вылын. Война кадө на сийё лэдзис кык поэтической сборник, кодьясын петкөдлө сёветской воинныс фашистьясы паныд героической тышсё. Войнабёрса кывбурьясын поэтлөн лирической герой — коммунизм активнөя стрөитыс, рёдинаёс пёся радейтыс сёветской морт. Кыгаё пыртёма сылыс «Ас рөдной крайяны», «Партиякөд», «Ещё Тарас йылыс», «Сиктё воисны нель зон», «Кияс йылыс» кывбурьяс да некымын эпиграмма.

И. Вавилин перё улыс петис уна сатирической кывбур, но кыгаё пыртөм эпиграммасыс оз на колана выйё петкөдлыны Вавилинёс кызди поэт-сатирикёс.

Асла гижан сям сертыс коми поэзияын торья места (позы кө тадзи шуны) босьтө Геннадий Юшков. Синмё шыбитчана художественной образьяс пыр, «Гора юрлана, важсыс на том» коми кыйён сяммө сийё дженьдык кывбур-зарисовкаясын пёся да ясыда петкөдлыны мяян Войвывлыс мичлунсё, сэнэ олыс уджач йөзлыс величиесё, налыс востса сёлөмсё. Г. Юшковлыс антологияё пыртёма «Менам чом», «Изьваса зон», «Ичөтдырсясыс», «Коми кыв», «Чужан му» да мукөд кывбурьяс.

Альберт Ванеевлөн аслас поэтической гөлөс жё. Сылөн публицистической сяма кывбурьясын гораа юргёны гражданской мөтивьяс. Сылыс кывбурьясыс лыддём бёрын син водзё сувтө көдзыд парма, көні уджалёгон «кынд турдө, а мышкыд пёсь». Лирической героисы сылөн труженик, салдат, талун нимтём на герой, кодэ вермас «Мияныс вылөджык кайны, мед мичмөдыны Рёдина-мам». «Менам чужан му», «Ичөт зоньяс», «Кыдзяс» кывбурьяс кындзи антологияё пыртёма А. Ванеевлыс некымын лирической кывбур: «Нимтём ёль», «Арся вёрын», «Жонь» да мукөдсё.

Фёдор Щербаков — поэт-песенник. Бөрья воясё сылбн петис некымын поэтической сборник. Антологияё сылыс суйёма паськыда төдса «Менам Отчина», «Енэж кодэ лөз синьяса», «Кор ми аддзысьлам тэкөд» сыланкывьяс да некымын кывбур.

Дмитрий Конохов аслас кывбурьясын пёся гижё Рёдина йылыс, «көні луныс-лун быдмёны карьяс» да көні «дзикөдз томмис дзор Заполярё», гижё рёдиналөн да партиялөн верной пиян йылыс, кодьяс олёмнысё жалиттө тышкасыны фронтьяс вылын да война бёрын самоотверженнөя уджалөны войвылын.

Василий Власов, Владимир Попов, Борис Палкин, Николай Щукин, Юрий Васютов... Издательство лэдзис нин налыс ётыкык сборникөн. Тайё поэтысысыс бур-

джык кывбуръяссö сідз жö пыртöма антологияö.

Некымын кывбурöн петкöдлöма тані и Александр Мальцевöс да Владимир Тиминöс, кодъяс заводитісны гижны кымынкö во сайын на.

Антологияын эм водзкыв, көні авторыс Г. Торлопов төдмөдö лыддысьысьясöс көми поэзия сөвман туйöн. А книга помас сетöма авторъяс йылысь дженьыдик биографическöй справка да библиография.

Эскысьö, мый антология лоас коми лыддысьысьяслы бур козинöн. Сійöс та мөгсь и лэдзöма юбилейнöй воö.

Но такöд тшöтш колö эськö содтöд на индыны öткымын тырмытöмторъяс вылö. Шум, позьö вöлі паськыдджыка петкöдлыны Илля Васылысь творчествосö, но сэк жö позис и не сюйны антологияс кывбуръяссö комынд воясьяс öткымын поэтьяслысь, кодъяс нинöм төдчанасö эв гижлыны. Миян

думысь, колö на вöлі вичмөдыштны содтöд места Серафим Поповлөн бөръя воясьяс бурджык кывбуръяслы. Сэсьяс ньöти абу гөгөрвона, мыйла абуöсь челядылы лыддьöм вылö кывбуръяс. Од быдөн төдöны: ветымын во чöжөн миян лонс и коми детскöй литература. Уна поэтьяслөн кывбуръясыс öнi хрестоматийнöйöсь.

Водзö. Мыйла абу датируйтöма быд кывбур? Кывбур гижан датаыс антологияад ворсö зэв ыджыд роль.

И медбöрын, поэтьясöс петкöдлöм. Эз-ö вöв бурджык, сетöма кө вöлі поэтьяссö поэзиялөн сөвман кадколастъяс серти, а не алфавит серти.

Но, чайтам, татшöм шуасьöмъясыс оз кезöдны некодöс шöр мөвпсьыс, кодöс ми висьталім нин: дзоньнас тайö бур да зэв колана книга.

С. Зотов.

Медым восьлавны водзё

Альберт Ванеевлён «Шонді улын пожъмъяс» кывбур чукорыс тѳдмѳдѳ роч лыддысысыясѳс том коми поэтлѳн творчествѳн. Авторыс сѳні гижѳ миян йылысь, миян чувствояс да мѳвпъяс йылысь, выль олѳм кыпѳдѳмын миян пай йылысь, миян войвыв йылысь.

Гижнысѳ А. Ванеев заводитис нелямынѳд воясѳ на да дас вит арбса детинкаѳн йѳзѳдѳс ассыс медводдза кывбуръяссѳ «Войвыв кодзув» журналын. И сйѳ кадсяныс оз ланьтлы сылѳн гѳлѳсыс коми поэзиян.

Кѳдзыд лым — абу гѳна вольпась,
Вѳрын уджалысь — абу гѳсть.
Керъяс пѳрѳдны сѳдзи ковмас —
Кныд турдѳ, а мышкыд пѳсь.
Сѳмын сѳлѳмыд оз тай доймы,
Трачкысь кѳдзыдлы кыв ог шу —
Ме ѳд радейта ассым Войвыв,
Ассым чужан му, батьлысь му.

Кор Ванеев пырис велѳдчыны Коми пединститутѳ, сйѳ вѳлі нин лирической склада гижысѳн. Сйѳ аттѳбалѳс ассыс велѳдысьѳс, Косланса школаыс литература да кыв кузя учитель Владилен Крюковѳс, кодѳ веськѳдлѳс «Удораса пионеръяс» нима школьной литературнѳй кружокѳн. Татѳѳ и вайис том гижысь ассыс медводдза литературнѳй опытысѳс.

Институтын велѳдчитѳн А. Ванеев водзѳ сѳвмис кызд поэт, унджык да ныдѳджык лои сылѳн тѳдѳмлуныс.

Дона мен институт,
Кѳнѳ колисны медся бур вояс,
Дона Сыктыв ю нѳрысын
Лым еджыд кызъяс парк.
Сѳнѳ лыддысьлѳ луннас
Да нывъяскѳд дженьдѳдлѳ вояс.
Тѳ помнитан тайѳс,
Лѳнь юбокса кар — Сыктывкар?

Шуѳны, мый поэтлѳн олѳмыс — сылѳн кывбуръясн. Позьѳ тайѳс шуны и Ванеев кывбуръяс йылысь. Челядь дырыс сылѳн коли война воясѳ, кодъяс некор оз вушйвыны паметьсыс.

Унаѳн ми быдим мамтѳг-батьтѳг...
Эз аддзвыны найѳ, кызми ми
Морѳс вылын челядьдырся кадѳ
Новлѳдлѳм гѳрд галстукъяслысь би.
Код эз лок война дырнѳ рейхстагѳдз,
Миян йылысь унатор оз тѳд.
Сѳмын батыас эскисны, мый флагыс
Юр весьтаным нѳм чѳж лоас гѳрд.

Батыаслѳн гѳрд флаг улын вѳлѳи поэт и эски, кор сулалѳ салдатскѳй стройнѳн, и

ѳнѳ, кор сйѳ лои нин поэтѳн да литератуrowедѳн. «Шонді улын пожъмъяс» — тайѳ сборникыс висъталѳ поэтлѳн водзѳ сѳвмыс мастерство йылысь, гижан удж днѳ стрѳга матыстѳчѳм йылысь. Сборникас олѳны шондѳ да пожъмъяс, еджыд лымнѳн вевттысьсѳм му да югыд бордъяс вояс, лывса да катшасинъяс, миян том тшѳтшъяс да войвывса зиль уджалысьяс.

Сйѳ аттѳбалѳ жоньѳс, кодѳ кѳдзыдысь оз пышнѳ и турѳблысь милѳсть оз кор. Тайѳ ичѳтик кывбурсѳ роч кыв вылѳ лѳсьыда вуджѳдѳма Михаил Светлов.

Тѳв кѳть гожѳм, кѳть тулыс, кѳть ар,
Гумла доръясн бергалан-гартчан.
И кѳть кѳдзыд, кѳть шонид, кѳть жар —
Аскѳд орчѳн ме пыр тѳнѳ аддза.

Оз прѳста радейт поэт ассыс мусѳ. Кыдз пу и ниа, уркай и нимтѳм ѳль — ставыс тайѳ воѳ поэтлы сѳлѳм вылас.

Кывбуръяссѳ Альберт Ванеевлѳн не сѳмын конкиа лыддысьсѳнѳн, но и конкиа да мичаа сывъсѳнѳн. Та вѳсна унаѳн на пиысь лоисны сыланкывъясѳн. Нальсь сывъсян-ногсѳ бура видзисны рсч кыв вылѳ вуджѳдысьяс. Медъѳна кужисны найѳ вуджѳднѳ сѳтшѳм кывбуръяс, кызми «Музыка кывзѳгѳн», «Мамъяс йылысь сыланкыв», «Войвылын чѳлалѳ лым».

Ванеев кывбуръяссыс ми ог аддзѳй ковтѳм новаторство. Классической формаыс поэтлы кажитчѳджык. И выль вермѳмъяссыс шедѳны поэтлы сѳмын тайѳ туй вылас.

Частѳ сйѳ либѳ мѳд авторлысь нимсѳ ми йитам сылѳн медбур кывбурьскѳд. Тадзи лоис и А. Ванеевлѳн «Зонкая йылысь баладакѳд». Тайѳ кывбурсѳ йѳзѳдлѳс «Правда» газет, бѳрынас, роч вылысь нин, вуджѳдѳсны мукѳд кывъяс вылѳ. Роч вылас жѳ тайѳ балладасѳ вуджѳдѳс Москваса поэт Игорь Лашков. Сйѳ жѳ бура кужис вуджѳднѳ Ванеевлысь татшѳм кывбуръяс: «Сѳстѳм пожъмъяс», «Медводдза учительницалы», «Кодѳ челядѳн озыр», «Салдатъяс». Сѳдз жѳ бура вуджѳдѳсны: А. Клейн — кывбуръяс «Лун тѳв», «Локтѳ гортас салдат» да Ю. Поляков — «Менам чужан му».

Но эмѳсь книгаас и слабджык кывбуръяс. Шуам, нинѳм выльсѳ оз восьтыны «Памятник дорын» да «Тувсовъяс му вылын» кывбуръяс. Мукѳдыс роч кыв вылас лоины бледжыкѳсь.

А дзоньнас кѳ книжкасѳ донъявны, то колѳ шуны, мый поэт збылысь аддзис ассыс роч лыддысысысысѳс. И ми радѳсь тайѳ аддѳмыслы.

В. Мартынов.



А. А. Суханова.

Шонді югӧр кодъ ань

Нӧвик сиктса школаын медводдза учительницаӦн вӧлі Агния Андреевна Даньщикова, серамбана чужӧма, шань да мича коми ныв. Аслыспӧлӧс шонді югӧр моз пырис сійӧ мян сиктӧ да югдӧдіс нэмъясӧн вешйивтӧм пемыд олӧмсӧ.

Чужліс Агния Андреевна 1884 воын Вомын сиктын. Сэні помаліс школа, а сэсса велӧдчис карын, женской гимназияын. Та бӧрын матӧ кызъ во велӧдіс коми челядьӧс: Ручын, Вотчаын, Кӧрткерӧсын, Нӧвикын; меддырсӧ Нӧвикын — 8 во.

1920 воын Агния АндреевнаӦс ыстылӧны Устюгӧ куйм тӧлысса курсъяс вылӧ, кытӧн дасьтисны политпросвет кузя уджалысьясӧс.

Курсъяс бӧрас югыд мывкыда аньӧс колӧдӧны уджавнысӧ карӧ, УОНО-ӧ; бӧрынджыкбосьтӧны Коми издательствоӧ.

Сьӧкыд ӧні артыштнысӧ, мыйта вын да радейтӧм сетіс Агния Андреевна, мед вежӧрмӧдны коми челядьӧс, кыпӧдны да велӧдны водзті нинӧм туйӧ пуктылан коми нывбабаясӧс, медым лӧсьӧдны велӧдчан книгаяс, панны коми литература, дзикӧдз вӧтлыны коми муыс важ пемыд оласногыслысь колясъяссӧ.

Агния АндреевнаӦн югыдланьӧ, революционнӧй туй вылӧ сетчӧмыс заводитчис тайӧ нэм пуксьӧмсян на. Ме тӧда: Нӧвикын велӧдігас сы оланінӧ унаысь волісны обыскӧн. Торйӧн нин скӧраліс Агния Андреевна вылӧ поп Шумков: вичкоӧ воливтӧмысь. Но ассьыс визьсӧ кутысь учительница эз повзъы нинӧмысь, вӧчис сідз, кыз эськӧ йӧзыслы лӧӧ бурджыкӧн.

Коми школа лӧсьӧдысьяс пийн медводдзаяс лыдас вӧлі и Агния Андреевна. 1918 воын на сійӧ ышӧдӧ Кӧрткерӧсса учителясӧс сы вылӧ, мед лӧсьӧдны комиӦн лыддянторъяс да ачыс медводз гижӧ висетьяс. Оз вунӧд сійӧ и гырысьясӧс: ӧд налы тшӧтш мыйкӧ колӧ асланыс чужан кыв вылас. И Агния Андреевна гижӧ да сувтӧдалӧ пьесаяс.

Агния Андреевнакӧд 1921 воын ме уджалі Коми издательствоын. Ме кодъ томыс, сяммытӧмыс сэн эз ӧти вӧв, и Агния Андреевна сьӧлӧмсянныс велӧдіс-сибӧдіс мянӧс литература лӧсьӧдан удж дінӧ. Ог помнит, медым сійӧ скӧрмывліс мян вылӧ, чырыштліс ыджыдӧ пуксьысь моз. Бур жӧ нин сьӧлӧм сылӧн вӧлі. А ӧд ми тӧдім нин, мый сійӧ висьӧ.

Ог вермы, медым не содтыны татчӧ и сійӧ тӧждысьӧмсӧ, кутшӧмӧс пунктис Агния Андреевна гӧль крестьяна ныв-пиян вӧсна, кор ковмывліс ӧтсавны налы весиг сьӧмторйӧн: сетліс ставсӧ, мый вӧвлі лов саяс.

Менӧ ачымӧс Агния Андреевна кыкысь лӧччӧдліс карӧ, мед сетны женской гимназияӧ. Сӧмын тай эз босьтны сэтчӧ менӧ, гӧль крестьянин нывтӧ. Кыкнанысьяс шуисны: абу пӧ вакантнӧй местаыс. Но Агния Андре-

евна эз сет меным усъны сьолӧмӧн, эскӧдӧс, мый воас кад и ме бытэ кута велӧдчыны. Сӧдзи и лои.

Сиктса челядь, кутшӧм гаж ми тӧдлӧм? Сӧмын исласьӧм да котралӧм. А Агния Андреевна велӧдӧс мянӧс сьывны и уна ног ворсны, весиг ёлка мянлы вӧчлывлӧс. Ми сӧйӧс радейтӧм мамӧс моз, гашкӧ, ёнджыка на. И бӧрдмӧн жалитӧм да вежӧгтӧм первойсӧ, кор тӧдмалӧм, мый сӧйӧ петӧ верӧс сайӧ. Мый нӧ, йӧй челядьыд!

Збыль вылас жӧ верӧсыс Агния Андреевна, Пӧддельной сиктса фельдшер Иван Александрович Суханов, вӧлӧи зэв шань мортӧн. Бӧрынас ми сӧйӧс тшӧтш жӧ кутӧм радейтны.

Овны да овны на эськӧ Агния Андреевна! Мыйта бур на эськӧ вермис сӧйӧс вӧчны коми йӧзлы!

Но 1925 во сентябрь 16 лунся «Югыд туй» газетысь ми лыддим: «...Москвын кувсис Агния Андреевна Суханова».

Ёсь дойӧн ёнтыштӧс тайӧ юӧрыс мянлысь сьолӧмъяснымӧс.

Агния Андреевна висис туберкулёзӧн. 1925 воын гожӧмнас сӧйӧ мунӧс Башкирияӧ, мед бурдӧдчыштны вӧв йӧлӧн, но висьӧмыс абу нин кокньӧдлӧма, и сӧйӧс вайӧдасны Москваӧ. Сэн сэсса и кувсьӧма.

1925 вося сентябрь 20-ӧд лунӧ карын мунӧс собрание, кодӧс вӧлӧи сӧма Агния Андреевна югыд олӧмлы. Сэн сӧрнитӧсны зэв унаӧн, тшӧтш и ме. Но медся нин сьолӧманым йиджис Нӧбдӧнса Витторлӧн биа висьталӧмыс.

Агния Андреевна шулӧма: кор пӧ ме кула, колльӧдӧй менӧ коми сьыланкывӧн. Ми сӧдзи и вӧчим: собраниесӧ помалӧм коми сьыланкывъяс сьылӧмӧн.

Колӧ татчӧ содтыны, мый собраниеыс жӧ сӧк шуис, медым лӧдзны торъя книгаӧн Агния Андреевналысь гижӧдъяссӧ, а сылысь портретсӧ разӧдны школаясӧ да клубъясӧ, мед быдмысь йӧз тӧдӧсны, кодлысь колӧ велӧдчыны овны йӧзлы шуд вылӧ.

Агния Андреевна Суханова (тайӧ овнас сӧйӧ унджыклы тӧдса) мед-бӧръя лов шыӧдзӧс пессис коми йӧз вӧсна, и мед жӧ менам нейджыд гижӧдыс отсалас кольдӧны нэм кежлӧ сылысь нимсӧ. И бур эськӧ вӧлӧи, сетны кӧ тайӧ югыд нимсӧ кутшӧмкӧ школалы.

Е. Г. Королёва,

1919 восянь КПСС-са член.

Вӧр-ва йылысь кыв

Менам Мозыной, синва кодъ сӧдз ваа юй! Тӧдан-ӧ, мыйта радлун да шуд тӧ меным козылалан? Онӧи тӧв, тэнсыд югыд веркӧстӧ кыз йӧн дорис войвывса кузнеч — Мороз. Но и онӧи ог дыр кежлӧ вермыв торйӧдчыны тӧысь. Оз, оз сӧмын паськыл эрдъясыд кыскыны, дона юй, менӧ. Тэнад чиг чериӧн озыр кудйыд шыӧдӧ.

Асья рӧмыдын на и сувта шойччан лунӧ. Босьта дженъидик вугуршайт,

пыридз и мӧда тӧкӧд аддзӧдчывны, йи улысь вугравны ёкыш да налим.

А гожӧмнас, гожӧмнас! Лунся удж бӧрын йӧткыштча берегяныд ветки-пыжӧн, лӧччыся визув вылад и ставсӧ вунӧда — шог и мудз. Лӧсьыд! И рытъя шондыс ворсӧдчӧ югыд веркӧснад. И улльӧв кодъ небыд тӧв ымралӧ, нюлӧ чужӧмбантӧ. И сынӧдыс сэтшӧм сӧс-тӧм. Ставыс мусасыс муса, Мозы

юй, тэнад: веж бадь нёрысьясид и кузь лыа кёсаясид, и пемыд джумь-ясид.

Ок и радейта вуграсьны. Чөвта кө вугырөс тэнад джумйө, Мозын, менө дыр сэсса оз вермы торйөдны сэсь некод, бипур вылын пубм тшын көра юкваысь кындзи. Сөмын сийө ылө-дас. Сэки кыпөда якөр-изийөс, кая джуджыд берег вылө да песта бипур. Мөтыр вылө ошөда армейскөй пөрт. Гөгөр чөв-лөнь. Весиг лэбачьяс дугдिसны сьывны, водисны нин узьны. Сөмын өти бипур и трачкөд-чө-печласьө дон өгыръясөн. Отнад. И абу гажтөм. Мөдарө, югыд мөвпьяс вооны. А сэни и юква пусьяс. Кад чөсмасьыштны.

Ой, лөсьыд! Нинөм вылө сийөс ог веж, весиг медся бур ресторанса сөян-юан вылө. И кёсийсысь сэк пыр видзны тэнсьыд озырлунтө, юй. Шуа и аслым: ме некор ог гудырт, ог няйтөсьт тэнсьыд ватө. Ог шыбит визув вылад ньөтчыд лөп. И черитө ог бырөд, сөмын чөсмасьыштла сийөн коркө.

Татшөм югыд думъясөн сэсса и ланьтан бипур дорө, кодi лаймалө нин. Чөскыд да пөтөса вөлөга бөрад унмыд личкө. Но он дыр кежлө и ойбыртлы — асья ыркыдыс пальө-дас. А кутшөм долыд да кокни лолыдлы! И мыйөн сөмын кузь пожөмьяслөн туганьяс сайсянь быльк-нитас-петас шондi — тэ бара нин пыжын, дзорган-видзөдан дурпоп кодь таб вылө. Тiрк-тiрк вөрзьялас сийө и — мык. Тiрк-тiрк и — мык.

Мозын веркөсянь өни кыпөдчө йөв рөма ру да сылө-разалө көнкө сынөдас. Сынөдсө эз на вевъявны донөдны шондiлөн му вылө пөлөсөн усьысь югөръясыс, да ыркыд. А тэнад веркөсыд, юй, рыгьяысь на шылыд да югыд, өни дзик нин рөмпштан кодь. Ок, мича!

...Вот мый тэ козьналан меным, дона юй, — ассьыд став мичлунтө, кодi содтө вын-эбөсөс и мывкыд-лунөс тшөтш.

И кызди нө та бөрти оз доймы сьөлөмыд, кор кывлан, мый кодкө өбидитис тэнө. А татшөмторйыс овлө. Эмөсь тай на өткымын войтыр, кодьяс көин моз усьласьөны тэнад озырлун вылө. Браконьер — вот кодi тайөс вөчө. Сийө тэнад вөрөгыс. Нинөмөн оз артась, ставсө дась пасьвартны, жугөдны, няйтөсьтны, мед сөмын тыртны ассьыс пөтлытөм горшсө. Сьөмга и кебөс кыйө-виө. Ватө гудыртө. Мый сылы, юй, тэнад озырлуныд, кодi чинны нин кутис да колө видзны сийөс.

Кодi нө сийө, браконьерыс? Гашкө нө, «пемыд» мужик, кодi оз төд законьяс? Али нө пөрысь пөль, кодi нэм чөжыс олө тэ дорын? Абу.

Браконьерыс — Удораын вөр овмөсса начальник Никөн Паш. Отпускө мунигөн висьталис, мөдi пөмык вугравны. А локтигас рыб-инспекторыс пыжсыс ректисны... сьөмга. Сэк сийө скөрмөм вывсыс «вузалис» мөд ыджыд браконьерөс — Слөбөдаысь Вася Стөпаөс. Тайө мортыс вөйысис юлысь озырлунсө дорйыны, пырис рыб-инспекторө да ачыс жө и кыпөдiс кисө тайө озырлун вылас. Буретш кыйсянинас суисны. Пыжсыс кыкисны дас кык сьөмга да азылас. Со кутшөм, лев кодь браконьерьяс веськалисны капканө.

Өра ме татшөмьяссө, быдөнөс өра, кодi коть кутшөмкө ногөн зильө бырөдны вөр-валысь мичлунсө... И ковмас кө, пета йөзлөн суд вылө общественной мыжалысьөн, медым на-кажитны татшөм горш йөзсө. Мед сөмын пыр лоин тэ мичаөн да озырөн, муса Мозын юй!

А. Размыслов.

ПОЗТӨМ КӨК

ВИСЪТ

— Но, тэ нө прокурор дорө жө воин?.. Э-э, другө, эн тэрмасы!.. Сөвещаннө вылын пö прокурорыс, часмөд мысти пö сөмын воас... Пуксыы, зонмө, орччөн, пока диваныс прөст... Кытысь, шуан, ачылд?.. Шыладорысь?.. А ме — Сыктыв катыдысь. Давдор сиктсө тодан?.. Оньö Миколайөн шуоны... Эн кылы?.. Сыктыв вожсыс тай менö быд пон төдө-а. Тöрыт товарищескөй суд вöли да, колөкө, районнөй газетö печатайтасыны. Сэки ставныс кутасыны тöдны.

Неладнөй решеннө лыддис сиктса судья Каритон Габөйд да прокурор дорад норасыны локти... Мыйысь, шуан, судитчи?.. А со мыйысь...

Овлі ме асланым сиктса бабакөд, Пөлик Öгашкөд. Дас нель во ур поэзын моз кургим, куйм челядь чужтим-рөдитим: кык пи да öти ныз быдмөны. Совхозын уджалім-олім. Öгаш мөсьяс лысьти, ме — конюкалі. Бура олім, элясыны грек. Няньсовсыд да яй-вийсыд некор эг топавлөй: мөс видзим, куйм ыж да арөса порсь быд во начкывлім. Паскөмным йөзлөн кодь жө вöвлі и.

Да, олім эськө, колөкө, кувтөдз лючки-ладнө, но сөйсис миян костö öти баба. Орчча грездса Мөсей Варук олөмнымөс дзугис. Чөййыв да Ягув грездьясса уджалысьяс вылын бригадир пыдди сійө. Ме дорысь сизим арөсөн томджык. Варукыс дөваөн лыддысьсө: мужикыс гажа юрөн

Сыктылө купайтчыны пырөма да изьялөма-вөйөма... Кызь өкмыс арөсөн дөваас кольлөма, но вылысь верөс сайө абу нин петалөма.

Варукыс ничево сідзсө: тушаыс латшкөсник, но зуд кодь на топыд. Плешкыс эськө векныдик, но синъясыс, вөрсалөн, мичаөсь: кельдлбзөсь дай том нывлөн моз на вөрсөдчөны.

Öтчыл, аръявылыс, конюшня сарайө вөлі турун пыртла, а бригадирным додьяс видлалө. Турун нөбйөн кути прөйдитны да Варукыдкөд өдзөс бокас зурасим. Варукыд китшкитш серөктіс дай турун нөбйөс шуткаөн моз йөткышти. Менө и турун нөбйөйд сарай джоджас гатшөдіс. Чеччи, пыркнитчи дай шуа: «Тэ тай нө, Варук, бара ышмылан?» А сійө вылысь китшнитіс, небыдик нигөн кепысьнас чужөмөс малышти да пель водзө вашнитіс: «Миколай, сө зблөта!» Ме и падмикодь, чужөмө вир ыткөбтіс: чөв, мися, Варук, куйөд гудралысь дядьөйд кутшөм нин зөлөта. Варукыд и, нем яндысьтөг, кос гөгөр кутышти, пельпом вылө юрөп пуктіс, пөсь лов шынас юрсиөс гильөдө: «Тэ тай дзик на йөй: том баба ляскысь, а өтдортчан. Көймөдысь нин чуксала, а тэ век вөля вылын гождөм чибө моз пышъялан». Пөсявлі весиг татшөм кывъясьсыд, вешти киясө чужөм бокасы: ме өд, мися, семейнөй мужик. «А семейнөйыс донаджык:

сылон сям эм. Ме тэнэ Огашыдлыс мырддя!» Тэд од, мися, дэва мортлы, дөвечос колэ корсьны. «Некод меным оз ков, тэ свет вылас медмуса и медмича».

«Аддзин тай,— думайта,— томос да мичаос. Чужомой писти сера, голосой сюзьлон кодь, юрой порт кодь кыз». А сылы мый. Окасьны суюсьо, чай юны коро. «Дум абу»,— шуа сылы,— а аслым и нимкодь. Нелямын нель ароса мужикос бабаяс оз кедзовтны. «Волян? — сералэ Варукыд,— менам од чайыс чоскыд и курыд: спирт сора». «Сирасин жэ тай,— думайта,— лежног моз сатшкысин. А, гашкэ, бора-водз, пырала да?.. Чай стокантэ юомыс од некод на оз дивит. Сэсся од, кодыр лэчкад съолайд сиасьо, сэки жэ кыйныд-а». Сывйышти Варуктэ дай турун вылас и конйышти. Окасимкерим, а рытнас, вөвъясэс идралом бөрын, чай юны ветлі.

Варукидлэн пызан вылас ставыс дзижки-пражки: пось шаньгаяс, пельменьяс, яесничаяс. А чай пыдиыд Варукыд паськыд зобъя румкаон югыд вина мыччэ да мыччэ. Огашой менам гадзитэ весиг том дырйи эз гөститөдлы. Гашкэ, куим час пукалим. Поводноя гажми Варуклэн чайон. Гортэ мунигон кокъясой сомын печлалөны. Пыри керкаэ. Огашой чуймыс: «Кутшом деньга вылэ нэ татшомөдзсыс лакин?» Другкөд, мися, аддзсысим.

Ме и чоскамми. Аскинас бара ветлі. Сэсся и, дырон-надзон, дикөдз сиаси. Удж бөрын, рытнас, дзик нин гортлань мунны думой, но кокъясой бара ылөдасны, мөд трөпалань вөсылала.

Отчыд, луннас, гортэ кежи. Улыс дөрөмөс көтэ, мися, вежа, а тэ сабсь ветьок кодь нин лои. Огашой идрасянинсьыс окурат пажнайтны вома. Порог вомон воськовтигкості и желлясис: тэ пө, дядьо, коні тэ дырасэ шувъялан-ветлан? Бурлачитан али мый? Ме и дөзмикодь бытьо: «Син ог куньлы, висысь вөв дорын вой-вой дежурита, а бурлачитомон шуасны дай!» Эскис ли эз ли сэки Огашой, но зыксыны тай эз ээвтчы-а.

Шуоны тай: шылатэ пө мешокад

он дзеб. Кодкэ и аддзылөма Варук ордад ветлөмтэ, Огашлы юөртөма. Гөтырой и конюшня керкаэ локтис, топөдлыны мөдис: «Миколай, тэ тай нэ пөдруга видзан?» Ме, дерт, дорйыся, кыз кужа: «Пөдруга!.. Ланьт, эн сөр!.. Коді нэ менө радейтас, абу од томиник зон». «А зонмөн на тай лыддьоны кодсюрө. Мөсей Варукыд пө госа баба. Томджык да шаньджык, коктэ бурджыка шонтас». «Ланьт,— шуа,— эн лөсьөдлы. Гортысь кодзөдчыны ог көсйы». «А тэ кодзалөмыд нин, кык вежон гортад эн кежав!»

Ме од мортыс сэтшөм: ачым ог пиняся ни мукөдлысь ог кывзы. Тодмышкалі Огаштэ ывлаө: эн, мися, тоткы, пөрысь выжив! Мунис, кылэ, гөтырой, а ме пукси скамья вылэ, чигарка пешті да ыдъяся: «Мелі бычөпи кык мөскөс нөнялэ, но ме абу нин бычөпи, а арлыда өш кодь... Кык көч бөрысь кө вөтчан, некоднаныс оз сюр... Кодсө и эновтны? Огашянь челядэ эм, дай ме серти куим арөсөн пөрысджык, Варук — визув юса ком кодь чулкөс, томджык, мичаджык. Татшөм баба дорад и ачыд томман... Мый и вөчны? Көтэ шөри ордчы. Сэ мат дай сомын».

Рытнас ме дорын бара нин Варукыд тетьялэ. Меліасьо: тувкыштэ, малыштэ. Мый пө зумыштчөмыд, он варовит? Кутыштис, банбокэ чупнитис-окыштис, съөлөмөс сывдис, сойбордйөд гортас кыскис. Гөститөдис. Тушаой и гөгөрбок личалис. Кор гажмышти, Варукыд сывйыштис голя гөгөр да шөпкөдө-шуалэ: «Миколай, тэныд судьбаыс мекөд овмөдчыны шуөма. Талун Якэ Окульө ветлі, тэнэ картіон гадайтім. Червон дама дорө дженьыдик туй уси. Мый нэ яндысьныс, ветлы гортад да көлуймөлуйнад лок. Овмөдчам, он ворссы». Ме и, гажа юрнад, дзикөдз ышми: «Якэ Окульлөн картыс некор на абу пөрйөдлөма. Сэсся од ачым на ас вылын ыджыдыс. Мед, колөкө, Огашой первой лунсяньыс кодзөдис Варук дорсыс. Челядьос кө дзикөдз ог эновт, некод оз и дивит». Асъя войнас, Огашлөн скөтнөй дворын лысьтысигкості, гусьөник чукөртышти ассым новлан шыллө-

мыльбѳс дай руныги-муні Варукъ-ясѳ.

Пѳлик Ѳгашыд эськѳ абу путътѳм бабаыс да: том дырйиыс сьѳла кодъ рам вѳлі. Суседъяс висъталісны: тѳнад мунѳм бѳрын пѳ Ѳгашыд вежон кымын дзуглясис, бѳрдышталіс, ас кежас шогсѳ пыкис, начальстволы эз и норасьлы. А, дерт, кѳнкѳ, эз. Норасис кѳ ѳд, милиционер ли коді ли чукѳстліс жѳ. Тырвывсьыс кѳ быттьѳ, топѳдісны, надейнѳ бѳр гор-тѳ локті-а. Но эз, некод эз и гаравлы.

Овмѳдчи Варукъясѳ. Первойсѳ быттьѳ пѳлѳс кодъ вѳлі, но вочасѳн сьѳдъямми, велалі. Варук мелі, гажа, век торгѳ-сѳрнитѳ да вомгору-лас сьылышталѳ. Сѳсыя и гѳститчы-ны зѳв лют, некутшѳм празник пас-йытѳг оз коль, ѳнія кѳтъ поповскѳй.

Отчыд Шорйыв грездѳ, свѳякъясѳ, катовтлім. Ышмим да асылѳдзыс гажѳдчим. Югдандорыс Варуккѳд кутчысьѳмѳн локтам, «По Дону гу-ляетъ» голькъям-сьылам. Мир туй шѳрѳд мунигѳн, лешакыд, ѳкураг Ѳгашѳй клоп-паныдасис. Магазино нин удитѳма пыравны, челядылы нянь ньѳбѳма. Шай-паймуні быдѳн, весиг морѳс кудйын ыркавліс. Видзѳдлі Ѳгаш вылад: плеш водзсьыс дзор сѳяс казялі, вѳм дорас чукуръ-яс содѳмаѳсь. Юрѳс увлань лѳдзи, садътѳм код улѳ лѳдзчыси: мися, мый лоан — ло. Сумканас кѳ кучка-лас — терпита.

А Ѳгашыд весиг гѳлѳссѳ эз кыпѳд. «Пышйин?— шуѳ.— Виль семья кѳсьян чукѳртны?» Ме чѳв ола, водзѳ-бѳрѳ катлася-дзѳра. «Челядътѳ нѳ коді вердас-юкталас?» Алимент, мися, перйы,— толькѳ и вочавидзи. Алимент перйѳмыд пѳ коин вомысь яй кусѳк нетшыштѳм кодъ жѳ. Оз пѳ денга ков, а челядыдылы — бать.

Ок, кыдзи Ѳгашланьыд Варукѳй чеччыштіс! Быттьѳ шыр вылѳ руч. То пѳ тѳянлы!— шамыртѳма кулакѳ.— Ме пѳ баба жѳ, дай тѳ дорысь ног-саджык на!.. Нѳмыс пѳ ѳтнам винь-гыртны ог кѳйы... Любитан пѳраыс пѳ тѳнад коли, а менам толькѳ на вѳссис. Эн пѳ и виччысь Микулай-тѳ, сѳйѳ кувтѳдзыс мекѳд кутас овны. Дас во пѳ сѳйѳс верда-юктала, уджавны ог тшѳкты. Микул пѳ, сѳ зѳлѳта, лок, мунам асланым туйѳд!

Нинѳм эз шу Ѳгашыд, сѳмын сьѳ-лыштіс миян кок туйѳ да тингыртіс-муніс гортланьыс.

Варуккѳд — том гозья кодъѳсь. Лѳсьыд. Чунь кыкѳнѳсь, шум ни гам. Ѳтка нывсѳ, Тамарасѳ, во сайын вер-рѳс сайѳ сетѳма. Кѳнкѳ пѳ Печора йылын олѳны. Учительница пѳ миян Тамараным,— ошйысис гѳтырѳй,— со пѳ, колѳкѳ, карточкаыс, зятъ гозья неважѳн на ыстісны. Ме, дерт, видзѳдлі карточка вылас, нѳ торья нимкодъясны эг жѳ кут: син водзын аслам челядълѳн ныр-вомъясыс ву-джѳртісны.

Да, дзыкѳдз лои гортысь кѳдзѳд-чѳма. Арнас, кынмавтѳдзыс на, Ва-руклысь керкасѳ разьлі да виль нитш вылѳ лѳптѳ-пѳдрубиті. Сісь вевтсѳ нетшки да шиферѳн вевтти-кыши. Ва войг некытчѳ оз сѳдзтысь. Ѳні, мися, тырвийѳ кѳзяинѳн лоа, укѳрайтны нинѳмысь. А Варукыд-лѳн, вѳлѳмкѳ, и пывсян горйыс кис-сьѳма. «Ладнѳ, шуа, правитам». Горсѳ рази да пач тѳчи, саѳсь стень-яссѳ лѳсийи — горнича кодъ лоис, кѳтъ патерантѳс овны чуксав.

Арнад, ачыд тѳдан, совхозад удж-ыд юр вывтыр. Варукѳй, бригадира-лігад, гортѳ сѳмын вой кежлас ло-кывліс. А ме, конюк мортыд, прѳст кадтѳ век аддза. Усадъба вывсьыс став картупельсѳ, луксѳ, кушмансѳ идралі, ывла гуѳ дзим-дзурк мести-ті. Кык меж вѳлі ротъялѳны грездса ыжъяс бѳрысь да начкышті-кери.

Ставсѳ ладмѳді, ставыс, думайта да, должен тырбур лоны, но мыйкѳ морѳспань улѳс оз-оз дай кодкѳ нѳньыштас, шогѳдлѳ быттьѳ. Мы-йысь эськѳ, думайта да, шогсыныс шоныд поэяд олігѳн?.. Мыйысь?..

Ѳтчыд ичѳтджык пийѳ, Василейѳй, паныдасис. Школасянь вѳлі локтѳ. Гач пидзѳсыс дѳмаса, книга-тетрадъ-сѳ тасма костас суйѳма. «Васьѳ, шуа, абу ѳмѳй сумка ли мый ли? Тадзтѳ ѳд книгагасыд тѳв шѳрѳдзыс и росмасны». А Васьѳыд миян збѳй зонкаыс, дедыс рѳдѳ мунѳма. «Рос-масны кѳ и мед! Портпельсѳ тай он ньѳб!» Янѳдіс весиг. Тапниті гач зѳптѳ, малышті питшѳгѳс — сьѳрысь грѳш ни кѳпейка абу. «Энлы, шуа, Васьѳ, ме тѳныд пѳлучка дырйи портпельтѳ ньѳба». Зѳв рад лои, чик-

тылігтырйи гортас котортіс. А мый сылы, гөгөрвотомыдлы. Шег кодь на да, второйын велодчө.

Пөлучкасыд и деньгаос видзи: сельмагысь ной гач да книга сумка ньоби Васьблы. Сумкаас гачсө суйи да другыскөд и мөдөді, аслыс кияс тшөкті сетны, гашкө, мися, Огаш бөр бергөдас ли мый ли да.

Эз эськө бөртө бергөдны, да Варукөй тай муртса эз сөй-а. Пыри гортө да деньгаос пызан шөрас пукті: «На, шуа, Варварушко, пөлучкаё! Мый најөвиті, ставнас тэ-ныд, шкальчик вылө весиг эг ко-льөд». Варукөй кабыртіс деньгатө, лыддис уна-ө, видзөдліс мелань да вылысь арталіс. Матыстчис ме дорө: «Ноко, пөлышт!» Уфниті-пө-лышті. Нырсө корліс да куим чөлкөвөйяснас пыркнитіс менам ныр улын: «Эн кө спиртуйтчы, көні дас куим шайтыс?» Ме и падмикодь, чужкөмөй весиг гөрдөдіс. «Васьблы, шуа, гачыс киссьөма да, видзы лои». Чушнитіс-прөйдитіс көтшас-лань: «Мекөд кө овмөдчин, деньга шердйыны ог лэдз! Васьбөс ни Ла-сьбөс төдны ог көйы. Тшуп тайөс аслад йөтөсь нырө!» Ме дөзмикодь жө, кулакөн весиг камги пызанас: «Тэ тай нө, шуа, муса нылыдлы ве-тымын чөлкөвөй ыстін, а ме нинөм эг шу». Варукыд и сундук вевтас тшөтш камгис-кучкис: «Сэтчөдз тэ-ныд зэв ичөт делөыс! Ыстывлі и ы-стыны кута». Ме и юрөс тшапакодь чатөрті: «Коді, шуа, тайө керкаас көзяиныс: тэ али ме?» Варукыд весь-кыда пузис, тшөкмунліс быдөн. Синъясыс сюзьлөн моз сувтсаөсь. Кыч чунь костөдыс певсө мыччис да горөдіс: «Тайөс адзылін, көзяин-господин?! Тэ өд менам керкаын сө-мын на патерант». «А, патерант кө, шуа, верма и усйысьны!» Шур-шар пасьтаси, важиник нопйө зурги кө-луйөс да өдзөссө мышсянь клоп-пөдлалі. Петі кильчө помас. Ывлаас слөта сапкө, зывөк весиг нйитсө лойныс. Кытчө мунны?.. Гортө кежа — челядысь яндзим, дай, ко-лбкө, Огаш оз примит. Друг ордө пыра — юасыны кутасны. Ышловзи да нырөн чушкигтырйи конюшня керкалань мөдөдчи: мися, войсө кол-ляла, а сэні тыдавын пондас. Шор

горув лэччигөн нин Варук лаш-лаш судіс, фуфайка пөлаө шамыртчис: «Миколай, шуө, дзикөдз али мый лөгасин?» А лөгаси көть, мися, нө-баси! Ме вөсна нинөм пойгыныс! Ва-рукыд и сойбордйө тушанас өйшис: «Миколай да Микул, — шуалө, — вай бөр бурасям, төлкөн-ладөн кутам ов-ны. А челядыд меным жальөсь жө. Быд төлысь кутам комын чөлкөвөй сетны». Менам и сьбөлөмөй небзис-кодь, сувтовкери. Варукыд нопйөс мырддис да аслыс волысаліс, ме и, йөйыд, бөрсьыс, яндзимөн-сорөн, бөр катликті.

Бара Варукьясө овмөдчи. Локтан төлысьнас удждонысь комын шайтсө совхозлөн бухгалтерияө коли, кас-сирыслы шуи: «Сет тайөс Огашлы. Лизалы мед пальто ньөбас». Деньга пачкаөй эськө вөсняммис, но Варук-ыд нинөм эз шу, сөмын синъяснас сотыштіс.

Ноябрын, лунсьөдъяснас, прөст кадө, скөтнөй дворьяс ремонтируй-талі. «Өні, — думайта, — Варуклы тырмас и челядылы лишалас». Но эз артмы сідз, кызди мөвпалі: удж-дон пыдди сөмын кырымаси. Варук вөтчис контораөдзыс да сьөмсө пи-тшөгас меститіс. Комын шайт пыд-диыд челядылы сөмын дас чөлкөвөй жаляддза шыбитіс. Тэнад зырум-бедьяслы пө и тайө лишнөй! Шуи жө эськө: «Сө дас квайт чөлкөвөй-сьыд позбө жө комынтө лишөдны», но Варук пыр и вомаліс: «Тырмас, тырмас! Огашыд абу деньгатөм».

Мый вөчны? Пинясьны абу окота. Ланьті. Шулөны тай: көинкөд кө пө овмөдчан, сы моз и омляв. Огашлы юөр ысті: мися, судө сет, челядылы алимент перйи. «Ог көйы ляксы-ны», — юөртөма. А он кө, мися, и олас! Бөрвылас эн элясьөй-а.

Төв шөрнас нин Варукөй шуө: «Олам кыкөн. Август төлысьянь порсь видзам. Тулыснас кө начкыш-там, свежөй йитө кытчө пуктам?.. Киссьөм көбрегтө колө выльмөдны». Думыштчи: «Конюкала. Вөвьяс ас-лам кийнөсь. Трактор додь тыр кө керсө пөрөда, поэас и көбрег тшуп-ны». Лучка пила кеслі, медьен вөв-сө доддялі да рөмыднас на и мысь-ниті-кайи Көч шорлань. Югдан-дорыс вои ягө, туй бокас домышті

вёлс да пёрөдчыны заводиті. Пажнайттөдз кызь пу жвучниті-водтөді. Ывлаыс ыркыдкодъ вөлі, да увъясыс сөмын чиркъяс моз резыштөны, увйысыны оз ков.

Мудзтөдз лои. Пукси мыр вылө нуръясыштны, куритчи, шорсыс ключ васө азыма дучки-юи дай думайта: «Пөрөда ещө вит пу, и— тырмас. Сэсся и чукөртны позяс». Матыстчи кызкодъ пожөм дорө. Пуыс сардмөм кырся, «сарапана». Тшупи пөрөданланьыс да заводиті чилскыны-пилитны. А пуыс ещө болоня дай лолөд вөлма. Шөрөдзис кымын чирсйөдлі, дай лучкаөй топаліс. Вөчны нинөм, лои черө кутчысыны. Тітшки да тітшки кын болоняс. Төвру пөлялө, пожөмсө бовйөдлө. Друг пожөмыд рутш-ратшке-рис да гартолөн мөдіс пөрны. Ме пуас шашаритчи, думысь отсавны көсий месталаньыс пөрны, но нинөм эз артмы. Чечышті бокыв. Пожөмыд гыпкысис өти кер пөперег да вольскөбтіс боклань. «Сарапан» дорышыс веськыд кокө швачкөбтіс. Туті-уси, синъяс водзын вижөдіс.

Палялі— понөль бокин куйла. Малышті кокөс — краж кодъ лоөма, пыкөса. Вөрзөдчышті — юрвемөдз быттө шылаөн сутшкисны, вылө пөсь ва койыштисны. А рөмдө нич. «Татчө и,— думайта,— кынма. Колө көть вөв доддөдз кысыны». Каркөй гортө лэччан туй бокин сулалө. Кымыняси да кысси вөв дорөдз. Пиньөн-гыжйөн рази вөжжисө, доддө кавшаси.

Ог төд, дыр-ө вайөма Каркөид. Палялі— грезд шөрөд нин вөлөй мунө. Том йөз паныдасисны, клубө мөдөмабсь. «Мездөй,— лөвта,— дона пиян, а то пропал». Аслам вөлөн и больничаад нуөмабсь. Пасибө молодечьяслі..

Варук локтіс менө видлыны. Еджыд халата, крөвать дорышын пукалө, юасьө: «Эз жө өд дөбелькиөдз ло? Бурдан жө өд?» «Нинөм,— шуа,— эз ло. Ме өд винөв коз кодъ. Төлысь мысти көр сюр кодъ лоа». Бурд пө, бурд. Мед калекаөи он жө ло.

Надея кути, мися, регыдөн бурда, но абу тай ме ног вөлөма. Карө лэччөдісны луч вылө. Сэсся хирург вид-

лаліс да, мужик мортыдлы, веськыда и виссталіс: «Николай Андреевич, ёна тай коктө дойдөмыд. Чегөминөдыс лыыс крөшитчөма. Операция ковмас вөчны». Менө и шөгөдіс.

Куим төлысь куйлі. Операция вөчисны. Кардъялісны-дорисны чегөм кокөс да бөр асланым больничаө вайөдісны. Войनावывса инвалид моз көстыльөн крөвликася-ветла. Огаш челядьөс ыстөма ме дорө: видзөдлөй пө, ловъя али кулөма батюшкөныд. А Варук куимысь и кежавліс бөра-водза кешлө. Бек эштытөм вылө ыстысьө, бригадиралігад пө уджөн пөді. А, вөлөмкө, абу и уджын делөыс. Кок шонтысьсөс өд аддзөма, ёмайд! Кутшөмкө нем уджтөм мортөс пө сибөдөма. Ош кодъ өн дядькөкөд пө исасьө.

Татшөмтортө кывлөм бөрын выльысь висьөмө уси. Недель саяс кынтіс-пөсьөдіс. Көкөй эз и бурд. Выльысь операция вөчисны. Кардъялісны эськө бура, но шуйга кок серти дженьыдджык лои. Чота со.

Неважөн судитчи. Суд вылас кыкнан гөтырөс тшөкті чукөстлыны. Надея кути: оз-ө, мися, көть кодныскө бөр примитны? Но надейтчөм кешысь и коли. Воддза гөтырөй, Огашөй, эськө и дзормыштөма, но чужөм вылас шань на. «Агафья Поликарповна,— юалөны сиктса судьяясыд,— примитан он гортад ассьыд верөстө?» «А менам,— шуө,— верөсыс абу. Вөвлі и быри». Сэсся Огашыд мелань бергөдчис, синъясыс гажтөмөсь, но некутшөм скөрлун оз төдчы. «Миколай,— шуө,— мый вөлі миян костын, ставыс нин коли бөрө. Шөрөмтө нянь көрышад он нин йит. Вылө эськө лыйлілн, да улө тай усин. Ворсөдчин миян вылын, семьятө энөвтін, бурджык олөм корсин... Мый корсин, сійө и югдіс. Мунан туйыд эськө паськыд вөлі, но локтаныс векнямис. Öні сэсся ва шөрөдыс и кывт».

Ме и шөйөвоши, өтарө ни мөдарө кыв шуны ог слөймы, но, смекниті да, Огашөй өд прав. Көдзөді ме сійөс ас дорысь дай нэмыс кешлө дөзмөді. Ёна-ө кодлыкө кола? Челядь быдмыштісны. Ыджыд пийөй, Петяөй, көкъямыс во велөдчөм бө-

рын неважён совхозын слесаравны заводитома. Судзсянаджык олõны: пõtõсь, паськõмаõсь. Телевизор пõ лõсьõдчõны ньõбны.

Зумбырвидза, а Огаш быттõ мõ-лõtõн кучкалõ кõсичаõ: «Тэ меным вылõ кулин дай челядыдлы он жõ ков. Мõдысь ловзьõдны нинõмла...»

Кыпõдi юрõс, надеяпырысь Варук дiнõ шыси: Варварушко, мися, тэ, гашкõ, жалитыштан да бõр сибõ-дан? Тэ õд, мися, дас во кõсийи уджавтõг видзны? Варукид и тшапа пыркнитiс юрнас: «Колантор,— шуõ,— ветлан!.. Тэ õд меысь пõшти дас арõсõн ыджыдджык». Арлыдыд нõ, мися, мый, сьõлõмыд кõ этийõ. Ме пõ тэкõд гижсьыли али мый? Кодi нõ, мися, керка-картатõ дзонь-

талiс? Дзоньталiн кõ пõ и патеран-талiн! Ме õд, мися, и õнi на мужик, быдтор кужа вõчны. Варукид сõмын векыштчылис: «Тэ мужик?! Чегõм вожья додь тэ!.. Тыпу!.. Тусь ни пызь!»

Синваõй доршасис татшõм кывъ-яссьыд, горш дорõ курыд ёкмьль тасасис. Тэ тай, мися, Варук, абу баба, а яда змей вõлõмыд. Коркõ руч моз леститчин, а õнi кõин моз видзõдан. Пинясьны сõмын зэвтчы-лис Варукид, но судыс лõньõдiс.

Решеннõ примитiсны да дзик не-ладнõйõс. Керка пай тшõктiсны корсьны, а гõтырьясысь — õтказ. Тадзи õмõй позьõ?.. Позтõм кõк моз коли.

Шыасьла, прокурорыс оз-õ отсав.

Мыйла тадзи шуоны?

Апас, апастом, алапастом

Гижодъясин тайо кывъясыс паныдасълоны шоча. Вайодам оти пример: «Семуков зэв одйо петис кылдчан штаб палаткаыс думсыс **апастом** ёна ёрчомон... (Илля Пыстин. Запань. Сыктывкар, 1935 во, 35 лист бок).

Тани **апастом** кывйис кутё «толктом» вежортас, и **апастом** ёна ёрчыны лоё «зэв ёна, мисьтом кывъясон, некытчо туйтома видчыны».

Татшом жё вежортасон **апастом**, **апас** кывъяс веллоны онія коми сёрниын. Эжва вожыс позьё кывлыны: **доромыс киссьома да апасыс абу** (ёна киссьома); **чужомыс няйт — апасыс абу** (зэв няйт); **мусё горюмаось мисьтома — апасыс абу** (толк ни вежос он аддзы). Сыктыв вожын шуасны: **тайо морт-ыс апастом горш** (зэв авчим, вывти горш); **мортис апастом дурк** (зэв идортём) да с. в. Тадз кымын жё тайо кывъясыс бергалоны и Сыктывкар гогорын, и Удораын.

Юавсьё, кызди артмомаось **апас** да **апастом** кывъяс? Ме ногон, **апас** кыв важ йоз артмодомаось сідз жё, кызди и **ыжпас**, **шыпас**, **лыдпас** кывъяс, да татшом ногон важон **апас** вежортсыллома кызд сложной кыв. Тайо кывйислон мод юкюнас тыдовтчо **пас**, коді бергалло коми сёрниын «метка, клейма, цель, индод, мишень» вежортасъясон. Индом вежортасъясыс тыдовтчоны не сомын отка **пас** кывйис, но сідз жё и сысыс артмом сложной кывъясыс. Вайодам на-

йос: **пельпас**, **ыжпас** (ыжпель пас), **гонпас** (тадзи шуоны Изъватасын кор клейма), **потшпас** (потш кералысь пукто ас вужйислысь пассё потшкё, пуа колуйё да с. в.), **вирпас** (шуоны: зэв кельыд, вирпас чужомас абу), **юрпас** (Эжва кывтыдын тадзи шуоны юршор), **пудпас**, **мампас**, **шудпас**, **кылтоспас** (диалектъясын пудпаслон нимъяс). Зеленецланын эм **пасчут**, тадзи сәни шуоны бор пас, му выв пас, видзвыв пас, стрөитчан вешка, тув, майог, рочон ко «пункт. точка».

Тайо модельяс сертиыс XIX—XX нәмъясё волі лосьодома вель уна вель абстрактной вежортаса кыв, кодыас коллоны волі гижан-сёртан уджын, литература кывлы, шуам котъ **шыпас** (буква), **лыдпас** (цифра), **серпас** (картина, пейзаж, вид, облик, чужом, чужомбан), **горюдан пас (!)**, **юалан пас (?)**, **торююдан пас** (запятая), **содтан да чинтан пас**, **босьтан да юкан пас** да с. в.

Вайодом кывъяс мыччодлоны, мый комиын **пас** кыв вочома вель ыджыд удж: озырмодома сёрниномос некымын дас зэв колана кывйон.

Кызди сийо пурёма **апас** кывйё, кутшом вежортас кутё воддза **а** — элементы? Ме ногыс, **апас** сийо **авпас** кывйис артмомтор; **а** — элемент лоома **ав** кывйис.

Асшорю — откон **ав** (либё ал) кутё «толк, вежор, мывкыд, сусьлун, морттуй, вын-эбос, вежавидзём» вежортасъяс, авъя (алъя)

кутö «тöлка, вежöра, сюсь, вежа-
видзись» вежöртас. Дзик тадзи и
висталöма тайö кыв йывсьыс «Ко-
миа-роча словарын». И. А. Кура-
тов кывбуръясысь тыдовтчö сийö жö
вежöртасъясыс. Вайöдам примеръ-
яс:

Адзам, адзам,
Муса коми,
Адзам, адзам
Бурджык пом ми.
Тшöтшкöртчасны
Альяс, выньяс,
Кулаласы
Исполинъяс.

(«Гырысь йöз олöмысь» 1866 во).

Гöтыртö мем вай,
Öзъялö мед öгыр
Сылön чужöмас!
Кольк кодь еджыдöсь,
Кольк кодь гöгрöсöсь
Сылön пельпомъяс!
Сы дырйи, зон, пöсь
Кыдзя босьтö сталтö,
Сыкöд воштан алтö!
Öмидз ва кодь вирыс,
Шондi яйлы пырыс
Тыдалö...

(«Микул», важ мойдыл, 1857—1862).

Квайт лун удж, бур гöсь!
Сизимöдас этша юам.
«Быд йöз лоасы мед — шуам —
Бурöсь, альъяöсь!»
Юыштам, бур гöсь!

(«Гöськöд», 1865—1866).

Татшöмсяма материалъяс под
вылын позьö воны мöвпö, мый сёр-
ниын вермис чужны авпас кыв, ко-

дi вермис кутны «тöлк, тöлк пас,
мывкыд пас, бурлун, морттуй пас»
вежöртас. Юавсьö, мыйла нö эськö
тайö авпас кывйыс öнi оз бергав
сёрниын, мыйла шуöны апас? Тат-
чö позьö шуны со мый: авпас кыв-
лөн шуанногыс абу зэв кокныд,
сы вöсна мый шöрас орччөн тöрд-
чöмаöсь «в» да «п» согласнöй шы-
яс, кодъясöс орччөн шуны сьöкыд,
сёрниын быть лоö «мынтöдчыны»
кодсьыскö, медым кывйыс кок-
ныдджыка да шылъыдджыка шу-
сис. «Мынтöдчöмаöсь» «в» шыыс
да лоöма авпас пыдди апас кыв,
кодöс быд коми морт зэв кокниа
вермас шуны.

Позис, дерт, мездöдчыны сьöкыд
шуанногысь и мöд ногөн: кыв шö-
рас, «в» да «п» шыяс костö пукты-
ны гласнöй шы, сэк эськö сiдз жö
кокнялыштiс авпас кыв шуанногыс.
Тадзи и вöчöмаöсь öткымын коми
сёрниасын. Сыктывкар гöгöрын.
Эжва да Сыктыв вожын эм алапас,
алапастöм кывъяс (тайö мортыс
пö алапастöм — «тöлктöм, мывкыд-
тöм»), көнi мыччысьö сийö жö ав
(ал) кывйыс, кодöс тöдмалiм апас
да апастöм кывъясысь.

Е. Гуляев,

филологической наукаса кандидат.

Техн. редактор *И. Оплеснин*

Адрес редакции: г. Сыктывкар, ул. Орджоникидзе, 10.

Слано в набор 24/1-1968 г. Подп. к печати 9/II-1968 г. 70×108¹/₁₆. Печ. листов 4.
Приведенных печ. листов 5,48. Тираж 4178 экз. Ц00?32. Заказ № 526. Цена 15 коп.

г. Сыктывкар, Республиканская типография Управления по печати
при Совете Министров Коми АССР.

КОДІ ӨНІ ТЫРТӨ ВИТӨД ДАС

Кывьясыс Г. Юшковлөн.

Музыкаыс Я. Перепелицалён.

ТЭРНАЕБТӨГ.

КО- ДІ

Ө - НІ ТЫР-ТӨ ВИ - ТӨД ДАС, ВОЛ-ХОВ САЙ-ИСЬ ТӨ-ДӨ НЮР И

РАС. ЛОК-ТІС СЭТ-ЧӨ ГОЖ-СЯ ВОЙ-Ө, КЫЗЬ А - РӨ-СӨН ПЕ-ТІС БОЙ-Ө, КО- ДІ

Ө - НІ ТЫР-ТӨ, КО-ДІ Ө - НІ ТЫР-ТӨ, КО-ДІ Ө - НІ ТЫР-ТӨ ВИ-ТӨД ДАС.

Коді өні тыртө витөд дас,
Волхов сайысь төдө нюр и рас.
Локтіс сэтчө гожся войө,
Кызы ерөсөн петіс бойө,—
Коді өні тыртө витөд дас.

Коді өні тыртө витөд дас,
Сьөлөм дорас новлө пуля пас.
Воліс смертыис көть эзв матө,
Эз лэдз врагөс Ленинградө,—
Коді өні тыртө витөд дас.

Коді өні тыртө витөд дас,
Талаяліс фашизмлысь ерөм тас.
Пырис вермысьөн Берлинө,
Сөмын сэки воис инө,—
Коді өні тыртө витөд дас.

Коді өні тыртө витөд дас,
Мувывса став войтырыслы ас.
Ывла уджсьыс мугов рөма,
Сөмын юрыс пужьялөма,—
Коді өні тыртө витөд дас.

«Войвыв кодзув» —

КОМИ ГИЖЫСЬЯСЛОН
ЖУРНАЛ



*Петö быд тöлысь, йöзöдö
уна пöлöс гижöдъяс талунъя
да кольöм олöм йылысь.*

*Журнал оз вунöдлы и че-
лядьöс, век мыйкö сетö налы.*

*Судзöдöй да лыддьöй
«Войвыв кодзув»!*